

# توریک بیراوت کجلیستہ ضبط سالیہ

سکسان یدنجی اجتماع

۲۵ مارت ۱۳۴۱ چہار شنبہ

## مندرجات

صفحہ	صفحہ
۲۳۱	۱ — ضبط سابقہ مخصوصی
۲۳۲	۲ — اوراں وارده :
	لايجھل
	۱ — اعشار ملتزم لندن ادای دین ایدنرک املاک مرھونہ و متفوضہ لرینک اعادہ سنہ دائر اولوب ۱۱ قانون ثانی ۱۳۳۹ تاریخی قانون ایلہ مدتی ۱۳۴۰ مارتی ابتدا سنہ قدر تمدید ایدلش اولان ۲۹ ایلول ۱۳۳۶ تاریخی قانونیک ۱۳۴۲ سنہ سی شیطانی غایہ سنہ قدر تمدیدی حقنہ ہش وکالتدن مورود قانون لایجھہ سی تکلیفلر
	۲ — اصول حقوقیہ و اصول محاکات جزائیہ قانونلریلہ صلح و اجرا قانونلرینک بعض موادینی معدل قانونک سکسان اوچنجی مادہ سنہ بر فقرہ تبدیلی حقنہ بوزاق مبعوثی احمد حمدی بک تکلیف قانونیسی تقریرلر
	۳ — اموال غیر منقولہ حقنہ سند عادی ایلہ تصرف ادعا سنک مسموع اولیہ حقنہ دائر اولان ارادہ نک تفسیری حقنہ بوزاق مبعوثی احمد حمدی بک تقریری دیوان ریاست قرارلری
	۴ — سابق مرعش مبعوثی آرسلان بک حامل
	اولدینی استقلال مدالیہ سی قورده لاسنک قیرمزی - یشیلہ تبدیلی حقنہ دیوان ریاست قراری ۵ — اعضای کر آمدن مآذونیتلرینی تجاوز ایتدیبرہ نلر حقنہ دیوان ریاست قراری سؤاللر ۶ — ارکلی ایلہ زونفولداق آراسندہ شمندوفر خطی انشا ایدلمہ سی اسبابنہ دائر زونفولداق مبعوثی طونالی حلمی بک تجارت وکالتندن سؤالی ۷ — شخصی منفعتلر تأمین مقصدیلہ بعض وؤسات تجاریہ و علمیه بہ حیولت ایدہ نلر حقنہ کی تعقیبات و تحقیقات نتیجہ سنک ایضاحنہ دائر ریزہ مبعوثی اکرم بک داخلہ وکالتندن سؤالی رأی اسحصالی ۸ — ملدت حریبہ و بحریہ ایلہ تطبیقات بیطریہ مکتبتندن نشأت ابدن افتدیبرہ نجهیزات بدلی اعطایی حقنہ کی قانونیک ایکٹھی دفعہ رأبہ وضعی ۲۳۲، ۲۲۶، ۲۲۷، ۲۲۸، ۲۲۹، ۲۳۰، ۲۳۱، ۲۳۲، ۲۳۳ ۳ — مذاکرہ ایمیلمن مواد : ۱ — ۱۳۴۱ سنہ سی موازنہ عمومیہ قانونی لایجھہ سی وموازنہ مالیہ انجمنی ضبطہ سی آ — اسکان مدیریت عمومیہ سی بودجہ سی ب — بویوک ملت مجلسی بودجہ سی

# برنجی جلسہ

برائے مذاکرات

دقیقہ ساعت

۱ ۳۰

[ رئیس — کاظم پاشا ]

کاتب: راغب بك ( زونغولداق )

## ۱ — ضبط سابق خلاصہ سی

رئیس — افندم ! جلسہ سی آچورم، ضبط سابق خلاصہ سی اوقونہ جق .

سکسان آلتنجی اجتماع

۲۴ مارت ۱۳۴۱ صالی

### برنجی جلسہ

علی سروری بکک تحت ریاستارندہ بالانعقاد ضبط سابق خلاصہ سی قرائت و عیناً قبول و اوراق واردہ عائد اولدقبری محللرہ حوالہ اولندی .

مالیہ و کیلی طرفندن وقوعبولان تکلیف اوزرینہ توتون حقندہ باندرول اساسنہ کورہ توتون انجمن مخصوصنجہ بر لایحہ احضاری خصوصی قبول ایدلدی .

چقته لر چقتمکی داخلندہ زراعہ توزیع و تفویض ایدلمش اولان اراضی اجارہ زمینک عفوی حقندہ کی قانون لایحہ سنک انجمنجہ سرعتلہ مذا کرہ و انتاجی قرار کیر اولدی .

مأمورین محاکات ہیئت اعضاءدن اوزون مدت مآذون بولنان ارضروم مبعوثی حالت بکک یزینہ دیگر بر اعضاءتخابنہ دائر مأمورین محاکات ہیئت ریاستی تذکرہ سی قرائت و مذکور اعضالغہ بولی مبعوثی شکر کی بکک انتخابی قبول اولوندی . جا بدین و عالم بکلردن انحلال ایدن اعضالقرہ مناسبارینک انتخابی حقندہ دیوان محاسبات

ریاستی تذکرہ سی قرائت و دیوان محاسبات و موازنہ مالیہ انجمنلرینہ حوالہ ایدلدی . منسویین عسکر یه نك تزید مخصوصاتی حقندہ کی قانونہ ایکنجی ماده اوله رق موازنہ مالیہ انجمنجہ علاوه سی تکلیف اولنان ماده عیناً قبول اولوندقندن صکرہ ؛ کرک بو قانون و کرک ضابطان مخصوصاتی حقندہ کی قانونہ مذیل قانون تعیین آسامی ایله رایہ وضع و ایکیسی ده اکثریتلہ قبول اولوندی .

متعاقباً بحریہ و کالتی بودجه سنک مذاکرہ سنہ ابتدار ایدلدی و جریان ایدن مذاکرہ نتیجہ سنندہ ۳۰۸ نجی فصل ایله ۳۱۰ و ۳۲۰ نجی فصللرک مذاکرہ سی تأخیر و فصول سائرہ نك بشی عیناً و دردی تعدیلاً قبول اولندینی کی ۳۱۷ نامیلہ ده یکیدن بر فصل قبول ایدلدی . و برای تنفس جلسہ تعطیل اولوندی .

ایکنجی جلسہ

علی سروری بک طرفندن کشاد ایدیلہ رک مکتب حریہ و بحریہ تطبیقات بیطریہ مکتبندن نشأت ایدن افندیلرہ تجهیزات بدلی اعطاسی حقندہ کی قانون لایحہ سی مذاکرہ و عیناً قبول ایدلد کدن صکرہ مذکور قانونک مذاکرہ

وضع ایدلدی و فقط نتیجہ آرادہ نصاب اولمادینی آکلاشیہ زرق  
چهارشنبه کوئی اجتماع ایدلک اوزرہ جلسہ تعطیل  
اولوندی .

ریس — افندم ! ضبط سابق خلاصہ سی حقندہ  
بر مطالعہ و ارمی؟ (خاړسلسری) ضبط سابق خلاصہ سی  
عیناً قبول ایدلشددر .

## ۲ — اوراق وارده

تبریلی حقندہ دیوانہ ریاست قراری

وار، اوقوتہ جق :

هیئت عمومیہ

تورکیہ بویوک ملت مجلسنک برنجی دورہ احتیاجیہ سندہ  
مرعش مبعوثی بولنان آرسلان بکک قیرمزی — یشیل قورده لالی  
استقلال مدالیہ سیلہ تلطیف حقندہ غازی عینتاب مبعوثی و سابق  
مرعش مبعوثی و غازی عینتاب حوالیسی عموم قوای  
ملیہ قوماندانی قیلنج علی بکک انہا ورقہ سی لدی التذقیق  
بالفعل آتش آتندہ ایضای خدمت و اراز فداکاری ایلہ بن موسی —  
الہک قیرمزی — یشیل قورده لالی استقلال مدالیہ سیلہ  
تلطیف تنسیب ایدلش اولقلہ کیفیت هیئت عمومیہ نک نظر  
تصویبہ عرض اولنور افندم .

۱۳۴۱/۳/۲۵

تورکیہ بویوک ملت مجلسی رئیس

کاظم

علی سروری بک (قرہ حصار شرقی) — پاشام معلوم  
دولتکیز بوتذکرہ دیوانک قرارینہ مستند دکادر . مقام  
ریاستک انہا تذکرہ سیدر . چونکہ دیوانہ تعلق ایدن  
مسئلہ یوقدر . دوغریدن دوغرویہ ذات ریاستپناہیلرینہ  
عائدر .

ریس — طرز تحریرہ برسہو وارددر . فقط مقصد  
شودر : سابق مرعش مبعوثی آرسلان بکک مدالیہ سنک  
قیرمزی — یشیلہ تحویلی حقندہ در . قبول ایدہ نر لطفاً  
ال قالدرسون ! قبول ایتہینر لطفاً ال قالدرسون !  
قبول ایدلشددر افندم .

لایحہ لر

۱ — اعشار ملتز ملرندہ ادای دین ایدنرک اموزک  
عرھونہ و منقوضہ لرینک اعادہ نہ دار اولوب ۱۱ قانونہ تانی  
۱۳۳۹ تاریخلی قانونہ ایلہ مدتی ۱۳۴۰ ماری ایدراندہ قدر  
تعمیر ایلرلسہ اولارہ ۲۹ ایلول ۱۳۳۶ تاریخلی قانونک ۱۳۴۲  
منسی شطاطی غایبہ قدر تعمیرہ حقندہ باسہ دلاتندہ  
مورد قانونہ لایحہ سی

قوانین مالیہ انجمنہ ،

تکلیفار

۲ — اصول حقوقیہ در اصول محاطات جزائیہ قانوننریہ  
صلح و اجراء قانوننریہ بکک بعضہ مواردینی معدل قانونک سکسانہ  
اورنجی مادہ نہ بر فقرہ تبدیلی حقندہ بوز اوز مبعوثی  
احمد حمیدی بکک تکلیف قانونیسی

لایحہ انجمنہ (عدلیہ سلسلری) افندم ! تکلیفار اولا  
لایحہ ویریلر، اوندن صوکرہ دیگر انجمنارہ کیدر .  
تقریر لر

۳ — اموال غیر منقولہ حقندہ سند عادی ایلہ نصرف  
ادعاسنک مسرور اولرہ جغہ دار اولارہ ارادہ نک تفسیری  
حقندہ بوز اوز مبعوثی احمد حمیدی بکک تقریری  
عدلیہ انجمنہ ،

دیوان ریاست قرارلری

۴ — سابقہ مزعمہ مبعوثی آرسلان بکک حامل  
اولر بیفی استقولہ مبعوثی قورده لاسنک قیرمزی — یشیلہ

۵ - اعضای کرامدہ مآذونیتربی تجاوزاشربرہ ندر

مقنرہ دیوانہ ریاست قراری

وار، اوقونہ جق:

ہیئت عمومیہ

ہفتہ لق مآذونیتربی ۴۲ کون تجاوزا ایتدیرن جانیک مبعوثی طلعت عونئی بکک، مذکور تجاوزی ایجاب ایتدیرن اسباب ومعدرتنک توضیحی متضمن، صورت مصدقہ سی مربوط تقریری دیوان ریاستک ۲۲ مارت ۱۳۴۱ تاریخی اون برنجی اجماعندہ لدی التدقیق ۴۲ کونلک تجاوز مدتن، مومی الیہک تاریخ انفکاکندن کانون نانی نہایتہ قدر مآذون عدی خصوصنک ہیئت عمومیہ عرضی تنسیب اولونمشدر افندم . ۲۵ - ۳ - ۱۳۴۱

تورکیہ بویوک ملت مجلسی زئیمی

کاظم

رئیس - افندم ! طلعت بکک ۱۷ کون تجاوز مدتی حقنہ کی قراری رأی عالیکرہ عرض ایدیورم . قبول ایدنر لطفآل قالدیرسون ! قبول ایدلدی . ( نیچون سسلری ) افندم ! سببی کندیلرندن صورددق . بر معدرت بیان ایتدی . فقط بیان ایتدیکی معدرتہ کورہ بومدنتک ہیسنتک قبول ایدیلہ میہ جکی آکلاشیلدی . ہسپی محسوب ایتہنک امکانی یوقدر . معذور عد ایدیلہ بیلہ جکی کونلر بورادہ عرض ایدلشدر .

حسین باقی بک ( بوردور ) - قبول ایدیلان نہ مقدار ونہ قدردر .

رئیس - ۱۷ کون قبول ایدلہ مشدر . ( نہ اولہ جق

سسلری ) ادارہ پہ ویررز ، ادارہ قسط الیوم یاپار .

ہیئت عمومیہ

مجلس عالیہ بوسنہ اجماعیہ بدایتندہ برمدت تأخرالہ التحاق ایتدیکندن مذکور مدت ایچون معذور عدینہ دائر بوردور مبعوثی حسین باقی بکک، صورت مصدقہ سی مربوط، تقریری دیوان ریاستک ۲۲ مارت ۱۳۴۱ تاریخی

اون برنجی اجماعندہ لدی التدقیق ؛ مومی الیہک بدایت کشادہ مجلسہ اشتراک ایدہ مدیکی خصوصندہ سرد ایلدیکی معذرت موافق . کورولہ رک کیفیتک برای تصویب ہیئت عمومیہ عرضی تنسیب اولونمشدر افندم .

تورکیہ بویوک ملت مجلسی زئیمی

کاظم

رئیس - افندم ! دیوان قراری قبول ایدنر لطفآل ال قالدیرسون ! قبول ایتہینر لطفآل ال قالدیرسون ! قبول ایدلشدر .

سؤالر

۶ - ارکلی اید زونفولران آرہ سندرہ شمندر فر ضطی انشا ابرلمسی اسبابہ دائر زونفولران مبعوثی طونری ہلمی بکک تجارت وکالتندہ سؤالی وار ، تجارت وکیلی بورادہ دکلدردر . کلہ جک جلسہ دە جواب ویرلر .

۷ - شخصی منفعندر تأمین مقصدیلر بعضہ مؤسسات تجاریہ و علمیہ جبارلت ایدنر مقنرہ کی تعقیبات و تحقیقات نتیجہ سنک ایضاً دائر ریزہ مبعوثی اکرم بکک داخبلر وکالتندہ سؤالی وار ، کندیلری بورادہ دکلدر افندم . رأی استحصالی

۸ - مکتب ہریہ و بحریہ ایدہ تطبیقات بطریہ مکتبندہ نشأت ایدہ انندیلرہ تجریمات بدلی اعطاسی مقنرہ کی قانونک ایکنجی دفعہ رأیہ وضعی :

رئیس - افندم ! قوطولر کزدریلہ جکدر . ہرکس رأینی استعمال ایتسون ! قبول ایدنر بیاض ، ایتہینلر قرمنی رأی ویرہ جککدر . بو قانونک قبولنہ معلق اولان بحریہ وکالتی بودجہ سنک ۲۱۰ نجی فصلی ، آرانک نتیجہ سی آلدقند نصکرہ مذاکرہ ایدلک اوزرہ اسکان مدیریت عمومیہ بودجہ سنہ کچورز .

### ۳ - مذاکرہ ایدیلن مواد

بروردلری یوقدر . ادعا ایدہم کہ حکومتز چوق زنکین در ، واسع بر بودجہ مالکدر . بناءً علیہ بو بدبختلرہ پارہ ایله یاردیم یاپسون . کندی پارہ سیلہ بونلرک اولرینی یاپسون . بویله ادعاہہ بولنہ جق قدر صافدلرکم . فقط شو محققدرکہ اولرینی یایمق ایچون پارہ ویرمک ممکن اولماسہ بیلہ بوزواللی خلیقک مختلف وسائلہ ترفیہ حاللرینی تأمین ایتہنک امکانی واردر . بو بودجہہ بر مادہ طی اولمشدر . حضوریکزدہ بولنان بودجہنی تدقیق ایدہ جک اولورسہ کز ۳۲۵ نجی فصلدہ ۶ نجی مادہ اولہرق ، حریردکانہ معاونت اولوق اوزرہ ، حکومت طرفدن ۳۰۰ بییک لیراتکلیف ایدلمش کہ ، شہہ سز بویارہ نک قیمتی یوقدر . فقط موازنہ مالیه انجمنی باشقہ مادہ لردن وبشقہ فصللردن بویاردیمی یایمق ممکندر دیبہرک بومادہنی قالدیرمشدر . ۳۰۰ بییک لیرانک شہہ سز مؤثر بر قیمتی یوقدر . فقط بومادہنک بسبتون الغا ایدلمسی دہ ، دلالت ایتدیکی حالت روحیہ اعتباریلہ چوق شایان تأثردر . آرقداشلر ! کچن سنہ ازیمیرک استخلاصی مناسبیلہ مجلس عالینک اوطرفلرہ کوندردیکی ہیٹلر اوحوہ ایدہ . یائمش ، ییقلمش بر چوق قصبہلر کورمشلردر . بوکون آیدیندہ ، منتشادہ ؛ قصبہہ ، آلاشہردہ سزنی تأمین ایدرم کہ آرقداشلر ! ۷ بییک ۱۰ بییک خانہدن عبارت اولان بو قصبہلر بوکون تک برأوہ مالک دکلدن وخلق باراقہ لراچندہ ، تختہ دن یابدقاری قبولہ لراچریسنده ، خرابہلر ایچریسنده هلال احمرک برآز یابدینی معاونت سایہ سندنہ پریشان برحالہہ یشامقده درلر . ہیچ شہہ سز اوطور اقلرہ اولان ، مربوطیتلری و حیاتیلری اعتباریلہ اورادن آریلہ مامقده درلر وبوصورتلہ اورادہ بووضعیتدہ دخی اولسہ لریشامق مجبوریتندہ درلر . فقط کمال صمیمیتلہ عرض وتأمین ایدرم کہ کچیردکلری حیات ، انسانی برحیات دکلدن . مملکتک مختلف خدمات عمومیہ سی ایچون آزچوق پارہ صرف ایتدیکمز بر زماندہ برچوق بدبخت قرده شریمزی بوشکلده بر افاق مجلس عالینک وبالخاصہ

۱ - ۱۳۴۱ سنہ سی موازنہ عمومیہ قانونی بودجہ سی و موازنہ مالیه انجمنی مضبطہ سی :

آ - اسطانہ مدیریت عمومیہ سی بودجہ سی :

واصف بک ( صاروخان ) - ہیئت جلیلہ نک معلومیدرکہ محترم آرقداشلر کچن سنہ مجلس عالی مبادلہ اعمار واسکان وکالتی تشکیل ایدرکن ایکی مقصد استهدف ایتشدی . بونلرک بریسی لوزان معاهدہ نامہ سی موجبہ مملکت مزہ کان مبادلرک اسکان وتفویض معاملہ لرینی یایمق ، دیگری دہ مملکتدہ بیک درلو فلاکتدن صوکرہ خراب یرلردہ پریشان بر حالده قالان اہالی اصلیمزہ ممکن اولدینی قدر معاونت یایمقدی . کچن سنہ بو وکالت بومقصدلہ تشکل ایتدیکی حالده بالطبع مبادلہ ایشلرینک چوقلنی ، اہمیتی ، مستعجلیتی وکالتی ایکنجی درجہ دہ کی مساعی اوزرندہ پوروتمکدن منع ایتدی و بو صورتلہ بوکون تورک وطنندہ ایکلہ یین بیکلر جہ وطنداشلریمزہ حکومتجہ لازمکلن معاونت یاییلہ مدی . نہایت مجلس عالینک معلومی اولدینی اوزرہ مبادلہ و اعمار واسکان وکالتی الغا ایدلدی . وکالتک الغاسیلہ برابر تورکیہ جہوریتی حکومتک سیاست عمومیہ سندنہ دہ ، دون مملکتک مدافعہ سی اوغرندہ پریشان قالان ، دون دشمن ظلمی آلتندہ ایکلہ یین تورک وطنداشلرینہ یاردیم سیاستی دہ اوزتہ دن قالدیرلش اولدی . سانکہ وکالتک الغاسی ، بوکون مملکتدہ بک محتاج بر حالده قالان وایکلہ یین برچوق بدبخت وطنداشلریمزہ یاردیم ایتک امکانی سبب ایدیورمش کی بونقظہ دہ زائل اولدی . بوکون آرقداشلر ! کمال تأملہ اعتراف ایتک مجبوریتندہ بیکرہ او آلامیان ، یاردیم کورہ میان ووطور اقلر اوزرندہ سفیل بر طرزندہ ایکلہ یین بیکلر جہ قرده شلر من واردر . بونلرک ہیچ صاحبی یوقدر .

آرقداشلر ! کرک ولایات شرقیہ دہ و کرک ولایات غربیہ دہ بولنان وطنداشلر ؛ تورک وطنی استیلا ایدن دشمنک ظلم و وحشتی آلتندہ کندی ایشلرینی ، کندی یوردلرینی غائب ایتشلردر . بونلرک بوکون بارینہ جق

سعه مالیسی ده بوکا کافی دکدر. فقط بوکی اداری تدبیرله  
 کندیلرینه یاردیم ایدلسنی آرزو ایتمکده درلر. هیئت  
 جلیله دن بالخاصه استرحام ایدرم و بر تقریرده تقدیم ایدیورم.  
 اسکان بودجه سنک اوفصلی کلدیکی زمان حکومتک تکلیفی  
 وجهله او « ۳۰۰ » بیک لیرانک رایه وضعی ریاست  
 جلیله دن رجا ایدرو بو کرسیدن ده کرک حکومتزدن، کرک  
 موازنه مالیه انجمنزدن طلب واسترحام ایلرم. بومقدارک  
 تزیدنی کندیلری ده قبول بیورسونلر. بوخصوصه  
 بر تقریر ویرمکه قالدیشسه نظامنامه داخلی موجبجه اللی  
 امضالی تقریر اولدقجه رایه وضع ایدلیمه جکدر.  
 فقط قولته امید ایدیورم که کرک مالیه وکیللی بک  
 وکر کسه موازنه مالیه انجمنی اعضای محترمه سی  
 بومقدارک تزیدنی لطفاً قبول بیوره جقدر و بوضورتله  
 محتاج معاونت اولان حرقرده و بدبخت قرده شلریزه  
 مجلس عالی ک کوچک بریاردیمی تأمین ایتک امکانی بولنه.  
 جقدر. بوندن ضوکره بوحوالیده بر درد واردر و کمال  
 صمیمیتله بو کرسیدن افاده ایدیم که بودرد بو حوالیدن  
 ازاله ایدلیمه جک اولورسه مملکت داخلنده پک مزمن  
 بر درد تشکیل ایدم بیلور و مضر بر جریان احداث ایندیش  
 اولور. بوده حرقرده لک اولرده اوطورملری مسئله -  
 سیدر. دها آچیق سویلیم محترم آرقداشلر! مبادللر  
 ایله حرقرده لر آره سنده کی وضعیتدر. شهه سز مبادل  
 اولان قره شلریمک حتی غیر قابل انکاردر و بوحق  
 عهدیدر. معاهده یه استناد ایتمکده در والبته بورایه  
 کلدکلی زمان کندیلرینه او ویریله جکدر  
 والبته کندیلرینه او تفویض ایدلسی غایت طبیعی بر  
 شیدر. فقط افندیلر! اونوتمه مق لازمدرکه؛ مثلاً  
 بوکون ازمیرده، آیدینه، اقصیه ده، آلا شهرده،  
 مغنیه ده اولری یانان بیکلرجه عالهلر بوموال متروکه  
 اولرنده اوطورمقده درلر. بونلری قانون موجبجه  
 قوللرندن طوتوب جبراً دیشاری به چیقارمق شهه سز  
 ممکندر. فقط اونوتمه مق لازمدرکه ایکی سنه اول یونان  
 ظلم و وحشی آتنده پریشان قالان بو عالهلری سواقعه

بتون مملکتجه معلوم و مسلم اولان حس مرحتی، حس  
 شفقتی حس رأفتی ایله هیچ شهه سز قابل تألیف دکدر.  
 بو بدبختلرک مختلف طلباری واردر. بالخاصه زراعت  
 بانقده سندن یاردیم ایسته مکده درلر. حالبوکه مع التأسف  
 بو یاردیم یا پیلمه مقده در. کچن کون قصبه یه کیتشدیم.  
 بو قدر زنکین ایکن خراب و پریشان اولان ویدی بیک  
 آوی یانان بو قصبه یه زراعت بانقده سنک ایتدیکی یاردیم  
 ۲۰:۳۰ بیک لیرایی حکمه مشدر. شهه سز بومیلنی تزید  
 ایتک ممکندر. بونلرک ایسته دکلی؛ مجلس عالی ک قانون  
 موجبجه، ویردیکی اموال متروکه دن اولان اراضی و اموالک  
 بر آره یه کتیریلرک بر بانقده تأسیس ایدلسی بوکا استناد  
 ایدرک مملکتک اعماری و اومملکتده بر حیات احیاسی  
 خصوصنده بر حرکت میدانه کتیریلسی هیچ شهه سزدرکه  
 حکومتجه قابل تأمین اولان برشیدر. صوکره محترم  
 آرقداشلر! بونلرک ایسته دکلی کندی بلدیله رینه  
 حکومت طرفندن بر آز یاردیم یا پیلمسیدر.

آرقداشلر! سزی تأمین ایدرم که بوکون قصبه ده  
 ایچیله جک صو یوقدر. اوت خلقت ایچه جکی صو بیله  
 یوقدر. صوی کتیرمک بلدیله نک وظیفه سی ایش. بلدیله نک  
 ایسه پاره سی یوقدر. بناء علیه صویوللرینی تعمیر ایدرک  
 اوراده هر دایم صو ایتیمق ایچون بیله معاونته محتاجدرلر.  
 ایسته آرقداشلر! تصور بیوریکز که اوراده بولنان خلق  
 بوکون صو ایچمه یه حاک وضعیتده در. هر طرفی یانه رق  
 هیچ برینده آوی، دکانی قالمان بر قضا بلدیله سنک؛ بویله  
 صو یوللرینی یا پهرق میدانه کتیرمه سنک، امکانی یوقدر  
 و عرض ایتدیکم جهتندر که صو کتیرمه نک قدرت  
 امکانی بوله مامقده در. بناء علیه حکومت طرفندن - حتی  
 اقراض صورتیله بیله اولسه - بوبدیله لر یاردیم ایدیلرک  
 کندی حرکتلرینه اساس اوله بیله جک بر فعالیت کوسترمسنی  
 ایسته یورلر. یعنی شو تفصیلاتی ویرمکدن مقصدم شو  
 نقطه یی تبارز ایتدیرمک ایستیورم. بونلرک مقصدلری،  
 حکومت اولریمزی یا پسون واعاده ایتسون دکدر.  
 کندیلری ده تقدیر ایدر که بومکن دکدر. مملکتک

سوق واسکاتی، ممکن مرتبہ و برآن اول مستحصل  
 وضعیہ صوقیلماسنی حکومت درپیش ایدہ جکدر و بونی  
 یاجمدر . فقط بوندن صکرہ شو موادی نظر دقتہ  
 آلتجہ اولاً بویاہلہ حق ، صکرہ شو یایلاحق ددنیلمہ -  
 مش . نومرو صیرہ سنہ قومش . مثلاً بونک ایچندہ  
 دینیورکہ آلتنجی مادہدہ ( مأمورین اقرباسی غیر مبادلرک  
 وبعض ملتجیارک جلباری ) بودہ مدیرتک وظائقی میانہ  
 درج ایدلمش . شمدی بو وسیلہ ایہ ہیئت جلیلہ نک نظر دقتی  
 جلب ایدرم . بالخاصہ واصف یک آرقاداشمزدہ بورادہ  
 استیلازدہ لر ، حریرزدہ لر حقتندہ ہیئت جلیلہ کزک نظر  
 دقتی جلب ایتدی و حقیقہ کوزیمک او کناہ . فبیع منظرہ لر  
 دوریرکن و ترجیحاً بونی یا ہتی لازم کلیر کن دیگر ایشلرلہ  
 مشغول اولاجق اولورسہق ہر حالہ ظن ایدرم وظیفہ منزی  
 یامامش اولورز . اونک ایچون بو وظائقی یاپارکن اہمیت  
 ایلہ یامامشی مدیرتدن ووکالتدن رجایدرم . صوک حرکاتندہ  
 بندہ کز استیلا ایدیلن زلر کوردم . او جنت کبی زلر  
 گول اولمشدر ، خرابہ اولمشدر . آلاشہر ، قصبہ ،  
 مغنیسا کاملاً یاممشدر . بونک ایچون مضبطہدہ دقت  
 ایدرسہ کز اوچنجی مادہ نک ج فقرہ سنہ دینیلورکہ :  
 « استیلا زدکانک مسکنلرینی انشا خصوصندہ معاونت  
 ممکنہ » بو قدر بر فقرہ واردر . و ۳۲۵نجی فصلدہ کی  
 ۶نجی مادہدہ طی ایدلمشدر . طبیعی بومعاونت ممکنہ دن  
 نہ قصدا ایدلدیکنی ونہ صورتلہ معاونت ایدیلہ جکنی بیلمیورم .  
 وکیل یک بومعاونت ممکنہ نہ دیمک اولدیننی خصوصندہ  
 و طی ایدیلن پارہ یرینہ نرہ دن بو حریرزدکانہ ، استیلا  
 زدکانہ ، نہ صورتلہ یاردیم ایدہ جکلرینہ دائر بزى تنویر  
 بیورسینلر . بندہ کز اساسلی بومعاونت یایلا بیلیمک  
 ایچون ہر حالہ جدی تدابیر آلتیق لازم کلیر فکرنہدیم  
 و صرف حریرزدکانک اسکانی ایچون بر باقہ تأسیسندن  
 بشقہ برچارہ کورہ میورم . و بوباقہ یہ ایجابندہ حکومتدن  
 یاردیم ایدیلیر . و بشقہ منابعدن دہ پارہ بولونابیلیر .  
 بونک حقتندہ بالخاصہ او طرفلر علاقہ دار اولان آرقا  
 داسلریمز ایضاحات ویرد جکلردر . بندہ کز دہا فضلہ  
 سوز سویلیہ میہ جکم .

دو کہرک و بو صورتلہ بسبتون کندیلرینک محو و فنلرینی  
 موجب اولہ حق بر نتیجہ یہ واریلماز . شہہ سز بوخصو -  
 صدہ حکومتک بوبوک بر مشکلات قارشوسندہ اولدیننی  
 معترف . اوت ، حکومت کان مبادلرہ یر ویرمک مجبو -  
 ریتندہدر . فقط داخلہ وکیلی یک افندیدن خاصہ رجا  
 ایدرم ، بومبادلرک اسکان وضعیتی ادارہ ایدرکن  
 بوخصوص ایچون امر ویررکن ممکن اولدیننی قدر  
 حریرزدہ لرک سواقہ آتیلہ مارینی لطفاً تأمین بیورسونلر .  
 تکرار ایدیورم کہ داخلہ وکیل محترم یک افندی ؛  
 بوخصوصہ یک بیوک مشکلات قارشوسندہ قالہ جقلردر .  
 فقط عرض ایتدیکم شکک ، حکومتمزدن تأمیننی رجا  
 ایدرم . یعنی بومملکتک ایچندہ وینہ بومملکتک اولادلری  
 اولان وھیچ بر قباحلری اولدیننی حالہ اولوم قارشوسندہ  
 معروض فلاکت اولان یوزلر جہ ، بیکلر جہ عائلہ لری ،  
 مبادللری ، یراشدیرہ جکیز دیہ سواقہ آتمق دہ دوعری  
 دکلدر . معروضام بوندن عبارتدر .

خالدیک ( قسطنونی ) — محترم آرقداشلر! زمبادلہ ،  
 اعمار واسکان وکالتنی اساس اعتباریلہ لوزان معاہدہ سی  
 موجبہجہ ؛ مبادلرک نقلی ، اسکانی و سائرہ کبی بر طاقم  
 عہدی مجبوریت اوزرینہ تشکیل ایتمش ایدک بو وکالتہ  
 ایچہ وظائف ویرمشدک . فقط بو وکالت بالآخرہ  
 مدیرتہ قلب ایدلدی . بو تشکیلاتدن اساس بالخاصہ  
 مبادلر اولقلہ برابر مملکتک وضعیتی ایجابی یالکز بوایشی  
 باشاردقن صوکرہ اوتہ دنبری مملکتک صاحبی اولان  
 و مملکتک مدافعہ سی ایچون قائلر دوکن اہالی نی ، یرلی  
 عنصریمزی ترجیحاً قورومق مجبوریتندہ یز . انجمن  
 مضبطہ محریرینک مضبطہ سنک ، باش طرفندہ دینیلورکہ  
 « داخلہ وکالتک اسباب موجبہ مضبطہ سنہ ۲،۵ میلیونلق  
 بر کتلہ نک اسکان و استحصاللرینک تأمیننی موضوع  
 بحث اولمقدہدر » صوکرہ آشاغی دہدہ ، مدیرتک  
 زبده وظائقی اولہرق مذکور اسباب موجبہدہ  
 ضایلان مادہ لر عیناً شونلردر ، طبیعی ترجیحاً بونلردن  
 عہداً مجبور اولدینمیز ایچون مبادلر مسئلہ سنی ، بونلرک

تابع مزید وادیسى واردر. بومزید وادیسنك ایکی طرفی طاغلق، اورمانلقدر. اورمانلر وطاغلق آره سنه ایکشیر، اوچر عائله اولوق اوزره آبازه مهاجرلر یرلشدیرلشدیر. اوحوالی غایت کوزله، مدنی یرلر اولدیعی حالده بو آبازه مهاجرلرینک یرلشدیرلمسی اسکان شرائطنه غیرمساعده صورتده اولدیغندن بویوزدن اوحوالیده آسایش فوق العاده بوزولمشدر. بر دفعه بو آدم طاغ باشنبده اکه چک یر بولامیور، وار فقط آووج ایچی قدر یرلر واردر. اساساً اولرینی حصیردن فلان بایمشلر وبوصورتله یرلشمشلر. اونک ایچون بونلر صرف شقاوتی ایش کوچ ایدمشلردر. باشلیجه ایشلری شقاوت وتوتون قیاقچیلیدر. بناء علیه اسکانک بویله منتظم بایلمه مسی مملکتک آسایشنه وبالنتیجه اومنطقه نك اقتصادیا ننه فنا تأثیر یاپیور. بونکله برابر بونلر بللی باشلی یرلره اسکان ایلمشلردر، یرلری معیندر. بونلر مهم ایشلر صرهنسنددر. اکر شمدی تصحیحی ممکن دکلسه هیچ اولمازسه مهم ومستعجل ایشلر چیقدقدن صوکره بایلماسنی رجا ایدیوروم. بویکی مثالی خاطره اوله رق عرض ایتم. بوندن باشقه اینه کولده فرقه قوماندانی اوله رق بولندیغ زمان خلق اوزون مضطهرله کلدیبلر وبالخاصه بو آبازه مهاجر کویلرینک اورادن قالدیرلمسی تنی ایدیورلردی. چونکه دونایچ بایلاسی بونلرک تهدیدینه معروضدر. صوکره تحقیق ایتم. قباحتی بو آدملرده بولدم. وقتيله فنا صورتده اورایه یرلشدیرن سابق حکومته بولدم. بونلرک تصحیح ایلمسی مملکتک سلامتی نامنه الزمدر. بالکنز بومهاجرلرمی فنا اسکان ایلمش؟ خیر آرقداشلر! بنده کنز دائره آتخابیه مدن خپیع بر لوحه عرض ایده چکم. بولوحه دن، بزم دها نه قدر اساسلی ایشلرله اوغراشمق مجبوریتنده اولدیغمز آکلاسیلیر. منسوب اولدیغ دائره آتخابیه مه یقین (بروالان). منطقه سی واردر. تقریباً اون اوچ اون درت کویدن عبارتدر. بونلر باسکیدن کشلردر بلکده عثمانلی تورکاری کلدیکی زمان، بلکه ده اساسنی آراسه کنز سلچوقی تورکلرله برابر کشلردر. فقط تاریخاً بیلدیکنز

برده مأمورین اقرباسی غیر مبادللرک و ملتجیلرک جللی دهنیلیور. بوندن مقصدنه در؟ مثلاً کچنلرده بنده کزه طوسیهدن ده بر مأمور بر مکتوب یازیوردی. ۲۰:۱۵. کون وار. کنیدیسی مهاجرمش، مهاجره ککش، بر مأموزیت آلمش. دییورکه (بم اشقودره حدودنده، غوسنیبده اقر بالرم وار. بونلر مهاجرت ایتمک ایسته یورلر. بونلرکله بیلیرلمی؟) مثلاً بونک کبی اولانلر بوقفقره به داخل میدر؟ بومضبطه ده آرقداشلر! دردنچی ماده ده (اسکان تصحیحانی) واردر. بنده کنز بوماده بی چوق مهم کوریوروم. سوق واسکا. نلرینه عهداً مجبور اولدیغمز مبادللرک سوق واسکانی ومتحصل وضعیتنه صوقیلمماسنی کذلک غیر مبادل مهاجرلرک یرلرینه سوقیوامکان نسبتنده اسکانندن صکره بوماده به، پروغرامده کی بوماده به فضله اهمیت یرلمسی رجا ایده چکم شمدی عرض ایده چکم اسبابله نظر دقتکنزک اهمیتنی تجلی ایتمیرمک ایسته یورم. (اسکان تصحیحانی) دهنیلیور. هانکی اسکان؟ معلوم عالیکنز مملکتتمزه چوق اسکی زمانلردنبری مهاجر کلدیور. بللی باشلی مهاجر قافله سی ۹۳ سفرندن صوکره کلمشدر. دها اولجده کلمشدر یا. ۹۳ سفرندن صوکره کلن مهاجرلر بالقان حربندن صوکره ککش اولان مهاجرلر، بونلر ککشی کوزل اسکان ایلمشدر. مثلاً بنده کنز لاعلی تعیین اسکان ایلمش بعض یرلره نظر دقتکنزی جلب ایده چکم. بولوادین قضاسنده (نبر) کولی واردر. بو (نبر) کولی جوارنده قره باغدن ککش مهاجرلری اسکان ایتمشلردر. حتی اوطور. دقاری کوبه قره باغ کوی اسمنی ده ویرمشلر. تدقیق بیوروسه. کنز بونلر اسکان ایلدلکری کوندبری نه قدر ضایعات ویرمشلر در؟ کول غایت بطاقلقی، سازقلی برر، هیچ هوا آلاماز غیرمساعده بر وضعیتده در. کرچه منبت بریردر، فقط سحت اعتباریله غایت بر باددر. اکر اولر اوراده قاله جقلسه اولره رهبرلک ایدوب، اراضی بی تفجیر ایدوب هونی تصحیح ایتمک ایجاب ایدر. یاخود اولری اورادن قالدیرمق واسکانی تصحیح ایتمک لازمدر. بوندن صکره دها خپیع اوله رق بیله چک ولایتنده اینه کول قضاسسنه



عثمانی توزکرلیہ کلمش لدرر. والآن اورادہ درلر . منطقه طاشلق و طاشلق بریردر. فقط مزروع قسمی پک آذرر. بونلرک بیدکری آزدوای آرمودی در . آرمودی قورور- تورلر . برآرداری فلان اکرلر. ایشته یاری آج ، یاری طوق . حتی بونذغه کزرکن بونلرک بعضیاریہ تماس ایتدم اوچ کون آچ قالدیغمز پک چوقدر. معدہ مز تحمل ایتیمور. طاش باغلارزدیدیلر ایشته بونلر اورادہ قالیور کیمسه ده بونلرک حالیلہ مشغول اولماز. صکرہ بونلر یاناق و یورغان صاحبی دکلدرر . باشلرینک اننه برتخته قور، اونک اوزرنده یاتارلر. قطعاً یاق یوزی کورمز لربناء علیہ بواہالی اورادہ بولندجہ طبیعی نہ حسن صورتلہ اعاشہ لری ممکندر . چونکہ طبیعت مساعد دکل ، یرمساعد دکل ، مطلقاً اونلری اورادن قالدیروب باشقہرہ قویمق لازمدرکہ ، قارنلری دویورایلسونلر . صوکرہ همان ہپی خستہ لقلی... بو مثالی عرض ایتمدن مقصدم ده، یکی کلن مهاجرلر دکل، بویلہ مهاجرلر آراسندہ اساساً عصر لردن اول کلمش و مملکتک اساس عنصری عدایدیلہ جک اہالی آراسندہ بویلہ فنا اسکان ایدلمشردہ پک چوقدر . اونک ایچون بندہ کز بومضبطہ ده کی دردنجی مادہ بہ بالخاصہ بومقاصدک حصول بولسی ایچون آشاغیدہ کی یدنجی مادہ واردرکہ ( آتیاً مهاجر اسکانہ وقریہ تشکیلنہ مساعد اراضی حقتندہ ) طبیعی یالکز بوکا مساعد دکل، بونلری زہلردہ اسکان یاپایلمک واونلرک زہلرہ ویریلہ جکی تثبیت ایدلمک ایچون (علمی، فنی زراعی تدقیقات و تنبغات یاپیلیمی) وظیفہ سنہ چوق اهمیت ویرلسی لازمدر . بونک اہمیتلہ تعقیب ایدلسنی وکالت عاندندن رجا ایدیورم .

کیمسہ یوق، جواردہ کی اہالی بی آلوب بورایہ کتیرہ بیلیرسکز» دیدم. ایکی طرفدہ اورمان واراولر پک دہ اوچوز یاپیلہ بیلیر. ونفوسی دہ دہا زیادہ آرتدی رلمش اولور. بناء علیہ بوتدقیقاتہ لزوم و اہمیت واردر. مملکتک وضعیتندن کیمسہ نک خبری یوقدر. یعنی اسکان نقطہ نظرندن چوق تدقیقہ احتیاج واردر . برده ۳۲۵ نجی فصلک طقوزنجی مادہ سنندہ ۷۲۶,۷۵۰ لیرا تخملق ، اون برنجی مادہ سنندہ چفت حیواناتی ایچون ۸۸۹,۲۰۰ لیرا ، اون ایکنجی مادہ سنندہ ۹۵ بیک لیرا آلات وادوات زراعیہ و نقلیہ سی واط . طبیعی پارہ نک مقدارینہ اعتراض ایدم جک دکلم. کاشکہ اولسندہ فضلہ ویرمسہک . عجبا بونی زراعت وکالتی ادارہ ایتسہ دہایی دکلی؟ یعنی تجربہ یاپیلسہ . معلوم عالکیز کچنلردہ زراعت وکالتنہ حیوانات وسائرہ آلمسی ایچون بشیوز بیک لیرا ویردک . اوبر طرفدن تخملق واون احتیاجنی تأمین ایتک ایچون بغدادی مباحہ ایدیور . صکرہ زراعت وکالتک فصلندہ تخملق ، حیوانات ایچون فصل مخصوص وار . او، برطرفدن پارہ صرف ایدیور، مأمور چیقاریور ، برطرفدن اسکان وکالتی بونلری تدارک ایچون پارہ چیقاریور. یعنی ہپ متعدد وکالتلر بوکچی ایشلرلہ اوغراشیرسہ طبیعی بردفہ پیاسہ بہ تأثیری اولہ جقدر. پک طبیعیدرکہ ؛ صوکرہ ہر وکالت آری آری مأمور کوئدرہ جکدرکہ ؛ بالنتیجہ بونلرہ آری آری خرجراہ ویریلہ جک ینہ اسکان ایشنی اسکان مدیرتی یاپسون ، او نظارت ایتسون، فقط تخملق توزیعندہ وچفت حیواناتک آلمسی و تسلیمی خصوصی ظن ایدرم زراعت وکالتی طرفندن یاپیلیمی دہا ای اولور. دکلی ایدم؟ مثلاً سزک آلہ جفکیز چفت حیواناتی ایلہ تخملقی ہر حالہ زہلردہ دہا ای آلات وادوات واردر، زہلردہ دہا اوچوزدر. بونلری دہا ای بیلیر ظن ایدرم . چونکہ زراعت وکالتک بر مدیری واردر. اونک ایچون نظر دقتی جلب ایتدی ، وکیل بکدن رجا ایدیورم . بو وظیفہ یی یعنی بو اوچ مادہ نک محتویاتی زراعت وکالتنہ ویررسہک دہا ای اولمازمی؟ سو بیلہ جکم بوناردن عبارتدر .

الحاق ایڈملیڈر. چونکہ نافعہ ایشلری اعمار ایشلریڈر. اسکان ایشلری جانلی اعمارڈر. بو قیامته قدر دوام ایڈه جکڈر. سوزیمی قیصه کسپورم. شمیدی به قدر بونی سزه بیکلرجه دفعه عرض ایتم. تکرار ایڈیورم؛ بو حسابده ضررک تره سندن دونولسه کار باشلار. غایت ضلالتله نصلسه بر قاج دفعه بو خطایا پیلمشدر. بو خطانک شمیدین دوزه لتلمسی الزمدر. بو خطادوزلدیکی تقدیرده بودجه دن احصائیات و مأمورین مدیریتی، هیئت فنیه، اعمار مدیریتی، انشآت مدیریتی، اوراق مدیریتی، هیئت تفتیشیه، معاملات و قلم مخصوص مدیریتی، مستخدمین متفرقه، ملحقات مأمورلری که بونلرک بر چوقلرندن کار ایڈیله جکدر و ایشلرک هپسی ده بر اله وریله جکدر. تکرار ایڈیورم؛ چونکہ اسکان ده، اعمارده، ایکسی بردر. اعماردر. صوکره آرقداشلر! بو کون ملکیه مأمورلرینک ایشلری، وظیفه لری باشلرندن آشمشدر. بونلرک قطعاً و قنلری مساعدکدر. قصوره باقاسینلر، بن ده بر ملکیه مأموری ایدم. عینی زمانده بر حقیقی اورته به قویاجم. ملکیه مأمورلری قطعاً اسکان ایشلرنده ملکه صاحبی اوله مازلر. چونبکه ملکیه مکتبنده قطعاً اسکان درسی یوقدر. فقط مهندس مکتبنده اسکان درسی قونیله بیلیر. چونکہ بو بر استعداد مسئله سیدر. علمک حصوله کتیردیکی استعداد مسئله سیدر. قطعاً اونلرک قاورایه جقلری سرعت و شدت ملکیه افندیلرینک قفاسنده بولنه ماز. علمک حصوله کتیردیکی استعداد مسئله سیدر. بن ایکی حلمی تصور ایڈیورم، بریسی غبی حلمی، دیکری ذکی حلمی. بو غبی اولان حلمی مهندس اولمش فرض ایڈیکلر. امین اولیکلر غبی حلمینک اعمار ایشلرنده کوستره جکی ذکا، حقایق قطعاً غایت ذکی اولان حلمی ده اوله ماز. نافعه وکیلنک نظر دقتی جلب ایڈیورم. بو بایده نه بیوریورلرده بن تکلیف اتمه یورم. فقط وظیفه می ایفا ایڈیورم. انجمنده تنزل بیوریورنلر. بو مسئله یی برده، تدقیق بیوریورنلر. اکر بو ارقداشلرینه حق ویریوریورلرسه بورایه بر تکلیف قانونی ایله کلیرلر.

رئیس — افندم! ده درت بش ذات سوز ایسته - مشلردر. کفایت حقننده برتقریر واردر. ریاست جلیله به

اسکان مدیریتی بودجه سنک هیئت عمومیه سی حقننده کی مذاکره کافیدر، فصللره کچلمسنی تکلیف ایدهم. بوزاوق احمدحدی

رئیس — افندم! اوج ذات کفایت مذاکره علمنده سوز ایسته مشلر. اولاعابدین بک سوز ایسته دیلر؛ بناء علیه سوز اونکدر.

عابدین بک (صاروخان) — افندم! مذاکره غیر کافیدر. (چونکہ سساری) چونکہ؛ اسکان مدیریت عمومیه سنک بودجه سی موضوع بحث اولدینی زمانده یالکنز ایکی ارقداشمنز سوز سویله مشلر. داخلیه وکیلی بک و موازنه مالیه انجمنی راپورتوری بک سوز سویله مه مشلردر. بوکا عابدو کومانته اوله رق المزده بولنان و تأقندن بحث اتمه دک. فصللره کیرمک یالکنز بر رقم اوزرنده بیانانده بولنمقدن عبارتدر.

احسان حامد بک (ارغنی) — نه کبی وئائق واردر؟ عابدین بک (صاروخان) — مساعده بیوررسه کز شیمیدی او قودیم زمان افندیمز مطلع اولورلر. بو اعتبارله هیئت جلیله کیز اون بش دقیقه سی بورایه تخصیص بیوره جق اولوررسه جوق قیمتلی تنویر و تنوره یاردم ایده جک اولان شیلر ده مطلع اوله جقدر. اونک ایچون مذاکره نك دوام اتمسنه قرار ویرلمسنی رجا ایڈیورم. رئیس — افندم! مذاکره نك کفایتی قبول ایدنلر لطفاً ال فالدرسین! قبول اتمه یینلرال فالدرسین! مذاکره کافی کوروله مشلر.

طونه لی حلمی بک (زونغولداق) — آرقداشلر! یاکلش حساب بغداد دن دوزر. دوغمزسه دوغمی چاره سنه باقیلیر. بر قناعتم دائماً بیللر جه یشاسه منی سزک حضوریکزده تکراره سئوق ایده جکدر. چونکہ اوقناعتم صوکه درجه شدتیلدر. بو قناعتمه کوره اسکان مدیریتی نافعه وکالتنه

یہ آرقداشر ! مضبطہ نك برآز دھا آشاغسنہ  
 کلیورم . مضبطہ محرری بك تنقید ایدیور  
 و حکومتہ دیورک « مهاجرلرک اسکانی ایچون  
 اساسلی حاضرلقرده بولنلماسی ، بالجله اسکان ایشلرینک  
 تنظیمندہ فردی و شخصی تشبثلردن و موقت تدابردن  
 اجتناب ایدہرک متخصصلر آینہ اشتراک ایدہرک صاعلام  
 برسیاست و قطعی بر پروغرام تعقیب اولنلماسی شایان  
 آرزودر « مضبطہ محرری بك آرقداشمز بونی سویلرکن  
 بالطبع شخصلری نامنہ سویلہ میورلر ، موازنہ مالیه انجمنی  
 نامنہ سویلہ یورلر . موازنہ مالیه انجمنی شوکا مطلع  
 اولمشدرک ؛ مدیریت عمومیہ دھا اسکان وکلتنده فردی  
 و شخصی تدبیرلرک ضرر ایراث ایتدیکنی نہ دن موازنہ  
 مالیه انجمنی ، بوایشلری بشارہ بیلیمک ایچون وجودلرینہ  
 احتیاج اولان متخصصلر ایچون بعض مصارف و پارہی  
 بودجہ سندہ قبول ایتہمش ، صوقامش ، مادامکہ بوکا  
 مطلع اولمشدر ..

شو مقدمہ دن سوکرہ آرقداشر ! تفویض اراضی  
 بختندہ مدیریت عمومیہ نك ویردیکی بر تعلیاتی نامہ دن  
 بحث ایدہرک . بو تعلیاتی نامہ عینی قصبہ دہ بولنان  
 مبادللرہ تفویض اراضی بختندہ یکدیگری نہ متسلسل  
 کفالت ایلہ اراضینک تفویضی آمردر . فقط ایشک  
 ایچریسنندہ بر قیدہ وار کہ مطلقاً یکدیگری نہ  
 مسائل صورتدہ کفالت ایدہرک اولانلرک اولجہ اراضی  
 تفوض ایش اولمیلردر . شو اعتبارلہ هیچ کیمسہ یہ مال  
 تفویض ایتمکہ امکان و احتمال یوقدر . چونکہ الندہ  
 بولنان و نائق تصرفہ دن ماعدا کندیسنندن اول عینی  
 قصبہ یہ کلش اولان درت آرقداشنہ مال تفویض ایدلمش  
 بولنہ جقدر . بونک بریسی آلہ جقدر کہ ، دیکری دہ  
 آلہ بیلسون .

داخلیہ وکیلی جمیل بك (تسکفور طاغی) —  
 آ کلامامشسکز کہ .

عابدین بك (دواملہ) — لطفاً ایضاح بیوریلسون .  
 صکرہ اقدم ، یہ بومضبطہ دہ . واسکان مدیریت عمومیہ سنک

عابدین بك ( صاروخان ) — محترم افندیلر !  
 کچن سنہ ، کچن دورہ دہ ، یعنی ایلك دفعہ مجلس عالی  
 اجماع ایتدیکی زمان مجلس عالینک اک اهمیتلی اولمق اوزرہ  
 نظر دقتہ آلدینی ایش بواعمار واسکان ایشی ایدی .  
 نہایت عمومیہ شدی و نتیجہ اعتباریلہ عمومیتدن وشواسیتضا  
 حدن سوکرہ اعمار وکالتی اورتہ دن قالدیرلدی . وظیفہ سی  
 مدیریت عمومیہ یہ ویریلدی و بومیانده ہیکر طرفدن ذینہ جک  
 قدر وقوع بولان بیانن ، اجرا آتہ عائد تنقید اتدن بیلیم پایلان  
 ایشلر نہ درجہ یہ قدر تعدیلہ اوغرامشدر . مطبوعاتک  
 ساکت اولیشہ ، مدیریتک سسز اولیشہ کورہ اولہ بیلیرکہ  
 بو ایشدہ بر انتظام ، بر انسجام حاصل اولمشدر و فقط ؛  
 مطاع اولمادیغمز شممدی برابر او طوران موازنہ مالیه  
 انجمنی مضبطہ محررینک اطلاعیلہ تثبیت ایش اولدینی  
 فقرہ دن کال اهمیتلہ بحث ایدہرک . اودہ اعمار مدیریت  
 عمومیہ سنک وظائفی آرہ سندہ معلوم احسانکز ؛ مبادللرہ  
 عائد حقوق و ایشلر ، حرقرزدکان و ضرردیدہ لرہ عائد  
 حقوق و نہایت بونلرک اموالہ تعلق ایدن شیلواردر .  
 مبادللرہ تفویض اراضی بختندہ ؛ محترم آرقداشمز مضبطہ  
 محرری احمد رمزی بك قرداشمز حکومتہ خطاب  
 ایدہرک دیورلر کہ « بو خصوصہ لایق اولدینی اهمیت  
 عطف ایدیلہرک تفویض معاملہ سنک سریع و صاعلام بر  
 صورتدہ ایفاسی و بومیانده شخصی نفوذلرہ ، التماسلرہ  
 میدان براقلمیہ رق شدت و قطعیت تعقیب اولنمسی ... »  
 افندیلر ! مضبطہ محرری بك بورادہ بر مؤثر ، بر  
 متأثر دن بحث ایدیورلر . مؤثر کیمدر تفویض اراضی دہ  
 شخصی نفوذینی اجرا ایدنلر کیملر ؛ لطفاً بونلری  
 تثبیت ایتسونلر . متأثر اولان دہ مدیریت عمومیہ در .  
 هانکیلری طرفدن سزہ التماسلر ، تأثیرلر ، نفوذلر ،  
 یاللمشدر . بالطبع بونی تثبیت ایدیور . اولہ امید ایدرم کہ  
 هیچ بر شخصی نفوذ طرفدن و هیچ بر طرفدن  
 مدیریت عمومیہ متأثر اولمامشدر . شو حالده مضبطہ دہ  
 قید ایدلمش اولان شو فقرہ بو احتمال دائرہ سندہ لغو  
 ایدلمسی ایجاب ایدن بر فقرہ در .

سوقاغہ آتشلردر . مدیریت عمومیہ تعمیم ایتمش اولدینی  
 تعلیماتنامہ سندنہ دیورلرکہ ، حریقزدکاندن خانہ لردہ اسکان  
 واباتہ ایدلسی لازم کئلر آحق و آحق عجز مطلق ایچریسنده بولنان  
 محتاجیندر . بونک قابلیت تطبیقہ سنہ کلیکمز ، تطبیقات  
 ساحہ سنہ کیریکمز؛ نتیجہ سی ہیچ برشی اولمیان وهر کسی  
 برر برر سوقاغہ آتمقدن عبارت بولنان بر تعلیماتنامہ نک  
 محتویاتی قارشوسنہ سکمز . آرقداشلر ! بزم یایق اولان  
 مملکتاریمزدہ یوزیکلرجه لیرایہ مالک اولان آدماردن  
 ہیچ بریسنده ثروت نامنہ برشی قالماشدر . ہبسی عجز  
 مطلق ایچریسنده در . اگر عجز مطلق اسکان مدیریت  
 عمومیہ سنہجہ تسئل دیمک ایسہ تسئل ایتمش اولانلرک وقتیلہ  
 اوی یوقدی کہ شیمدی یرلشدیرلم . بوکامقابل برر صورتلہ  
 از میرہ یرلشمش اولان مأمورینہ خانہ تدارکی خصوصندہ کی،  
 بزمده ہیچ برر صورتلہ از میردہ اقامتارینی تجویز ایتمہ دیکمز،  
 چونکہ ساحہ اعتباریلہ کندی بولندقلری اراضی بہ اوزاق اولان  
 بو آرقداشلر مز یعنی حریقزدکان برررر سوقاغہ آتلمقدہ  
 و بونلرک آتیلدقلرینی ہر کون کورمکدہ یز . آرقداشلر!  
 بونلرک یرینہ بر مأمور ویا دیگر برعائلہ یرلشدیرلمکدہ در .  
 ہانکی طرفدہ واردر کہ ونہ زمان کورولمشدر کہ دولت  
 بر مأمور تعیین ایدردہ . اونک ایچوندہ حق سکسانسی  
 اوزرینہ آلیر . بو بجنده بر سؤال وارد اولور . بوکادہ  
 محترم باش وکیل عصمت پاشا حضر تارینک ایراد ایتدکلری  
 نطقدن جواب ویرہ جکم . بزم نیچون خانہ انشا ایدہ مدیکمز،  
 نیچون یرلر تدارک ایدہ مدیکمز سؤالی وارددر . بوکا  
 بن جواب ویرمہ جکم . محترم باش وکیل پاشا حضر -  
 تارینک مغنیسادیہ ایراد ایتدکلری نطقدن جواب ویرہ جکم  
 عصمت پاشا حضر تارلی مغنیسادیہ ایراد نطق بیوریرکن:  
 اعمار مساعیسنی دہ توضیح وایضاح ایدہ یم دیورلر .  
 « بومنطقہ دن کچر کن مملکتہ مکزک اعمار پولتیقہ سی اوزرندہ  
 نہ دوشوندیکمزی دہ افادہ ایتمک ایسترم . اعمار مسئلہ سنہ  
 بیلیورسکز کہ اک مشکل نقطہ یابی یابدیرمقدر» بونقطہ بہ  
 نظر دقت عالیکزی جلب ایدرم . چوقمہم در . «بو کیفیت  
 متراکم ثروٹی اوزون مدت غیر فعال اولہرق برامقی

وظیفہ سی میانندہ بر تصفیہ قطعہ دن بحث اولتمقدہ در .  
 آرقداشلر ! بو تصفیہ قطعہ کچن دفعہ دہ ہیئت جلیلہ بہ  
 عرض ایتدیکم وجہلہ ، بزم مبادلرک حقوقی ایلہ کندی  
 اہالیزر حقوقنک بورادن تغیب ایتمش ویا خود برر صورتلہ  
 مبادلہ بہ تابع اولمش اولانلرک اموال منقولہ وغیر منقولہ لرینک  
 تصفیہ سنہ عائد بر معاملہ در . کندی تبعہ مزدن، یعنی یرلی  
 اہالیزر دن محکمہ لہرہ مراجعتلہ احقاق حق ایدوب استحصال  
 ایدلمش اولان اطلاعات وسائرہ کچن دفعہ عرض ایتمش  
 اولدیغ کبی موقع مرعیتہ وضع و فقط تأمین اولنہ مامشدر .  
 کچن سنہ سابق مالہ وکیل محترمی عبدالخالق بک افندی  
 بو خصوصہ بزم ویردیکی جوابدہ دیورلردی کہ بودجہ دہ  
 یر اولمادیغی ایچون، بودجہ دہ بوکا عائد ارقام وضع ایدلمہ دیکی  
 ایچوندر کہ بو اطلاعات اجراسنہ امکان بولنہ مامشدر .  
 بو دفعہ مالہ وکیل حاضری حسن بک افندی دن استکانہ  
 مادہ ایتدم . بوکا دائر بودجہ کزہ بر شی قوبدیکمزی  
 دیدم . آلدیغ جوابدہ « حکومت طرفندن بو بوکا مائل  
 شیر ایچون بر تفسیر مجلس عالی کزہ ویرلشددر . او تفسیرک  
 حلندن صکرہ وضع اولنہ جقدر » بیور بیورلر .

شوحالده آرقداشلر ! بوسنہ ایچندہ تصفیہ قطعہ  
 یایق امکانی یوقدر . مجلسدن بر تفسیر چیقہ سیہ قدر  
 بودجہ چیقمش اولہ جقدر . ارقام وضع اولنہ میہ جق،  
 بالطبع بو اطلاعات اجرا اولنہ میہ جق ، تصفیہ معاملہ سی دہ  
 یایلمہ میہ جقدر .

اسکان مدیریت عمومیہ سنک وظائف عمومیہ سی میانندہ  
 اشتغال ایدہ جکلری اک مهم مسئلہ لردن بریسی دہ ۸۱ تشرین -  
 اول ۱۳۳۹ تاریخندہ قبول ایتمش اولدیغمز قانونلہ ، اہمیتلہ  
 اشارت ایتدیکمز وجہلہ مملکتلری ہدم و تخریب ایدلمش  
 اولان حریقزدکان و استیلازدکانہ عائد ترفیہ اسبابنک  
 احضاری ایدی . مذکور قانونک برنجی مادہ سنہ بو  
 کبی حریقزدکانک ، واصف بک آرقداشلر طرفندن تصویر  
 ایدیلن حاللری واباتہ لری موضوع بحث اولدینی حالہ  
 اسکان مدیریت عمومیہ سی طرفندن ویرلمش اولان امر لردہ  
 بو قانونک حکمی اجرا قلماش واونلر برر، برر او اولردن

سأحه سنده و مجلس عالینک قبول ایتمش اولدینی قانونه تطبیق ایدرسه ک مسئله نك مشکلا تئک بر قسمنی حل ایتمش اولورزه یونانلیلرک ، تورکارک غیر مبادل اولانلری جقنده تطبیق ایتدکلری و بونلره عائد اوقدر چوق خانلر ازمیرده واردرکه بنم کندی تخمینم وادعامه نظراً هنوز بونلره وضع بد ایدلمش دکلدر . بونلره وضع بد ایتک دیمک ایچریسند بونلر لردن غیر مبادل قالان تورک تبعه سنی تأمین ایتک دیمک عین زمانده سکنا اختلافاتی ، طرفینک یکدیگرینه قارشلی اولان اشمئزازینی حل ایتمکدر . خلاصه معروضاتم کرک مبادل اولانلرک ، کرک حریقزده اولانلرک ، کرک غیر مبادل اولانلرک حقوقتی تام و کامل معناسیله بر نقطه اطرافنده بر محراق اطرافنده توشیق ایتدکن صکره ایشک اوزرنده یورمک وایشه حاکم اولمقدرد . بونی یالکوز سوبله مکله دکل ، یاپیلما مقده اولدیغی ده کورمکده ایم . بناء علیه محتاجینه و حریقزده کانه مادی و تقدی یاپیلرسی لازمکن ضمیات ایچون فصل مخصوصنده هیئت جلیله کزی تکرار تعجیز ایده جکم ، عفویکزی رجا ایدرم .

فریدون فیکری بک (درسم) — افندم ! بنده کز معروضاتده بولونمیه جقم ! یالکوز داخلیه و کیلی بک افندیکن بر طاقم سؤالر صورده جقم . سؤالره جواب ویره رک بنده کزی تنویر ایتیرینی رجا ایده جکم .

برنجی سؤال : شیمدی به قدر نه قدر مبادل مستحصل وضعیت کیشدر ودها نه قدر مستحصل وضعیت کله جک مبادل واردر ؟

ایکنجی سؤال : الان اسکان ایدلمه مش مهاجر وارمیدر ؟ اوچنجی سؤال : شیمدی به قدر اسکان ایچون قاچ کوی میدانه کتیر یلشدر و یکی باشند کویلر وجوده کتیر یله جکمی ؟ درنجی سؤال : مختلف صورتله گلش مهاجر لرک ، علی - الاطلاق مهاجر نام عمومسی آلتنده شیمدی به قدر گلش اولان بالعموم مهاجر لرک محتاج اولدقلری اراضی حقنده وکالت نه دوشونیور و بوبابده نه کی بر تدبیر تصور ایدلمکده در ؟ بشنجی سؤال : مبادل لردن شیمدی به قدر وکالت نه قدر شکایت تودیع ایدلمش و بوشکایتک شمدی به قدر نه قدری

دیمکدر که بوکا نه ثروت صاحبی ونده حکومت موفق اوله بیلیر» غایت جائلی و طوغری بر مسئله به تماس ایتشلردر . حریقزدکندن اعاشه و اباته یه عائد اولان بر ثروتی اویایدیره جقم . دیه صرف واسنه لاک ایده جک اولان آدم کرچه بوماده احکامنجه محتاج اولق کله سندن طیشاری به چیقارسده اوبر طرفدن اعاشه و اباته سنه قدر دوشمش اولانلردر . چونکه او قارین دو یورماز . پاشا حاضر تباری ده بوکا تماس بویورمشلردر . او ، اعاشه سنی اباته سنی اولادینک انفاق و اعاشه سنی تأمین ایتدکن صکره ثروتی بر مدت استعمال ایتهمک استمار ایتهمک قیدینی رفع ایتدکن صکره ، اوزمان او یایدیره بیلیر . رجا ایدرم نه ایدین نه صاروخان نه ازمیرده بوقدر ثروت الله ایتمش هیچ بر آرقداشمز نه بر آدمز یوقدر . و اولق احتمالی ده یوقدر . بناء علیه هپسی محتاجدر . کرک حقوقی جهندن کرک مالی جهندن و کرک محلی احتیاجاتدن و محیطی احتیاجاتدن مسئله نی تدقیق ایده جک اولورسه ق قارشیمزده و اصف بک آرقداشمزک سوبله مش اولدینی وجهله ایکی قسم خلقت احتیاجات و منافعی تأمین ایله مسئله نی حل ایتک و ایشک ایچریسندن سهولته چیقما ضرورتی قارشوسسندیز . مضبوطی دقتله اوقویه جق اولورسه کورورزکه کرک روم اموال متروکه سی کرک ارمنی اموال متروکه سی حالا صحتی بر صورنده تثبیت ایدیش دکلدر . بونک ازمیرده کی تطبیقات ساحة سنده بعض نقاطنی عرض ایدیم . ازمیر معلوم حالیکز حریره اوغرامشدر . بوراده روم اموالندن کوسترلش اولان خانلر ، مختلف یوللردن مختلف قلاللردن چیقارلمش دکلدر بوده و نائق تصر فیه سنک اولما سندنر . بوحوالات تثبیت ایدیش دکلدر . اوچنجی سنده ، اوچنجی سنی ایچریسند ازمیرده موجودخانه لری ، عقارات و مسکنلری عرصه لری تثبیت ایدلمه مش ایسه طبیعتیله ایشی قاورایه ماش تنظیم ایدمه مش حادثاته و بالطبع وضعیت حاکم اوله ماشدر . اوندن صوکره غایت سهولته ایش کورمکدر . بومیانده اخیراً حادث اولان بروصیت دها واردر که بونی ده اسکان

یرلشدریلین ارضرو ملی، حسن قلعہ ملی ملتجیلرہ کیدیورہ۔  
 سزاکوب یچدیکنکز تارالارہ ۱۰۵ لیرا ۳۰ لیرا ایجار ویرہ۔  
 جکسکز دیور، بزہ و آرقداشلریمزہ برچوق تلغرافلر کلدی۔  
 برکت ویرسون اسکان مدیریت عمومیہ سنہ تشکر ایدہ نرہ۔  
 ہیسندن زیادہ اورایہ ای باقیورہ، مالیه وکالتی ذہ امر  
 ویردی و بوضورتہ یا قاری قور تولدی، شیمدی بو آدملردن  
 کوندرہ جکار سہ اوپلہ یومہ (۱۰۵) غر و شاہ و یا خود یورومکہ،  
 کیتمکہ قدرتی وارد دیمکہ کیدہ مزلر، لیمی کوندرہ۔  
 جکار سہ بردفعہ اورادہ اولری واری؟ یوقسہ، برقولہ  
 تدارکنک امکانی واری در؟ یوقیدر ضرور سونلر؛ امکانی  
 یوقسہ بونلری بہودہ یولہ چیقارماسینلر، کیدنجیہ قدر  
 اولورلر، ذاتا نفوسہ اولان احتیاجزی ہیکریلیورسکز۔  
 اوزرینہ بردانہ دہا علاوہ ایدہ جک ایکن اُمزده کیلری دہ  
 غائب ایتمکدہ نہ معنا وار؟ بورادہ مادام کہ او طور مشرہ  
 او طور یورلر، ایجار آلماسینلر، تملیک ایدلسنہ امکانہ  
 وار سہ کندیلرینہ تملیک ایتسونلر، تملیک ایدیلنجیہ  
 قدر ایجار آرناسین و چیقارماسینلر و ہر ہانکی بر مأمور  
 ہیچ برسبلہ بونلری یرلندن چیقارماسین والی نہایہ  
 بوملتجیلک دوام ایدوب کیتمہ سین، بوملتجیلک نہ وقتہ  
 قدر دوام ایدہ جک؟ ہر کون حکومتدن معاونت ایستہ۔  
 یورلر، حکومت نرہ دن بولسون؟ ملت، نرہ دن  
 بولسون دہ معاونت ایتسون؟ آرتق بوملتجیلک  
 نہایت ویرلسین، بونلر ایچون رجام بودر،  
 بردہ دت بش سنہ اول ارمستان، دنیلن اریوانہ  
 حکومتک، ارمستان، ستانی، دیمک ایستہ میورم،  
 چونکہ ارمیلر ہم نظر مدہ الی الابد حقوق دینیہ دن  
 ساقظدر، چونکہ ہم خانانمزی اونلر سوندور مشدر،  
 ارمیلردن بر حکومت وارد دینیہ تلفظ ایتسکی ایستہ میورم۔  
 اونک ایچون بویلہ خفیف سویلہ یورم، اونلرک قہرندن  
 قانچوب گلش، ایران اختلالندن قانچوب گلش اہالی  
 واردز، بیلمیورم، اسکان مدیریت عمومیہ بونلرک  
 مقدارینی تثبیت ایتسہ مندر؟ بونلر اکرلر، یچرلر،  
 واکوب یچدیکنکز کافہ تکالیفی ویرلر، معاونتہ

تدقیق ایدیلش ونہ مقدارینک صدقی آکلاشلش و بویوزدن  
 قانچ مأمور تجزیہ ایدیلشدر؟  
 آلتنجی سوال اولق اوزرہ عرض ایدہ جکم نقطہ شودر،  
 ولایات شرقیہ دہ، مثلاً الیزدہ برچوق ارمی کویلری واردر،  
 حالبوکہ عینی زماندہ ارزنجانہ جوار اولان ساحہ لردہ۔ مثال  
 اولہرق عرض ایدیورم۔ ازجملہ درسمدہ برچوق عشیرتلی  
 واردر کہ اراضی کفایت ایتدیکنندن معیشت نقطہ نظرندن  
 صوکلدرجہ اضطراب والیم بروضعت اقتصادیہ ددرلر، حالبوکہ  
 بو عشائرکہ طالبدر، بونلر العزیز او واسندہ قسماً اسکان  
 ایدیلرلسہ درس مک وضعت عمومیہ سی ایچون صوکل  
 درجہ دہ ای برتأثیر یابہ جقدر، بناء علیہ وکیل بلک افندیبن  
 بو خصوصہ تنویر ایدملکلکمی رجا ایدہ رم۔

حقی بک (وان) - افندم! مبادل و مهاجر لرک  
 احوالی آرقداشلر آکلا تدیلر، بندہ کنز لیکز حرب  
 عمومی دہ دیگر ولایتلرہ التجا ایدن ولایات شرقیہ  
 ملتجیلرینک وضعیتی حقدہ معروضاندہ بولنہ جقم۔

افندیلر! بوملتجیلر التجا ایتدکری تارینندن شمدیہ  
 قدر یریر کزدیلر، اکثریسی ای بر حالہ یا شایامادی،  
 بونی بیلورسکز، تکرار تفصیل ایتمکہ لزوم یوقدر،  
 شمدی بونلری مملکتلرینہ سوق ایتمک ایچون بودجیہ  
 بر تخصیصات قومش، بر قسبی کیتمک ایستہ مزلر،  
 چونکہ معیشتلرینی تأمین ایتشلردر، بر قسمی دہ  
 ذاتاً یوم جدید، رزق جدید کچینرلر، بونلر،  
 کوندریلہ جک اولور سہ مملکتلر نندہ اوبولاماز و یابدیرہ مازلر،  
 مصرف بوشہ کیدر، اوچنجی قسمی دہ ذاتاً دینلجیدر،  
 بورادہ دہ دیلہ نیر، اورادہ دہ دیلہ نیر، نہ بورادہ اوی  
 وار، نہ اورادہ اوی واردر، یالکنز بونلر حقدہ اسکان  
 مدیریت عمومیہ سندن رجام؛ بورالردہ یرلشدریلنلر  
 ایجار آلماسنی امر ایتشلردر، فقط مأمورلردن بریسنہ  
 بر او لازم اولدینی وقت فلان ملتجینی چیقارک دیور،  
 بو، مرسیندہ، آٹنہ دہ واقع اولدینی کبی سیواسدہ دہ  
 واقع اولدی، حتی سیواسدہ تحصیلدارک بریسی،  
 (اولاش) ناحیہ سندن، کندیسنہ بلکہ لازم ایتش۔ اورایہ

طاپوسى مقابلنده ويريله جكدرد . حريقتزده لر قوللرندن  
طوتيلوب آتيلور دييورلر . خاير ، بويله دكلدر . تعليمات  
بوراده ده واردر . اكر عابدين بك آرزو ايدر لرسه او قويايم .  
بويله دكلدر . قولندن طوتيلوب آتيلانلر ، سقط ، فقير اولانلر  
دكلدر . معيشتلرينى تايمين ايدنلره اوينى ياپمق ايجون  
برمهلت ويريليور . اومهلت بيتديكى زمان او طور دقلرى  
اولر اللرندن آلنه جق . چونكه او اوى بلكه ين مبادل وار .  
او كا عهداً ويرلسى لازمدر . او كا عهداً وقانوناً ويرلسى  
بروظيفه در . اونك حقيدر .

بناءً عليه او حريقتزده لر اولرندن چيقاريليش وساثر  
ياپيلان شى غايت دوغرودر ؛ قانونيدر . برمهلت  
ويرلمشدر . اومهلت ظرفنده اوينى ياپمق ايجون مساعده  
ايديليور . اومهلت بيتديكى زمان اوينى ياپامازسه كلن  
مبادللك او اوه تصاحب ايتمكه حقي واردر . اونك ده بر  
آن اولر مستحصل بر وضعيته كيرمى لازمدر . آچيقده  
برايقلمقله حكومت حقيقى صورتده وظيفه سنى ايفا ايتمش  
عد ايديله مز .

صوكره بويورديلر كه اراضى تفويضى ايجون درت  
شاهد لازمدر .

عابدين بك ( صاروخان ) — كفيل .

داخليه وكيلى جميل بك ( دوامله ) -- درت كفيل  
بويله برشى واردر . فقط بودرت كفيل اساس دكلدر .  
اولا كلن مبادللك النده بي قيمتلى طاپولر نظر دفته  
آلنير . النده قيمتلى طاپوبولنان آدمه طاپو قيمتلك بوزده  
يكرميسى درحال تملك ايديلير . وبوزده اوتوزى ده مؤجل  
ايجار صورتيله ويريلير . النده قيمتلى طاپو اولميانلر ده  
بوزده ۴۰ مؤجل ايجارله ويريلير . النده قيمتلى ، قيمتسىز  
طاپوسى اولميانلر قوميسيونه كيدييور ونم فلان يرده  
شوقدر املاك و اراضيم واردييه بريانامه ويريور . بو  
بيانامه ويرلديكى ايجون مملكتمدن درت كفيل ايسته نيليور .  
وكندى مملكتمدن ، كويندن اودرت كفيل ، درت  
شاهدى كوستر دكلن صكره — كندى افاده سنه نظراً —  
كوسترديكى مقدارك بوزده يكرميسى نسبتنده بر مقدار

كلنجه ؟ مع الاسف . حكومتدن معاونت كورمز لر .  
بونلر ك عددى ده چوقدر . بر قسمى قاجمغه مجبور  
اولمش . قانديروب قاجيرمق ايسته نيلر ده واردر .  
يونى ده نظر دفته آلمق : ايجاب ايدر . بونلرى اوراده  
يرلشديره جك چوق واي اراضى واردر . اكاينى يرلشديرلسى  
لازمكلن بر زمه سى ايسه اوينى اسكان مديريت عموميه سى  
تعيين ايتسون ، يرلشديرسون . اونلر ده بيلسونلر كه بو  
مملكتمك اهايلسندنلر . قالميه جقتلر سه اوغورلر اولسون .  
صكره صور مختلفه ايله كرك حكومتك معاونتيله  
و كرك كنديلرينك آرزوليله مملكتملرينه كيدنلر ك  
چوق اولديغنى عرض ايتشدم . حالبوكه اراضى چوق  
بومبنددر . يالكنز قدرتلرى يوقدر . بونلره توخوماق  
بوچفت حيواناتى جهتمدن معاونت ايديله جكميدر ؟  
بونلرى صور يوروكنديلرندن رجا ايديليورم .

رئيس — كفايت تقريرى واردر . وكيلى جواب  
ويرسين . صوكره كفايت تقريرى رايه قويه جقم .

داخليه وكيلى جميل بك ( تكفور طاغى ) — محترم  
خطيب آرقداشلك اتحاد ايتدكلرى الك مهم نقطه مبادللك  
اسكانى نقلى تمشميدر ؛ تفريق معامله لر ينك بر آن اولر كالى  
و حريقتزده لر ، استيلازده لر عيى حقوقدن مستفيد اولمايورلر  
وبونلر يرلشديرلميورلر وبونلره تعلق ايدن تعليماتلر ده ده  
يونلر قوللرندن طوتيلوب آتيلورلر ادعاسى واردر .

لوزان معاهده سيله مبادلله مملكتمتزه كلن مبادللر ،  
مملكتمدن چيقانلر ك املاك و امواله يرلشديريله جكلردر .  
بو عهدى بر مجبوريتدر . اموال متروكه دن بو مبادلله  
كندى اللرنده كى و نائقه نظر املاك و اراضى تفويضى ايدلمكه  
برا راستيلازده ، حريقتزده لر دن كيمسه اچيقده قالماشدر .  
آنچق حق قانونيسى اولميانلر ك بو املاك ده ، بوچفتلكلر ده ،  
بو مغازه لر ده ، بو اولر ده فضولى اشغاللرينك تمامديسى  
دوغر و بر شى دكلدر . مثلا : چفتلكى اولان بر آدم  
چفتلكنده اوى ده واركن حريقتزده اولديغندن دولاي  
بالطبع او طور ديقى اودن چيقاريليور . چونكه چفتلكنده  
او واردر . چيقاريلديغى او ، مطلقاً بر مبادلله النده كى

بر تصحیح اسکان یابلسین بو، دوعری دکدر و بوکا امکانده یوقدر. یزندن نمون اولمایان، صحتی مختل اولان قسملر نظر دقتہ آلیئر و اونلر دھامناسب یرلرہ نقل ایدیلر. فرق کوزہ تیلمز.

خالدبک (قسطنونی) — بندہ کزجه دوعری دکدر داخله و کیلی جمیل بک (تکفور طائی) دوامله — بونک برچوق اداری محاذیری واردر. استطراد آشونی ده عرض ایدیم که، مملکتک تشکیلات ملکیه سی و سائره سی ایچون برچوق تمیلرده بولونلشدر. ایچه تدقیقات یاپدم. بندہ کزجه بو کونه قدر الدما ایدیلن و نائقه استناداً تشکیلات ملکیه اساساتی تدقیق ایتکه امکان یوقدی. هیئت جلیله کزه اوافق بر تخصیصات ایچون معروضاتده بولوناجم. اوزماده ایضاح ایدیم که و جهله؛ مملکتک تشکیلات ملکیه سی وضعیت جغرافیه و سائره سی نظر دقتہ آله رقی بالخاصه بوکی اسکان مسائلی ده تکرار کوزدن کچیرلرک (۱۵) قدر هیئت چیقاروب، بو هیئت لری مجلس عالی نیک ته طیلی زماننده ولایت لری دولاشدیره رق کله جک اجتماعه قدر مملکتک بوتون اقسامنده تدقیقاتده بولوندیرمق و بو تدقیقات نتیجه سننده حاصل اولاجق قباعته کوزه هیئت جلیله اساسلی بر تشکیلات عرض ایتک فکر نده ایم. بوکا عائد اوافق بر تشکیلات ایچونده ینه حضور عالی کزه کله جکم.

حلمی بک افندی؛ اسکان امورینک داخله دن زیاده نافعیه تعلق اولدیغندن و ملکیه مآذونلرینک، ملکیه مأمورلرینک اسکان ایشلرنده مهندس لری قدر متخصص اولدقلرندن بحث ایتدیلر. بونی دوعری بولیمورم، تحصیل عالی کورمش اولان انسانلر عینی قابلیتده در. عینی احتیاجاتی و اداری، اجتماعی مسائلی عینی صورتده دوشونورلر و عینی قابلیتله تطبیق ایدرلر. بناء علیه ملکیه مآذونیه مهندس مکنتی مآذونی آرهنده علماً، قابلیتیه هیچ برفرق یوقدر.

عابدین بک افندی، اعمار، اسکان و کالنتک لغویله مدیریت عمومییه قلبندن سوکره ایشلرده هیچ برفرق اولدیغندن

اراضی و املاک مؤجل ایجارله کندیسنه و یریلدور. بناء علیه (برکویه بویله بر هیئت کمش، یرلشمش. کیسه اراضی صاحبی دکدر که بوضورتله درت کفیل کوستره رکاراضی به تصاحب ایتسون و هپسی اراضی صاحبی اولسون) خایر، بویله دکدر. بو کون ۳۶۲,۰۰۰ مهاجر کمش و اسکان ایدلشدر. بونلرک یالکز یتش بیکی مستحصل حاله کچمه مشدر و بونلرکده مستحصل حاله کتیرلسی ایچون کچن سنه نقصان قالان تخصیصاتی اکمال ایتک اوزره هیئت جلیله کزندن تخصیصات ایسته نمش.

دیگر رفقا بویوردیلر که مبادللر، استیلازده لر، جریتقوده لر، عشار، ملتجیلرده عینی صورتله معامله کورمیلدرلر. بو غایت دوعرودر و هپسی نظر اعتباره آلمشدر. اسکان مدیریت عمومییه یالکز مملکتک کلن اوج یوز آلتش کسور بیک مهاجرک اسکانی و بونلرک اراضی و املاکنک تفویضی ایله مستحصل حاله کچیرلسی ایچون معامله یاقمقه اشتغال ایتکده دکدر. بو وظیفه یی یاقمقه برابر مقداری سیار، نیم مسکون عد ایدیله بیلن سکز یوز بیک کسور عشارکده اسکانی سیاستک اساسلری تدقیق ایتکده در و بونلرک ملتجی اولان قسمی، یعنی حقی بک افندی نیک سویله دکدری قسم یرلشدیرله جکدر. تدقیقاتی بیتمشدر.

خالد بک افندی، اسکان تصحیح اتندن بحث بویوردیلر. بو کونکی اسکان مدیریتک بو معظم و هنوز بیتمه مش مساعی عمومییه سی آراسنده عمومی بر اسکان تصحیحاتی دوشونمکه هیچ محل و معنا یوقدر. مملکتک مختلف یرلرنده محلندن نمون اولمایان یرلی و یابانجی خلق بولونایبیر. محلی اداره لر او خلقک اورادن نمون اولدیغنه و صحتی مختل اولدیغنه و چالیشه جق یرلری اولدیغنه قباعته کتیرر. تخصیصات قونورویا بیلر. بونک ایچون بونلرک مهاجر، مبادل و یاملتجی و یایرلی اولسی آرهنده برفرق کوزه تیلمز و بویله برفرق دوشونوله مشدر. بویوردیلر که ۹۳ دن سوکره کلن، بالقان محاربه سنندن سوکره کلن مهاجرینک هیئت عمومییه سی دوشونولسین، هیئت عمومییه سی حقیقده



اولامیان قسملرده واردر . صوکره ، کندیلرینه اسکان ایچون لرلر کوسترلیدیکی حالدده اوراسنی بکنمیه رکا استحصالاته باشلامیان قسملرده واردر . مثلا صامسونک بر ناحیه سنده درامه دن کلن بر قسم خلق وار . کندیلرینه کوستریلن اسکان منطقه سی یوزلرجه سنه دن بری توتون منطقه سیدر . کندیلری ده توتونچیدر . اورایه گلشدر . فقط مملکتک باشقه لرلنده دها ای توتون طوبرانغی اولدیغنی ایشیده رکا ویا کوره رکا اوراده ایشه باشلامشدر . دها ای اراضیسی اولدق لرینی ایشدکلری ، فقط مع التأسف کندیلرینک اسکانی ایچون و کندیلرینه ویرلمک ایچون او وسأره بولونمایان بندک ، قارنال جوارینه ریشمکی ایستورلر و بونی مضر آطلب ایدیورلر . طبیعی بونک ایچون بر چاره بولاجغز . یایرلرنده ابقا ایدیله جک و یا خود مطلقا دها ای برطوبراق بولونه رق لرشدر یله جکدر . یعنی بعض بویه مدعیات پیشنده اوغراشان بر قسم واردر که بونلرده هنوز مستحصل وضعیته کچیر یله ممشدر . ایوم اسکان ایدیله مش ، بنا آلتنه صوقولماش مهاجر یوقدر . هپسی بنا آلتنه کیرممشدر . فقط بنا آلتنه کیره نلرک هپسی او طور دینی بنای دها کندی مالی اوله رق قبل ایده مه مشلدر . بوده ، مهاجر لرک اورادن بورایه نقل ایدلرندن و بریرده بارینا مایوب باشقه یلری ایسته دکلرندن دولای دیکر لرلره سوق ایدلرلرندن ایلری گلشدر . بوندن ماعدا کچ کلنر ، اراضیسی کندی زراعتلرینه مساعد اولمیان قسملر و اسکانلری ا کمال ایدیله رکا او طور دق لر ی لر ، ایشه به جکلری اراضی هنوز کندیلرینه تملیک ایدیله مش بر قسم واردر . فقط بونلرده پک قیضه بر زمانده هپسی بنا صاحی ، اولارق اراضی صاحی اوله رق مستحصل حاله کچه جکلردر . کویلر حقنده سؤال صور مشلردی .

شمدی به قدر پایلمقده اولان اون درت کوی واردر . صامسون ولایتده ، اطنده ، از میرده ، مغنيساده نمونه کویلری پایلمشدر . فقط بوندن صوکره بودجه به قونان مبلغ ( ۵,۶۰۰ ) عدد اقتصادی خانه ایچوندر . بوشمدی به قدر پاییلان نمونه کویلرندن ایکی خانه به مخصوص

بحث بویوردیلر . بن اوچ آیدن بری بوایشک ایچنده بولونیورم . بوندن اولکی ایله بوکونکی مبادله ایشلری آره سنده یوزده یوز بویوک فرق کوریورم . چونکه مهاجر لر لرشدر یلمشدر . هرکس ، لرلشیدیکی یرده او طور دینی اوی ، جوارنده ایشه دیکی اراضی کندی مالی اولق اوزره قبل ایشدر . آلتی آی اول بویه بر وضعیتده دکلدیلر . مستحصل اولق ایچون کچن سنه بش میلیون لیرالق تخم ، آلات زراعیه و حیوان توزیع ایدلشدر . دیمک که یالکز ۳۶۰ بیک مهاجره عائد اولق اوزره بش میلیون لیرالق وسأطله یاردم ایدلشدر . بناء علیه فرق اولماش دیمه لری دوغری دکلدر . صوکره اداره سیستمنده بویوک بر تبدل اولشدر . اسکیدن یالکز مبادله واسکان مأمورلری مهاجرین ایشلریله علاقه دار اولیورلردی . بو کون بالخاصه اسکان مدیریت عمومی سی تأسس ایتدکن صوکره دولتک بوتون تشکیلاتی بو ایشه علاقه دار اولمقده در .

بر چوق شکایات اولیورمی ؟ طبیعی اولیور . بر چوق خصوصلرده حقلی ، حقسز بر چوق شکایات کلیور . اونیده فریدون فکری بکک سؤال لرینه جواب ویررکن عرض ایده جکم .

اسکان بودجه سی مضبطه سنده کی بعض نقاط حقنده بیاناتده بولونلدی . اونک جوابی رفیق محترم رمزی بک افندی به براقیورم . چونکه مضبطه کندی لری یازمشلدر . نه کبی عوامل و سواثله یازدق لرینی طبیعی ایضاح بویوراجقلردر .

معروضاتم صیره سنده فریدون فکری بکک برنجی سؤال لرینه جواب ویرمش اولیورم . شیمدی به قدر نه قدر مبادل مستحصل وضعیته کتیرلمشدر ؟ ودهانه قدر واردر ؟ بویوربورلر .

عرض ایتدم که ، بونلردن یتش بیک قدری هنوز مستحصل حاله کچه ممشدر و کچن سنه ویریلن تخملق ، حیوانات ، آلات زراعیه دن مستفید اولامیه رق مستحصل

بشقه یرده یرلشمشلردر . وپورله شنه ، بولندقری یرلرده املاک و اراضی و یرلمک ایچون آریجه بر قانون حاضر لائمش و مجلس عالی به در دست تقدیمدر . العزیزده کی ارمنی کویلرینه عشاٹرک یرلشدرلمسی ده عینی صورته بو چرچیومه داخلدر .

مصطفی بک ( العزیز ) — بو موافق اولیان برشی نصل یرله شه بیلیر ؟

داخلیه و کیلی جمیل بک ( تکفور طاعی ) — افندم ، تدقیق ایدیلیر ، عشاٹر بجنه داخلدر . سکز یوز ، بیک عشیرت اولدیغنی بحث ایتدم . بونلردن مبرم اولهرق درحال اسکانی ایجاب ایدنلر واسکانی قولای اولانلرده وارددر . بودجه نك ساحه سی واسکان مدیریت عمومیه سنك قدرتی نسبتنده بونلرک اسکانی ده نظر دقته آلمش واقسامه آریلهرق بونلرده یاپیله جقدر .

طونه لی حلمی بک ( زونغولداق ) — محترم وکیل بک افندی به صوریورم . کندیلری ارکان حرب اولمقله برابر وسط درجه ده تحصیل کورمش بر دولکرله بر قالفه نك یاپدیغنی ایشی یاپیله لرلمی ؟ اومصرفی کوستره - بیلیرمی لطفاً جواب ویرسونلر .

داخلیه و کیلی جمیل بک ( تکفور طاعی ) — مساعده بو یوریرسه کز افندم ؛ بو اسکان ایشلری ال ایله یاپیله جق ایش دکل ، قافالیله دوشونیله جک ایشلردر . بر مهندسک دوشونیله جکی ایله برملکیه مآذونی و یاخود برارکان حربک دوشونیله جکی آره سنده کوردیکی تحصیللرک تعادلاری درجه سنه نظر آده برفرق بر دولکر قالفه سنك یاپه جنی بر ایشی بن یاپه میه جقم کبی دولکر قالفه سی ده بر مکتب عالی مآذونینک یاپدیغنی یاپه ماز . او آشکاردر . سز نافع وکالتی دولکر قالفه سیله عد ایدیورسه کز اوکا دییه جکم یوقدر . اوکا نافع و کیلی جواب ویرسون .

طونه لی حلمی بک ( زونغولداق ) — خایر قطعاً . سلیمان سری بک ( بوزاق ) — افندم ، تقریباً بوندن بر آی اول استانبول غزته لرلی صربستاندن اوتوز بیک مهاجرک کلکسنه حکومتک مساعده ایتدیکنی ودها ایلی بیک دانه سنك

اولمق اوزر ، بهری ۹۰۰ - ۱۳۰۰ لیرا اولهرق کارکیر ، کوزل ، الحاصه صوگ دفعه انشا آتی بیتوبده مهاجرلره تسلیم ایدلمک اوزره بولنان ایکی کوی چوق کوزل اولمشدر . فقط بهالی چیقیور وچوق اوزون زمانه متوقف بولندیغندن بو سیستمی یاپدیغنی قدرله اکتفا ایدهرک اقتصادی خانه لره تبدیل ایتدک . اقتصادی خانه برچاقی آلتنده درت خانه دن عبارتدر . درت قپوسی وار ، هپسنک آری ، آری بر مبرمک کوشه لرینه دوعری کیدن ضلعلرده باغچه لری وار . بونلر ۶۰۰ - ۸۰۰ لیرا آره سنده چیقیور . دها او جوز یاپیلیور ودرت خانه یه حاند اولدیغنی ایچون دها ای اولیور و بونلردن ۵۶۰۰ خانه یه مخصوص اولمق اوزره انشا آت دوام ایتدکه در ۱۳۴۱ ده یاپیله جقدر .

مهاجرینه اراضی توزیع ایتندن بحث بیورسورلر . روم اموال و اراضیسی بو توزیعانه کفایت ایده جک قدر موجوددر بو اراضیدن توزیع ایدلمکده در . مثلاً : طوزله ، بندک و قارتال حوالیسنده .

فریدون فیکری بک ( درسم ) — علی الاطلاق مهاجرلرله می ؟

داخلیه و کیلی جمیل بک ( تکفور طاعی ) — هپسنه کافیدر . ولایات شرقیه ده اسکان ایدیله جک ملتجیلر وارددر . مثلاً اون بیک کشی ایچون بونلرده تخصیصات قونمشدر . اونلرده روم اموالی بولندیغنی یرده ارمنی اموالندن اراضی ویرلمکده در . کنذا اونلرده اوصورتله ویریله جکدر . حتی بک افندی بک بو یوردقلری عشاٹرده یته وان ولایتنده ، وسائرلرده بو صورتله یرلشدرلمکده باشلانمشدر . برده ولایات شرقیه ملتجیلرندن بحث بیوردیلر . ولایات شرقیه ملتجیلری شویله ، بویله ایلی ، الی درت بیک قدر ملتجی کلش ، بونلرکچن سنه تقریباً اون ایکی بیک حکومت تخصیصا تیله سوق ایدلمش ، بوسسنده ، اولری احضار ایدلدکن صوکره سوق ایدیله جک اون بش بیک کشی ایچون بودجه یه تخصیصات قوندی . متباقی یکرمی بش بیک کشی تکرار اسکی مأهالینه دونمک نیتنده و آرزوسنده دکلدلر .

کیتھیورلر و موجود بر کوک اولرینہ تقسیم ایدلمشدردر .  
بویله اوطوریورلر و طیبی حکومت اعاشہ ایدیورم .

علی شعوری بک (قرہ سی) — افندم! ستیان سری  
بکک نہ صوردیغنی آکلا یہ مدم . چاملق طرفلرندن بر طاقم  
مہاجرلر کلمسی موضوع بحث اولیور . بونلرک عرقلری  
وساڑہ سی تثبیت اولنشمیدر؟ بزکندی عرقداشلمزی  
ترقیہ واسکان ایدہ مزکن باشقہ ملتارلہ اوغراشمغہ امکان  
وارمیدر؟

خالد بک (قسطمونی) — بنده اونی سویلہ مک  
ایستیورم .

داخلیہ و کیلی جمیل بک (تکفورطاغی) — بین الملل  
اولہرق پارغہ لیلرک تورک اولدقلری و فاتحان ایلہ اورایہ  
کیدوب یرلشدکلری ثابت اولدیغنی ایچون مبادلہ یہ تابع  
اولہرق یالکز پارغہ لیلر کلکدہ در . اک صوک قافلہ سی  
ایچون دہ اوچ ددرت کون اول واپور حرکت ایتشدر .

علی شعوری بک (قرہ سی) — تدقیق بویورلمسنی  
رجا ایدرم .

طلعت بک (آردھان) — فقط بونلری بریدہ اسکان  
ایتمہ ملی ، پراکنده اولہرق اسکان ایتلی در .

اسماعیل کمال بک (چوروم) — بونلر تورک میدر؟  
داخلیہ و کیلی جمیل بک (تکفورطاغی) — اولاد  
فاتحاندرلر .

دوقور فؤاد بک (قرقلر ایلی) — بعض محللر  
اھالیسنندن اولوب بالقان حربی متعاقب کلش اولان  
مہاجرلر واردر . مبادلہ صورتیلہ دکل بالقان حربی متعاقب  
کلش اولانلر واردر . بونلردن بر قسمی اسکان ایدلمشدردر .  
بر قسمی دہ ہیچ اسکان ایدلمہ مشلردر . بو اسکان معاملہ سی  
کورمہ پیلر حقندہ نہ معاملہ یاپیلہ جقدر؟

داخلیہ و کیلی جمیل بک (تکفورطاغی) — حق  
اسکانلری وارسہ ، یعنی بالقان حربی متعاقب کلش اولانلر  
طیبی اسکان ایدیلہ جکلردر . دیگرلری دہ عادیاً اسکان  
ایدیلور و کندیلری آچقده براقلماز . اسکاندن  
صوکرہ فضلہ او ، املاک ، اراضی قایلرینسہ اونلردہ  
طیبی تدوین صورتیلہ ویریلہ جکلر .

کلسنہ مساعده ایدہ جکئی یازمشدی . بو دوغری میدر؟  
دوغری ایسہ ہانسی عنصر دندر . بونی آکلامق ایستیورم .

داخلیہ و کیلی جمیل بک (تکفورطاغی) — افندم!  
بومبادلہ یہ تابع اولہرق کلنلری یرلشدیردکنہ صکرہ  
میشاق ملی حدودی خارچندہ کی ہم ملیتلریمزدن آرزو  
ایدنلرک مملکتہ قبولی بلکہ دوشونیلہ بیلیر و قبولی  
دوغری اولور . آتجق ہنوز المزدہ کی ایشلری ا کمال  
ایتمہ دن بویلہ بیکلر جہ کشی نی مملکت مزہ صوقہرق  
یرلشدیرمکہ امکان یوقدر . بونلری حکومت صورت  
قطعہ دہ صوقیور .

رشاد بک (صاروخان) — بندہ کز سوز سویلہ جکم .  
چونکہ سؤالہ حل اولنمہ جق سوز سویلہ یہ جکم .

علی شعوری بک (قرہ سی) — افندم! ۳۶۰,۰۰۰  
مبادلن یالکز ۷۰,۰۰۰ مستحصل قالمادی دیورسکلر .  
بندہ کز دہ سوز سویلہ جکم . فقط سوزدن واز کچدم .  
اک بی آمان بر خطیبہ چقسہ بوندن وجیز بر رقم تثبیت  
ایدہ مز .

داخلیہ و کیلی جمیل بک (دواملہ) — عکسنی  
سویلہ مدم . یتش بیک غیر مستحصل دیدم . اعاشہ  
بودجہ سنہ اونلر داخلدہ . اسبابی عرض وایضاح ایتدم .  
علی شعوری بک (قرہ سی) — بونلرہ کفایت ایدہ جک  
اراضی مملکت مز دہ واردر دیورسکلر . یالکز تفویض  
معاملہ سی یاپیلہ مشدر دیورسکلر . باقیمسزلقدن ثروت  
ملیہ مز محو اواشدر . بونلردن یتش بیک غیر مستحصل  
قالمشدر . شایان نمونیتدر . فقط بونک اسبابی نہ در؟

داخلیہ و کیلی جمیل بک (تکفورطاغی) — عرض  
ایتدم ، دمین بر مثال دہ سویلدم . صامسون و جوازندہ  
یرلشدیریلن و کندیلرینہ اراضی کوبستریلن بر قسم  
انسانلر واردر کہ اراضی نی بکنم دکلرندن اورانی ایستہ -  
میورلر . بورادہ و کیلاری واردر ، اوغراشیورلر . طوزلہ ،  
بندک ، قارتال جوارینہ کلکی ایستہ یورلر . اورادہ او ، اراضی  
یوقدر اونک ایچون کوندریلہ میور . کندی آرزولرینی  
تطمین ایدہ جک بر پر بولہ مدق و کوبستریلن یرلہ

بعض آرقداشلر انجمنک مضبطه سنده مذکور اولان بعض تمیاته تماس ایدرک اسکان وکالتنک یرینه قائم اولان اسکان مدیرینک اجراآت، ومعاملاتنده شایان تنقید بر شی کورولشمیدر؟ شکلنده مضبطه نیک تمیاتی سؤواله قلب ایتدیلر. عابدین بک اقدی! مضبطه ده شخصی التماسلر، نفوذلره امکان بر ایلشمیدر؟ انجمن فردی وشخصی اسکان تدبیرلرینه مطلع اولمشه نه ایچون متخصص هیئتلری واونلرک تخصیص اتلرینی قبول ایتهدیلر و بونلرک چاره سنی آراشندیرمادیلر، شکلنده کی سؤالی مثبت بر ساحه به توجیه ایدرک انجمنی بحق هیئت علیه کزک قارشوسنده جواب یرمه که مجبور ایتدیلر.

افندم! مضبطه مزده بو جهتله تماس ایدن فقره لر عیناً شونلردر: « تفویض معامله سنک صاعلام وسریع بر صورتده ایفاسنی وبومیانده شخصی نفوذلره و التماسلره میدان بر ایلیمه رق شدت و قطعیت ایله تعقیب اولنسنی ومهاجرلرک اسکانه تخصیصی لازمکن اولر الخ .. »

افندم! بو تمنی به دقت بویورلدی ایسه تفویض معامله سنک اجراسی انساننده بالجمله مأمورلرک وهیئتلرک دقت ایده چکی بر خصوصه عائد تمیدر. بو فقره دن شیمدی به قدر وکالتک ویا مدیرینک یا ککش اجرا آتیه تعلق ایدر مثبت بر ماده چیقارمق دوغری دکلدردر. فقط آرقداشلر! التماس، نفوذ کی سوزلرک تلفظی دخی کوجدر؛ تلفظ ایدلمسی دخی کوجدر. هیئت علیه کز قاعدر که بو کون مدیرینک دائره اجرا آتنده بولنان مأمور وهیئتلرک هر حالده بعض احتمالات داخلنده بو جهتلرده قصور ایتلری ممکندر. انجمنکزه، تفویض معامله سنک اثنای ایفاسنده بالخاصه عادلانه، مستقیماً حرکت ایدلمسنی تمنی ایتکی فائده لی بولمشدر. بو رقصور دکلدی. دیگر فقره به کیچورم: « موجود عشایرله یکیدن کلسی مأمول اولان مهاجرلرک اسکانی ایچون اساسلی حاضر لقرده بولونسنی وبالجمله اسکان ایشلرینک تنظیمنده فردی وموقت تدبیردن اجتناب ایده رک متخصصلرک رایسه مراجعته صاعلام برسیاست

دوقتور فؤاد بک (قرقلر ایلی) — برجهت ده اوار: بالقان حربی متعاقب کلن مهاجرلر آره سنده مبادله به تابع اولان محللر اهالیسنندن اولمایان خلق وارددر. بونلر نه معامله کورده چکلر درر؟

داخلیه وکیلی جمیل بک (تکفورطاغی) — اونلر اوچنجی درجه به فالان قسملردر. یعنی غیر مبادلرک اسکان معامله سته تابعدر که بونلر عادیاً اسکان ایدیلورلر. عابدین بک (صاروخان) — تفویض ایدیلن اراضیده منطقه اصلیه ویا سائر مطلوبات اربابنک حقوقنه تعاق ایدن مسئله وقوعنده بوکا عائد تصفیه ایچون نه کی تدابیر اتخاذ ایتدیکز؟

داخلیه وکیلی جمیل بک (تکفورطاغی) — او، مالی بر مسئله در. سز حساباتده تصفیه قطعیه بی مراد ایدیور. سکز. دهاهنوز تصفیه قطعیه مسئله سی تذکر ایدلمه مش و بوکا دائر بر نورمول تثبیت ایدلمه مشدر.

عابدین بک (صاروخان) — تفویض ایدیلن اراضی اوزرینه حجز وضع ایدیلرسه بونلر حقنده نه کی تدابیر اتخاذ ایتدیکز؟

داخلیه وکیلی جمیل بک (تکفورطاغی) — مطلوب باندن حجز او خزینتین بیننده اتخاذ ایدیلن برشیدر. عابدین بک (صاروخان) — افندم! اکر بونی بودجه مناسبیله حل ایده جک اولورسه ق آتیده تحدث ایده جک مشکلی ده حل ایتمش اولورزه چونکه بالاخره تفویض ایدیله جک اراضی به ارباب مطلوب طرفندن وضع اولنه جق حجزلره شیمیدین مخالفت ایدلمش اولور.

داخلیه وکیلی جمیل بک (تکفورطاغی) — بو، بودجه مسئله سی دکلدردر. مهاجرلر اسکان ایدیلوب کندیلرینه املاک و اراضی تفویض ایدلدکن صکره فضلّه قالیرسه اونلرک محسوبنه تعلق ایدن بر معامله در.

موازنه مالیه انجمنی نامه احمد رمزی بک (غازی عینتاب) — اسکان بودجه سی وسیله سیله آرقداشلرک تماس ایتدیکی نقطه لردن انجمنکزی علاقه دار ایدن بعض نقطه لره جواب ویره چکم.

ایدیله جک و بحق بر نتیجه تأمین ایتمه جک . بو اندیشه لی نظر دفته آلان انجمنکز، ۳۰۰ بیک لیرادن دیکر ماده لردده کی تخملق، حیوانات، صنعتکارلره سرمایه ماده لرینه علاوه ایتمک و بوماده لردن ده استیلازدکان، حریرزدکان محتاج اولان لرینی استفاده ایتدیرمکی ده مصلحته موافق ودها امین بولمشدر . اونک ایچون ده بویله بر فقره ایله مسئله لی تصریح ایتمشدر . حریرزدکانک نظر دفته آلمانسی دوغرو دکدر بویورلدی . فی الواقع استیلازدکانله حریرزدکانک کمیتری و اولنرک بو کونکی حال مضایقه لری جداً شایان تأملدر . آرقداشارک بو خصوصده صرف ایتدکاری تأثراته بنده کزده اشتراک ایدرم . فقط عرض ایتدیکم وجهله عددلری معلوم اولمیان و ۳۰۰ بیک لیرانک معاونت شکلنده توزیعی کبی نه بولده فائده تأمین ایده جکی کسیدیرلمه دن بو شکلده بر معاونت پاره سنی ، انجمنکز، قبول ایتمکی موافق بولما مشدر . نهایت علاوه ایده میم که آرقداشار ! آلان تخصیصات منضمه دن استیلازدکانه ، حریرزدکانه ۵۴۹ بیک لیرا قدر صرف ایدلمش و بوماده قانونیه ایجابی بولنرک اسکانی وکالت طرفندن درعهده اولگمشدی . بولنرک اسکان لرینه تخصیص ایدیه جک اولرک تعمیراتی، کذا تعمیرات فصانندن تأمین ایدیه جکی کبی بن مجلس عالی بکزک قبول ایتدیکی بر قانون اوزرینه مبادله یه تابع اولمیان اشخاصک املاک متروکه سنک استیلازدکانه و حریرزدکانه تفویضی و بولنرک بالفروخت ائماننک یا طوغریدن طوغریه یه توزیع و یا خود باشقه بر صورتله بولنرک ساحه استفاده سنه وضعی تأمل ایدلمش بولوندیغندن انجمنکز آیرجه ۳۰۰ بیک لیرا معاونتی بوجهتندن ده فائده لی کورمه مشدر . صوک معروضاتله خالد بک افندینک، مسکن لرینی انشا خصوصنده معاونت ممکنه و نقدیه ناصل یاپیله جقدر ؟ ماده قالمشدر ، شکلنده کی سوال لرینه ده جواب ویزدم ظن ایدیورم ( مذاکره کافی سسلی ) .

رئیس — افندم ! دها آلتی ذات سوز آلمشدر . کفایت حقنده بزده تقرر واردر . اولا تقررری اوقویه جغز .

وقطعی بر پروغرام تعقیب ایله می . . . » عبارته نک مفادندن ده آکلاشیلیمقده درکه انجمنکز اسکان ایشلرینی واسع بر ساحه ده تلقی ایتمشدر . اسکان ایشلری بو کون بیتمه مشدر ، یارین ده بیتمه جکدر . معلوم عالی لریدرکه مبادل ، غیر مبادل مهاجرلر و کرکسه ملتجیلر و نهایت عشائزک اسکانی . . . بوتون بولنر عظیم ایشلردر . ایشه بو ایشلرک تنظیمی ایچون — که بالوسیه حکومتک اسباب موجهه سننده مذکوردر — بو ایشلرک تنظیمی ایچون، اساسی دوشونوله زک بالا خره اسکان تصحیحاته میدان براقیاماسنی انجمنکز تمی ایتمشدر . خالد بک افندی ، تمیاتی میاننده مضبطیه تماس ایده رک حکومتک مضبطه سنده ایکی بچق میلیون کتله نک اسکانی موضوع بحث اولدیغندن و بومیانده مبادلر وسائر برچوق اسکان ایدیه جک خلق بولندیغندن بولنرک اهمیتلری نظر دفته آلنهرق صریه وضع ایدلمسنی تمی ایتدیلمش . انجمنکز عیناً بوجهتلی تأمل ایده رک مضبطه سنده درج ایشلر و ایکی بچق میلیون کتله نک اسکان ایشی هر حالده صریه قونیلیمغه محتاج بر ایشدر . بناء علیه بوجهتی تمی ایدیوروز . بالوسیه و مساعده کز آرقداشار ، فصللرده موضوع بحث ایدلمسنی لازم کلن حریرزدکانه معاونت فصلنی ده — فصللرده ایضاحه حاجت قالماسون دییه — عرض ایده جکم . حریرزدکان و استیلازدکان ولایات غربیه ده ، ولایات شرقیه ده ، ولایات جنوبیه ده واسع مقیاسده در بولنرک عددلری الیوم تثبیت اولونما مشدر . بولنرک بالخاصه نظر دفته آلا جغز قسملر ، محتاج اولان قسملریدرکه بولنرکده هنوز عددلری دخی قطعیتله معلوم دکدر . حریرق ساحه لری نظر اعتباره آلینیرسه محتاج اولانلرک فوق العاده بر مقداره بالغ اولاجقاری تأمل ایدیه بیلیر . حریرزدکانه معاونت نامیله حکومتک تکلیف ایتدیکی ۳۰۰ بیک لیرای ، مقداری معلوم اولمیان محتاجین ، حریرزدکان و استیلازدکانه نه بولده توزیع ایدیه جکی ، انجمنکز ، بحق جای سوال بولمشدر . بو ۳۰۰ بیک لیرا ایلمک الی اچاق اولانلره توزیع

رئیس ( صاروخان ) — رئیس پاشا حضرت تری ای مجلس عالیته وضعیت و صلاحیتله تعارض تشکیل ایدن برشی وارددر . اومسئله حل اولونمادی . مساعده بیورو کره ، اومسئله حقنده کی معروضاتمزی سویله بلم .

رئیس — افندم ! کفایت تقریری وارددر . بوتقریری رأی عالیکنزه عرض ایده حکم . کفایت مذا کره قبول ایدلزسه مذا کره یه دوام ایده رز ، ذات عالیکنز سوز سویله مک ایسترسه کنز ، بودجه نك مذا کره سی بیتمه مشدر ، فصللر وارددر ، سوز آیر وسویلزسکنز .

علی شعوری بک ( قره سی ) — افندم ، بویه فصل مذا کره سی ایله هیئت عمومیه مذا کره سی قاریشدر — مشدر . فصله عائد شیرلی هیئت عمومیه مذا کره سنده ذکر ایتمک بیله عبندر . اصوله موافق دکلدر ، وقتی اضاعه در . هیئت عمومیه مذا کره لری فصللرک خارجنده و ارقامه عائد اولایان وقوعاته عائد اولور . برچوق ایشار وارددر که فصللرک ایچنده بونلری سویله مک لزومسدر . بولزومسزلخی اوزمانی ارتکاب ایدلم ؟

رئیس — افندم ! اوجالده کفایت تقریری رأیه قورز ، غیرکافی کورورسکنز ، مذا کره یه دوام ایده رز . امین بک ( اسکیشهر ) — مذا کره نك کفایت علیهنده سوز ایسته یورم افندم .

رئیس — بویوروکنز . فقط بالکنز عدم کفایه سی حقنده سویله یه جکسکنز . چونکه برچوق آرقداشلر عدم کفایه حقنده سوز ایسته مشلدر .

امین بک ( اسکیشهر ) — اوت ، عدم کفایه سی حقنده سویله یه حکم افندم .

آرقداشدر ! مذا کره غیرکافی در . چونکه بودجه ده اسکان مدیریتی تخصیصاتنک هیئت عمومیه سنده نقطه نظرلر تعیین ایتملدر که اوندن صکره فصللره کچلم . بنده کزک نقطه نظریمه کوره اسکان مدیریتنک اساسنک الغاسی لازمدر . بوالغا ایله ( ۳ ) میلیون لیرا قازاناغز . بو ( ۳ ) میلیونه آرقداشلرک آرزو ایتمش اولدینی یعنی مهاجرلرک مستعجلاً مستحصل وضعیتنه کچملری تأمین

ایدلمش اولاجقدر . بونقطه نظر دن هیئت محترمه کزندن ایضاحات و یرمه مه مساعده بویوزما کنزی رجایده حکم . چونکه مذا کره نك غیر کافی اولدیغنی بو صورتله عرض ایده بویه حکم . شمعی افندم ، مهاجرلر کلشدر ..

رئیس — امین بک افندی ، اساسه کچورسکنز . عدم کفایه سی حقنده سویله بیکز .

امین بک ( دوامله ) — عدم کفایه سی حقنده کی اسباب موجب بی ده مقدمه اولارق ایضاح ایتدم . یعنی مقصدیمی ناصل ایضاح ..

رئیس — فقط افندم ، باشقه آرقداشلرده سوز آلمشدر .

امین بک ( دوامله ) — اوچ میلیون لیرا مسئله سی وار ، نه یاییم ؟ پاشا حضرت لری ، اوچ میلیون مسئله سی وار . مهاجرلرک وضعیتنی : افندم ، مبادللر کلشدر . بزم بزراعت و کالتمز وارددر . هر یرده تشکیلاتی ده وارددر . بو کون مهاجرلرک مستحصل حالته کتیریلسنه زراعت و کالتی مأمورینک زراعت و کالتی تشکیلاتنک قادروسی کافیدر . بناء علیه بو بودجه نك مصرف و معاشات قسمنه و یردیکمز اوچ میلیون یدی یوزبیک لیرا هدردر . الله رضاسی ایچون بونی یایما بیکز . فقیر بودجه ده بویایلاماز . انجمن عالی ایشک اساسنی قویمشده بو ۳۰۰ بیک لیرا شویله می اولور ، بویه می اولور ؟ دییه بونمذا کره ایدبله من . اساساً بوتشکیلات نه ایش یا باقدر ؟ استرحام ایده رم ، اساسنی حل ایده لم . روم ایلدن کلن کویلو مزده بزم کی در . اونلرده کاشانه کی ، سوسلو و مکلف او ایسته مزلر . کندیلری ده کریسچ ایله ، سکره اون آغاچله کندیلری ده او یایار وصحتنی ده تأمین ایدر . بزم بونلره یاه جغمز لرلری چابوجاق بولوق ، تخمینی و یرمک ، او کوزینی و صابانی و یرمکدر افندیلر . زراعت و کالتنک بو کون بوتشکیلاته بلغاً مبالغ مأمورلری وارددر و بونلر کافیدر . اساساً والیلر و قائممقاملر بوایشلری یا بمقدمه در ؛ حکومت غایت آئی کورمش و کالتی اساساً لغو ایتمش . آئنده بر چوق مأمور قالمش . بونلری ناصل بسله یه یم دییه دوشوشمش .

یکمض صورلدن حکومت، نمونه بندلری، نمونه صوده بولری یاپار. وخلق یاغموور دعاسندن قورتارمازسنهق آرقداشلر، بو کونده آجز، یارینده. بویله بر میلیون لیراسی ایله جانلی بر اثر میدانه کتیرروسقاریه کبی، پورصوق کبی دهلیجه کبی نهرلرده حکومت برر نمونه بندلری، صو ده بولری یاپار وخلق ابندیاً بویله صو آفارکن کوه یاغموور دعاسنه چیمقدن قورتاریر. باشقه درلولمملکت قورتولماز. بناء علیه، مذاکره غیر کافیدر. آرقداشلرکده سوز سویله مسنه مساعده ایدلمسنی وتقریریمک نظر دفته آلمسنی رجا ایدیورم.

داخلیه وکیلی جمیل بک (تکفور طاعی) — سوز ایسته یورم.

رئیس — بویورک!

واصف بک (صاروخان) — نظامنامه یه مغایردر. رئیس — افندم! مذاکره کده کفایه سی حقنده سوز سویله یین خطیب اساسه کیردیکندن وکیل ده بوکا جواب ویره جکدر.

داخلیه وکیلی جمیل بک (تکفور طاعی) — افندم! امین بک کفایت علیهنده سویله مدیلر. ایشک الک مهم اساسنه دو قوندقلری ایچون جواب ویره جکم. ویا کلس بر فکر تلقین ایتدکلری ایچون تصحیحه مجبورم. نجاتی بک (ازمیر) — افندم! امین بک کفایت علیهنده سویله مدیلر. شمندی وکیل بک جواب ویریور. نظاممه داخلینک بو صورتله خللدار ایدلمسنی دوغری دکلدرد.

رئیس — افندم! نظامنامه داخلی بیلیرز. امین بک، کفایت مذاکره حقنده سویله جک ایکن بر آز تفصیلاته کیردیور.

واصف بک (صاروخان) — مساعده ایتدیکنز. نجاتی بک (ازمیر) — منع اتمه دیکز! رئیس — ایکی دفعه اخطار ایتدم، دوام ایتدیور. اوچنجیسنده بیتدیور. بنده صلاحیت او قدردر. وکیل بک بوکا جواب ویره مکه قالدیور و جواب ویره جکدر.

صرف اونلرک خاطری ایچون بو مدیریتی ایقا ایتشدرد، دیورم. ایکنجی برشی ده خاطریمه کلیور؟ انجمن عالی دینورکه ایلریده زینه مهاجرایشاریله مشغول اولاجغز. اونک ایچون اسکان مدیریتی بوکونده واردر، قیامته قدرده باقی قالا جقدر. یعنی ایلریده بن بوایشی یاپاجغم دینه اوچ میلیون لیرا ویریلمیری؟ طونه لی حلمی بک (زونغولداق) — اعمار قیامته قدر دوام ایدر.

امین بک (اسکیشهر) دوامله — اعمار پاره ایله اولور. چوق استرحام ایدرم. آرقداشلر! آلتی میلیونلق بودجه نك اوچ میلیوننی تشکیلاته ویررسه ک عالمزه کولر وآنقره مجلسی دیمز. ینه ایشی کورمه دن حکم ویرن قرارویرن وکیللر و مجلسلر دیر. اونک ایچون تکرار استرحام ایدرم، آلتی میلیونلق بودجه نك اوچ میلیون لیراسی هدر ایدلمه سون. حسیاتمزی غیجیقلامانیک. . رئیس — امین بک، کفایت علیهنده سویله یه جکدیکنز. فقط اساسده سکیز.

امین بک (دوامله) — کفایت علیهنده سویله یورم. باشام. بناء علیه آرقداشلر! بنده کزده ریاست جلیله یه بر تقریر تقدیم ایده جکم. یالکنز بر مسئله قایلر. مختلط مبادله هیئته ویره جکمز اوچ یوزبیک لیرامیدر، بش یوزبیک لیرامیدر نه در؟ بونی ده خارجیه وکالته ویریررز. وبوصورتله اسکان مدیریت عمومیه سنک بوصلاحیتی، مالیه، داخلیه، زراعت وکالته وبو مختلط مبادله هیئنک صلاحیتی ده خارجیه ویرنجه مسئله حل اولور، آرقداشلرک آرزوی عالیلری ده تماماً یرینه کلیر.

برکله قالدی افندم (خنده لر). بورادن برشی دها یاپاییلیرز. هممز آمان بو مملکتک استحصالاتی نصل آرتدیراجغز، دیه دوشونوروز و هممزک بوتون دیدیندیکنمز، چارپیندیغمز بودر. حتی شمندی یه قدر عقلیلریمز سویله - میورلردی، شمندی اولرده سویلیورلر. بوباره نك ایکی میلیون لیراسنی مهاجرلره اوکوزوساثره ایچون ویره م. بر میلیون لیراسی ایله ده مملکتده آقوب طوران و هیج فائده سنی کورمد-

بوریجی میلیون لیرالق زراعت یاردیمنک کندی تشکیل۔  
 تریله یایلمسنه امکان اولدیغنی بیان ایتدیکی ایچون مع التا۔  
 سف هیچ زراعت تشکیلاتی اولمایان اسکان بودجه سنده  
 بویاره قالمشدر. زراعت وکالتی، بووظیفه یی قبول ایتدیکی  
 وتشکیلاتنک بووظیفه یی یامغه قدرتی اولدیغنی تقدیر  
 ایتدیکی آنده درحال بوخصیصاتنک، اسکان بودجه سندن  
 زراعت بودجه سنه کچمسی شایان قبولدر واک دوغری  
 برحرکتدر.

طونه لی حلمی بک (زونفولداق) — فنی ایشلری ده  
 نافعیه دور ایتسه کزدها ای اولور.  
 داخلیه وکیلی جمیل بک (دواملا) — — اولا  
 ۱۵۰ : ۲۰۰ بیک لیرالق مأمورین معاشاتی اولان بر  
 اسکان بودجه سندن، برده زراعت بودجه سندن بحث  
 ایتدم. آلتی میلیوناق بر بودجه در.

هیئت جلیله کزه تقدیم ایدیلن دیگر ۴، ۵ میلیون  
 یالکز زراعتی عائد دکادر. دیملک، که یالکز زراعتی،  
 یالکز شوکا بوکا عائد دکادر. بونک ایچنده نقلیه  
 واردر، اعاشه واردر، تفویض معاملات و واردر.  
 مهاجرلرک یرلشدر یلوب مال صاحبی ایدلمسی واردر.  
 بوکا شیبیه برچوق معاملات، واردر. بودجه تدقیق  
 ایدیلرسه هیچ مهم دکادر. یایلمش ایشلرک نه اولدیغنی  
 ویایله حق ایشلرک نه اولدیغنی ونه قدر مصرف یایله جنی  
 مصرحدر. اونک ایچون دهافضله سوز سویله مکی  
 موافق کورمیورم.

رئیس — افندم! کفایت تقریری وار، اوقونه جقدر:  
 زیاست جلیله یه

اسکان مدیریتی بودجه سی هیئت عمومی سنک مذاکره سنک  
 کفایتیله فصللره کچلمسنی تکلیف ایدهرم.

غازی عینتاب

شاهین

رئیس — امین بک تقریری ده واردر. فقط اوئی  
 صوکره رأی عالیکزه وضع ایدهرم. اولا کفایتی  
 رأیکزه وضع ایدیورم. مذاکره یی کافی کوره نلر آل

داخلیه وکیلی جمیل بک (نکفورطاغی) — افندم!  
 بنده کز اسکان مدیریت عمومی سنک داخلیه وکالتیله مربوط  
 اولسی لزومنی مدافعه ایدهرم دکلم. اسکان مدیریت  
 عمومی سی، امکان اولوب تثبیت اولونور و باشقه بر  
 وکالتیله مثلاً: حلمی بک تکلیف لری وجهله نافعیه، امین  
 بک درمیان بویوردقلری فکرلره کوره — نمونه بند۔  
 لرندن، فلاندر بحث بویوردقلرینه نظرآ — زراعت وکالتیله  
 دور ایدیلهرم بر مؤسسسه ایسه بونی درحال قبول ایدرم.  
 فقط لغوی دوغرومیدر، لازمیدر، دکلیدر؟ اوتقله  
 حقتده معروضاتده بولوناچم. اوچ میلیون لیرالق بر بودجه دن  
 بحث بویوردیلر. حضور عالیکزه کلن اسکان بودجه سی،  
 آلتی میلیون لیرالق قدر. فقط کندیلری بواوچ میلیونی،  
 یالکز مأمورین معاش و تخصیصاتی ظن ایدیورلر. اگر  
 آللرنده کی بودجه یی تدقیق ایدرلر سه اسکان مأمورلری  
 عددینک (۳۸۵) اولدیغنی کورورلر. و بو ۳۸۵ کشینک  
 معاشی، ۱۶۶ بیک لیرادر. بناء علیه، یاریم میلیونه  
 بالغ اولامیان معاشاتی اوچ میلیون دیه کوستره رک محترم  
 هیئت جلیله نک افکارینی تشویش ایتدکلرندن دولایی  
 کندیلرینی اطرافلی اولهرق بودجه یی تکرار دقلی اولهرق  
 تدقیقه دعوت ایدرم. صکره دیورلرکه: مهاجرلره،  
 یالکز بر میلیون لیرالق تخم، حیوان، آلات زراعیه  
 توزیع اولوناچق. باشقه برشی یوقدر. خایر! فی الحقیقه  
 مهاجرلره، کچن سنه ده اول توزیع ایدیلن تخملق،  
 حیوانات، و آلات زراعیه بدلی یکونی بش میلیون لیرادر.  
 بر میلیون سکر بوز بیک لیرالق ده بوسنه ویریلهرم.  
 او آرای ایشدر. امور صحیه سنی نصل صحیه وکالتیله، دور  
 ایتدک ایسه بوزراعت ایشلرینی ده زراعت وکالتیله ویرمکی  
 بوتون بوایشک ده زراعت وکالتنک آلندن چقمسنی  
 کندیلرینه رجا ایتدک.

زراعت وکالتی، ولایتلر ده کی زراعت مأمورلرینک بوایشی  
 یایمه جقلرینی وکندی تشکیللرینک — امین بک  
 افاده لرینک عکسی اولهرق — مساعد و کافی اولدیغنی ادعاسیله  
 قبول ایتهدیلر. یعنی زراعت وکالتی، مهاجرلره یایلاچق



قالدیرسون! کافی کورمهینلر آل قالدیرسون. مذاکره کافی کورولمشدر.

افندم! امین بکک برتقریری وارددر. اسکان بودجه سنک هیئت عمومی سه عائددر، او قونا جقدر: ریاست جلیله یه

مملکتک اعماری و ررم ایلیدن مبادله ایله جک و طنداشلریمزک مبادله واسکانی امل خالصیله تشکیل ایدیلان مبادله، اعمار واسکان وکالتی مطلوب اولان نتایج حسنه یی استحصالی ایده مدیکی کورولمکله بو وکالت هیئت جلیله لرینک قرار یله مدیریت عمومی یه قلب ایلمشدی.

موضوع مذاکره اولان مدیریت عمومی بودجه سی تدقیق ایلدیکی تقدیرده بودجه نیک یگون عمومی اولان (۶,۰۳۱,۰۰۰) ایرادن عبارت بولنان تخصیص اتدن متمر

اولان تخملق، ارباب صنایعه معاونت، چفت حیواناتی، محتلط مبادله قومیسینی مصرفی تشکیل ایدن (۲,۲۵۸,۴۵۰) لیرا بالاده کی یگوندن طرح ایلدکده

(۳,۷۷۲,۵۵۵) لیراسی صرف تشکیلات و مصارف اداره ایچون موضوع اولدینی کورولمکده در. ایکی میلیون لیرا

ایله هر طرفی خراب اولان مملکتک دولت بودجه سنکدن اعمارینه ماده امکان بولنه مدینی کبی اشبو ایکی میلیون

کسبور لیرانک زراعت، خازجیه، مالیه بودجه لرینه ادخالی صورتیله صرفی ممکن بولندیغدن متباقی اوج

میلون یه بیوز کسور بیک لیرانک بیسود بر صورتده اسراف واستهلاک کنه محل قالماق اوزره بودجه نیک موازنه

مالیه انجمنه اعاده سیله مارالمرض وکالتلر بودجه لرینه تعلق ایدن قسمنک فصول مخصوصه سنه وضعی واسکان مدیریت عمومی سنک الغامی خصوصنک تحت قراره آلمسنی

تکلیف ایدرم اسکیشهر امین رئیس — افندم! تکلیف بودجه نیک انجمنه اعاده سی ماهیتده در. دیگر اسباب موجهه وسائر طبیعی برطاقم قانونلرک قبولنه متوققدر. امین بک (اسکیشهر) — پاشا خضر تلری! زراعت

ویکلندن ده صورالم. بقالم او نه سویلیه جک .. رئیس — افندم! هم سویلدیکز، هم تقریریکنز او قوندی ... شمندی افندم! بودجه نیک انجمنه اعاده سی حقنده اولان بو تکلیفی رأیکزه عرض ایدیوزم. قبول ایدنلر ال قالدیرسون! قبول ایتمه یینلر ال قالدیرسون! قبول ایلمه مشدر.

افندم! انجمنه اعاده سی قبول ایلمدیکنه کوره فصللره کچه جکز. بحریه وکیلی احسان بک (جبل برکت) — افندم،

بحریه بودجه سی اونوتولدی غالباً! رئیس — افندم! بحریه بودجه سنک اولدینی کبی مالیه نیک و زراعتکده بعض فصللری؛ بعض قانونلرک

انتاجنه تعلیقاً تأخیر اولونمشدی. اونوتولما مشدر. بوراده در. آرقداشلر رأیلرینی و ریپورلر. تصنیفدن و نتیجه

آرادن صکره اوفصللری مذاکره ایدرز. بو کون صره کلیر. شمندی اسکان بودجه سنک فصللرینی مذاکره یه باشلیوزر.

برنجی قسم

فضل	۳۲۱
لیرا	۳۰,۲۴۰
اراره مرکزیه	

رشدی پاشا (ارضروم) — افندم! اسکان مأمورین تشکیلاتنه باقدم. برنجی صنف فن مأموری، برنجی صنف معمار، سکز قوندو کتور، طقوز مهندس (زه دم

پاشام سسلری). مرکزده وولایتلرده بوینه وارددر. زراعت متخصصلری صحیه مفتشلی الخ. بونلری آکلادمم. آرقداشلر!

مملکتده مبادللرک صحیه ایشلری آری، دیگر وطنداشلرک صحیه ایشلری، آری، مبادللرک زراعت ایشلری آری، دیگر وطنداشلرک زراعت ایشلری آری. بنده کز

آری، آری اولان بوتشکیلاتدن برشی آکلادمم. بونصل اداره در؟ برصحیه مأموری کلدیکی وقت باقه جق، برخسته وار؛ صوره جق سن مبادللرک؟ اوت ده نجه، سنک

عادتا بازیجه اولشدر . مبادلہ ، اعمار و اسکان قانونک  
 برنجی مادہسی غایت صریح ایکن سگزنجی مادہسندہ  
 محرر «محتاج» گلهسندن دولایی اسکان مدیریت عمومیہسی  
 قانونی تفسیر ایدر برماہیتدہ برتعمیم یاپیورہ ، شہری قرق  
 لیرا و دہافضلہ اولہرق واردات تأمین ایدن ، یعنی اعاشہ لری  
 تأمین ایدہ بیلن بوتون حر یقزدہ لری ، اسکان ایتکدہ بولون دقاری  
 اولردن چیقارییور . بردہ ، عینی تعلیماتہ برقیدعلاوہ ایدیور .  
 مایس ۱۳۴۱ تاریخنہ قدر سزہ مساعدہ ایدیورم ، بوتاریجن  
 صوکرہ بو اولردہ قطعاً اوتورہ میہ جسکزر دیور . برکرہ  
 قانوندہ کی ( محتاج ) گلهسندن بویلہ برمعنا چیقاریلاماز .  
 صوکرہ حر یقزدہ لری اسکان و ترفیہ لزومی برنجی مادہدہ  
 صراحتہ مذکور و وکالت بونکله مکلف ایکن بومعنایی  
 و اسکان ایچون تعیین ایتدیکی مدتی نرہدن چیقارییور ؟  
 بو حقسزلنگ تعمیری و بوقانوندہ کی ( محتاج ) گلهسنک  
 تفسیری ایچون تقدیم ایتدیکمز تکلیف ، انجمنارده  
 بیکہ مکدہدر . بوتون تعقیباتمزہ رغماً مع الاسف بوکونہ  
 قدر چیقمامشدر . بعض امثالی وجہلہ بو تفسیر  
 قرارینک مجلس عالیکنزدن رأساً اتخاذهی رجا ایدیورم .  
 شمدی ایکنجی دفعہ اولہرق بو بابدہ بر تقرر تقدیم  
 ایدیورم . تفسیر ماہیتندہ اولان بوتعمیم بوتون حر یقزدہ لری  
 عادتا اسکان مأمورلری اندہ بر او بونجاق حالہ کتیرمشدر .  
 تجاوز ایدلک برحق قائلمشدر . بونار چوق پریشان  
 بروضیتدہدر ( دوغری سساری ) . بوتفسیر تقریریمزک  
 قبولی استرحام ایدیورم ( قبول سساری ) .

داخلہ وکیلی جیلنک ( تکفورطاعی ) - محترم  
 افندیلر ! رشدی پاشا حضرتلری ، اسکان بودجہسندہ  
 صحیہ مأمورلری اولدیغندن ، دوقتورلر اولدیغندن ،  
 زراعت مأمورلری اولدیغندن بحث ایتدیلر و بونلرک اسکان  
 بودجہسندن چیقاریلہرق عائد اولدقاری بودجہلرہ ویرلسنی  
 سوبلہ دیلر . حقیقہ بولزوم دوشونیلہرک الیکزدہ بولنان  
 بودجہدن صحیہ تخصیصاتی قالدیریلش ، یعنی اسکان بودجہسندن  
 صحیہ وظائفی قالدیرتیلہرق تخصیصاتی ایلہ برابلہ صحیہ  
 بودجہسنہ علاوہ ایدلمشدر . اساساً الیکزدہ بولنان ۳۴۱

ایشکہ قاریشمام ، سزک دوقتور باشقہدر دیبہجک ...  
 برزراعت متخصصی کلہجک ، باقہجق نارالایی اکیلہمش ،  
 تخم فنا . صوراجق ، سن مبادلہسک ؟ اوت مبادلہ ، دیرسہ  
 ایشنہ باقہجق ، یرلی ایسہ بن قاریشمام دیبہجک .

آرقداشلر ! اسکان مدیریت عمومیہسی داخلہیہ  
 مربوط اولدیغنی کچی خارجدہ کی اسکان مدیرلری ، زراعت  
 مدیرلری و مأمورلری دہ والیرہ مربوطدر . اوخالدہ مملکتیہ  
 کلش ویرلشمش اولان مبادلر ، دیگر وطنداشلردن  
 ہیچ بر صورتدہ کرک صحیہ ایشلرنده و کرک زراعت  
 ایشلرنده وسائر ایشلردہ پکدیکنزدن ایرلامسی لازم کلیر .  
 برقضادہ و برولایتدہ یرلشن مبادلرک زراعت ایشلرینہ  
 او ولایتک زراعت مأموری باقہبیلور . صحیہ ایشلرینہ  
 او-قضانک صحیہ مأموری باقہبیلیر . بناء علیہ بویلہ بر تفریقہ  
 فائدہ کورہمدم . انجمن بوتی تدقیق ایدرکن نہ دوشوشومشدہ  
 بویلہ تفریق ایتشدر و بویلہ قبول ایتشدر ؟ لطفاً ایضاح  
 ایتسون . بیہودہ یرہ برچوق مأمورلرہ پارہ ویریورم .  
 اساساً مملکتندہ احتیاجہ کافی نہ مهندس واردہ ،  
 نہ دوقتور واردہ ، نہدہ زراعت متخصصی واردہ .  
 بو وکالتلرک ہر اوچی دہ مملکتندہ کافی زراعت متخصصی  
 اولمادیغنی ، دوقتور و مهندس بولونمادیغنی بودجہلرینک  
 اثنای مذاکرہسندہ سوبلہ مشلردی . مدیریت عمومیہ ،  
 بیلیم بونلری نرہدن بولمشدر ؟ بندہ کزجہ بونلرک ہیئت  
 عمومیہسنی اسکان قادروسندن چیقارمق لازمدر . ہر  
 ولایتک منطقہسندہ بولنان دوقتورلر ، مهندسلر و زراعت  
 متخصصلری نصل کہ دیگر وطنداشلرک زراعت و صحیہ  
 ایشلرینہ باقیورسہ عین وجہلہ مبادلرکدہ اینلرینہ باقسی  
 لازمدر .

رشاد بک ( صاروخان ) - افندم ! بندہ کزک عرض  
 ایتک ایستہدیکم مسئلہ ؛ مبادلہ ، اعمار و اسکان قانونک  
 روحنہ مخالف و مجلس عالیک حق و صلاحیتتہ تجاوز  
 ایدر بر صورتدہ یاپیلشم تفسیر ماہیتندہ کی بر تعمیمہ  
 عائددر . بوتعمیم حر یقزدہ لری اسکانی آلت ، اوست  
 ایتشدر . بوتون حر یقزدہ لری اسکان مأمورلرینک آندہ

فقط دیگر رفقانکده ایضاح بو یوردینی وجهله حقیقه  
 او یایامیانلرده اولمشدر . یالکنز قزاندیغیله چولوغنی ،  
 چوجوغنی کچیندیرنلر واردر . بونلری تفریق ایتک او قدر  
 مشکل بر مسئله دکلددر . مملکتک اداره خصوصیه لری  
 واردر . بلدیله لری واردر . حکومتله تماس ایدن مفکوره لری  
 انسانلری واردر . بونلرک هیئت عمومیه سی کیمک محتاج  
 اولدیغنی ، کیمک غیر محتاج اولدیغنی و کیمکده کندی یاغیله  
 قاوروله بیله جکنی تعیین و تثبیت ایدر . بو ؛ تعیین و تثبیت  
 ایدلر کدن صکره ده وکالت وظیفه سنی ایفا ایدر . بناء علیه  
 نه غیر قانونی بر تفسیره کیدیلمشدر ونه ده بوتفسیر دولایسیله  
 غیر قانونی و غیر وجدانی بر حرکت یالیش . دکلددر . مأمور  
 یاکلش معامله یابدی ایسنه شکایت اولنور ، او مأمور  
 امثالی وجهله جزاسنی کورور . یاکلش برقرار و بر امر  
 تبلیغ ایدلدی ایسه - که شمندی به قدر بویله یاکلش بر  
 قرار واقع دکلددر - مقام عائذی ایقاظ اولونور . او قرار  
 یاکلش ایسنه تصحیح ایدیلیر وقانونه مغایر ایسه اصراح  
 ایدیلیر . بناء علیه شمندی به قدر بویله برشی واقع اولمش  
 دکلددر .

رشاد بك (صاروخان) — مساعده بو یوریلورمی  
 افندم ؟ محتاج کله سنی وکیل بك نه معنایه آلیورلر ؟  
 رئیس — جمیل بك ! محتاج کله سنی نه معنایه  
 آلیورلر دیبه صوریلورلر .

داخیه وکیلی جمیل بك (تکفور طاغی) — او  
 یاپدیره میه حق وقازانجی ایله کچینه میه جک آدمدر افندم !  
 طونالی حلیمی بك (زونغولداق) — اعمار مدیریتی  
 یرینه انشات مدیریتی قونمش وانجمن قبول ایتمه مش ،  
 یالکنز هیئت فیه نی قبول ایتمش انشات اولمانجه اعمار  
 اولمانجه هیئت فیه نك نه لزومی واردر ؟

داخیه وکیلی جمیل بك (تکفور طاغی) — ده مین ده  
 عرض ایتدم . (۵,۶۰۰) دانه اقتصادی او یایلاجق  
 دیدم . پلانلری نه ایضاح ایتشدم ، دقت بو یور مامشسکوز .  
 رئیس — احمد رمزی بك ! سوز ایسته مشدیکوز .  
 احمد رمزی بك (غازی عینتاب) — افندم !

اسکان بودجه سنده بوکی خدماته عائد اون پاره یوقدر .  
 صکره ، زراعت مأمورلرندن دن بحث بو یورلدی . دمین  
 ده ا مواضع صورتده عرض ایتدیکم وجهله ، زراعت  
 وکالتی مبادله ککن محتاجینه و دیگر مهاجرینه تخم ،  
 حیوانات وآلات زراعیه نی توزیع ایچون ، کندی  
 تشکیلاتی مساعد اولدیغندن ، بو وظیفه نی درعه ده ایتهدی .  
 فقط اسکان بودجه سنده ده یالکنز مرکز عائد اولمق اوزره بر  
 زراعت متخصص واردر . زراعت مأموزی اوله رق بشقه هیچ  
 بر مأمور یوقدر . بوده کافی کمدیکندن طولانی فصل  
 مخصوص کلدیکی زمان ولایت تشکیلاتی صره سنده هیچ  
 اولمازسه مهاجری چوق اولان ولایتلرده تشکیل ایچون  
 ۵ - ۱۰ دانه زراعت مأموزی علاوه سنی انجمندن رجا  
 ایتشدم . قبول ایتدی ، انجمنک قبولی وجهله قبولی هیئت  
 علیه کزدن رجا ایدم جکم . بناء علیه بودجه ده بر تک صحیه  
 مأموزی یوقدر . یالکنز بر تک زراعت مأموزی واردر .  
 اونک ایچون دیگر وکالتلره منسوب مأمورلر اسکان  
 بودجه سنده یوق دیمکدر .

رشاد بك افندی ، مبادله ، اعمار واسکان قانوننک  
 برنجی ماده سنه موافق اولمایان سکزنجی ماده سننک بر  
 کله سندن اقتباس قوتله اسکان مدیرینک یاکلش بر معامله  
 یابدیغنی ادما بو یور دیلر . سکزنجی ماده ده شویله دیبور :  
 [ دشمن طرفندن مسکنلری تخریب و احراق ایدیلن  
 محتاجینه تخصیص وتوزیغنه ... الخ ] محتاجین دینور .  
 محتاجینه یریلن اولر واراضی بلاقید و شرط اولر کدر ،  
 بونلرک هیچ بری چیقاریلماشدر و چیقاریلماه جقدر .  
 محتاجیندن غیری کیم اوله بیلیر ؟ غیر محتاج اولور ، غیر  
 محتاجلردن او یاپدیره بیله جکلره بر مهلت ویرلشددر .  
 دینشدر که سزه قانون اسکان حقی بخش ایتمه یور . فقط اسکان  
 مدیریت عمومیه سی سزک وضعیتکزی نظر دفته آلمشدر ،  
 آلتی آی ظرفنده او یاپیکز و بو اولری یاپدقندن صکره  
 بورالری تخلیه ایدیکز . ایچلرنده بو مهلتدن بو قانوندن  
 استفاده ایله عقار یاپدیروبده ، او یاپدیر میان و عقارک  
 کیراسیله کچینن و فضولاً او اشغال ایدنلرده واردر .

(تفسیر دکل سسٹری) یعنی صورتہ در. ضبطلر میدانہ در  
افندم. تعلق ایتدیکی فصلہ مجلس عالی برتفسیر قراری  
اتخاذ ایتشددر.

داخلیہ وکیلی جمیل بک (تکفورطغی) — پاشا  
حضر تلزی! تفسیر، بودجه قانونک تفسیری دکلدر  
بستون آری بر قانونه تعلق ایدر. بودجه قانونی ایله  
علاقه سنی کورمه یورم.

رشاد بک (صاوو خان) — بودجه قانونی برسنیه  
مخصوصدر. حالبوکه کچن کون تجارت وکالتی بودجه سندہ  
دخی تفسیر ایدلش قانون واردر، امثالی واردر.

رئیس — افندم! تقریری اعمار انجمنه تودیع  
ایدیوروز. مستعجلاً تفسیرینی کتیرسون.

رشید آغا (ملاطیہ) — بوفصل حقندہ سوزایستورم.  
رئیس — فصل حقندہ سوز بیتمشدر افندم! تقریر  
واردی اونی ده انجمنه ویردک. فصلک یکوتی رأیکزه  
عرض ایدہ جکم.

رشید آغا (ملاطیہ) — فصل حقندہ سویلیہ جکم.  
رئیس — بر یا ککشلمقی واردر افندم، اولیہ می  
کور دیکز؟

رشید آغا (ملاطیہ) — اوت افندم! بورادہ زائد  
برقاج مأمور کوردمده اونی عرض ایدہ جکم.

رئیس — فصل حقندہ کی مذاکرہ ختام بولمشدر  
افندم. افندم! فصلک یکوتی رأیکزه عرض ایدیورم.  
قبول ایدنر لطفاً ال قالدیرسون! قبول ایتہینر لطفاً ال  
قالدیرسون! قبول ایدلشددر.

لیرا

فصل

۶۱۴،۰۰۲

مصارفات

۳۳۲

رئیس — فصل حقندہ مطالعه واری افندم؟

مختار بک (طربرون) — افندم! ایضاحہ حاجت  
یوقدر. مدیریت عمومیہ لردہ کی اوتوموبیلبری خذف  
ایتشدک. رسومات مدیریت عمومیہ سی کی بویوک مدیریت  
عمومیہ نکده اوتوموبیلانی قالدیردق. بورادہ طقوزنجی  
ناده اوتوموبیل حقندہ برشی واردر. طبیعی مرعی اولان  
اصولدر. خاطر یکزه کتیریورم.

حاجت قلمادی. وکیل بک ایضاحات ویردیلم.

رئیس — افندم! بوفصل حقندہ باشقہ سوز ایستہین  
قلمدی. رشاد بک برتقریری واردر. فصلہ متعلق دکلدر.

رشاد بک (صارو خان) — فصلہ عائددر پاشا  
حضر تلزی! بوفصلدن معاش آلان رؤسا و مأموریندر.  
فصلہ تعلق واردر.

رئیس — مساعده بویوریکز افندم! تقریری بر کرہ  
اوقویالم:

ریاست جلیلیہ

حکومت ۸، تشرین ثانی ۱۳۳۹ مبادلہ، اعمار واسکان

قانونک برنجی مادہ سبیلہ اسکان و ترفیہ مجبوریتندہ بولوندی  
حریقزدہ لری اخیراً یابدینی برتعلیقاتنامہ ایله وقانونک

سکزننجی مادہ سی متنندہ مندرج (محتاج) گلہ سنک نو عما  
تفسیری صورتیله بوحقندن محروم ایلشددر. بوبادہ اعمار

انجمنندہ برتفسیر تکلیفمز واریسده هنوزانتاج ایدیلہ مہ  
مشدر. حکومتک تعلیقاتنامہ سی احکامنه توفیقاً ۱ مایس،

۱۳۴۱ دن اعتباراً سواقعہ آتیلا جقلردن قانوندہ محرر  
(محتاج) گلہ سنک بروجه آتی تفسیرینک تحت قرارہ

آلمسی صورتیله محقق اولان فلاکتلرینہ میدان ویرلہ منسی  
عرض ورجا ایدرز.

« ۸ تشرین ثانی ۳۳۹ تاریخی مبادلہ، اعمار واسکان

قانونک سکزننجی مادہ سندہ محرر محتاج گلہ سندن مقصد:  
احوال حریبہ سبیلہ یوردلری خراب و احتیاجلری

سکندان عبارت بولنان حریقزدہ لری صورتندہ تفسیر  
ایدلشددر. »

۱۳۴۱ - ۳ - ۲۰

صارو خان

ادھم

رئیس — افندم! محتاج گلہ سنک تفسیریدر. معلوم  
عالیکز تفسیرلر دائماً انجمندن کلیر او وقت رأیہ قونور.

و قرار آلنور.

رشاد بک (صارو خان) — رجا ایدرم پاشا حضر تلزی!

امثالی واردر. تجارت وکالتی بودجه سندہ لاسٹیک آباق  
قابلہ مسئلہ سی بویله تعلق ایتدیکی فصلہ تفسیر ایدلشددر.

ايشدر (نه قدر سسلري). اون درت زراعت مأموري، وبش قوندوكتور افندم.

مختار بك (طرزون) — افندم! زراعت، مأمورلي، ايچون مسئلہ ي بيلميورم، بلکہ زراعت مأمورلي بوتوزيعاني، ياپه مديني ايچون بودجه يه قونامش و بناء عليه او وکالت ده بوني، قبول ايمه نجه بو مديرينک زراعت مأمورلرينه احتياجي اولور. قونور، احتمالي واردر. يالکوز قوندو قونورلر ذاتا حکومت طرفندن تکليف اولمش وانجمنده تديققات عميقه نتيجه سنده حد لايقه تنزيل ايدلمشدر. شمدي نافع وکالتی ده می استنکاف ايتدی که انجمن يکيدن قبول ايدميور ومقداريني تزييد ايدميور. بو مسئله ده توضح ايتسون. وکیل بك، بر وکالت ايچون بو خدمتدن استنکاف ايشدر، بن کندی مأمورلم ايله ياپديره جغ دييور. ديگر وکالته ده بو وظيفه تحمیل اولمشدرده اوده استنکافي ايشدر؟ انجمن تديققات عميقه نتيجه سنده ذاتا چوق تکليف اولنان قوندو قونورلرک مقداريني بشه تنزيل ايدهرک حد لايقه اينديرمشدر. شمدي يکيدن تزييدی ايچون اسباب موجه کورميورم و بوبش قوندوكتور کافيدر ظن ايدميورم.

احدمرزي بك (غازي عینتاب) — افندم! زراعت مأمورلي، ايچون زراعت وکالتک بالاخره مطالعه سي آئندی. مأمورلری اساساً کافی درجه ده اولمديغندن بوايشی درعهده ابدمه چکنی ومهاجر ايشلرينک آیری منطقه لرنده نالخاصه واسع اسکان منطقه لرنده کافی مأموري بولمديغنی سويلدی. نهايت، انجمنکوز طشره يه تعلق ايدن اون درت زراعت مأمورينک قبولنی ضروري کوردی، قوندوكتورلره کلنجه: حکومتک تکليفنده يکرمی بش قوندوكتور واردی. بز بونی بالخاصه انشاآنک بسيط بزشکلہ افراغنی ترجيح ايتديکمز ايچون بشه تنزيل ايتدک. بالاخره وکالتک مراجعتی اوزرينه تکرار تديققات ايتدک. اقتصادي خانه لردن برقسمنک يالسی ايله برابر ديگر جهتدن بعض کويلرده بعض خانه لرک ياريم قالدیغنی ويونلرک اقتصادي خانه يه تحويلی ممکن اولمديغندن کالی لازم کلدیکنی سويلديلر. بزده بولوزومي موافق

رئيس — افندم! فصل حقنדה باشقه سوز ايتستين يوقدر. طرزون مبعوثی مختار بکک طی تکليف واردر. او قوبورز:

رياست جليله يه

[ ۳۲۲ ] نجی فصلک [ ۹ ] نجی ماده سنک طینی تکليف

ايدرم.

طرزون

احدمختار

رئيس — طقوزنجی ماده نك دوغرودن دوغرويه طینی تکليف ايدميورلر. طی قبول ايدنلر اللرينی قالدیرسون! قبول ايمه ينلر اللرينی قالدیرسون! طقوزنجی ماده نك طی قبول ايدلمشدر افندم. افندم! طقوزنجی ماده نك طيندن صکره قالان يکون او قونه جقدر:

لیرا

فصل

۱۱۳،۷۹۲

۳۲۲ مصارفات

رئيس — ۳۲۲ نجی فصلی بوضورتله قبول ايدنلر اللرينی قالدیرسون! قبول ايمه ينلر اللرينی قالدیرسون! قبول ايدلمشدر افندم.

لیرا

فصل

۹۱،۸۵۴

۳۲۳ ملحقات: معانات

رئيس — فصل حقنדה مطالعه واری افندم؟ داخله وکلی جمیل بك (تکفورطاغی) — افندم! بو فصلده ولایانده آلات زراعيه، تخملق وسائره يی توزیع ايدهرک ومهاجرلرک امور زراعيه سنه تعلق ايدن وظائفي زراعت وکالتی ايفايده خک ظنيله طشره تشکيلاتنه زراعت مأمورلری قونامشدر. زراعت وکالتی بو وظيفه يی ايفايه مقتدر اولمديغنی افاده ايتديکی ايچون ولایات تشکيلاتنه اون درت زراعت مأمورينک، که جمعاً [ ۶،۰۰۰ ] لیرا ايدميور، علاوه سنی استرحام ايدميورم. برده بوانشآت ايچون ده مين ده عرض ايتديکم وجهله مرکزده برهيتت فنيه رئيسی ايکی مهندس و بش قوندوكتور واردر. بونلرده کفايت ايتديکی ايچون بش قوندوكتور دها علاوه سنی تکليف ايدميورم. موازنه ماليه انجمنی ده قبول

قبول ایدنلر لطفاً ال قالدیرسون ! قبول ایتمینلر لطفاً  
ال قالدیرسون ! قبول ایدلمشدر .

لیرا

فصل

۱۷,۱۰۰

مصارفات

۳۲۴

رئیس — افندم، رأیکزه عرض ایدیورم، قبول ایدنلر  
لطفاً ال قالدیرسون ! قبول ایتمینلر لطفاً ال قالدیرسون !  
قبول ایدلمشدر .

لیرا

فصل

۵,۵۰۱,۷۵۰

مصارفات عمومی

۳۲۵

رئیس — بونک حقندہ برتقریر واردر :

ریاست جلیلیہ

۳۲۵نجی فصلک آلتنجی مادہسی اولان حریقزدکانہ  
معاونت مادہسنک حکومتک موافقتی صوریلہرق رأیہ  
وضعنی ومقدارینک بر میلیون لیرایہ ابلاغنی عرض وتکلیف  
ایدرم . صاروخان مبعوثی

واصف

رئیس — بوتقریر، ضم حقندہ در . تک امضالی  
اولدیغنی ایچون رأیہ قویامام . یالکز حکومتک وانجمنک  
بوخصوصده ضم تکلیقلری وارسه ، اووقت رأیہ عرض  
ایدہ بیلیرز . حکومت نهدینور؟ (مالیہ وکیلی یوق سسلری).  
انجمن نہ سویلہ یور؟

مضبطہ محرری احمد رمزی بک — انجمن بوخصوصده  
مطالعہ سینی اولجہ عرض ایتمشدر .

رئیس — قبول ایتہ یور میسکز؟

احمد رمزی بک — خایر .

واصف بک (صاروخان) — رئیس پاشا! مساعده  
بویوریکز . افندم ! اولجہ معروضاتمدہ عرض ایتمشدم .  
ذاتاً اللہی امضالی تقریر مسئلہسی چیقہ جنی معلومدی .  
حکومت بورادہ حاضر دکدر . حکومتک بولنہ مامسی  
قباحتی بزہ تحمیل ایایلہ من . مالیہ وکیلی بک یوق ایسہ  
داخلیہ وکیلی بک جواب ویرسون . انجمن ، مالیہ وکیلی  
اولدیغنی ایچون جواب ویرم بویوریور . بناء علیہ مالیہ  
وکیلنک موافقتی اولوب اولیہ جنی جای تدقیقدر . رئیس

بولدق . بوندن دولانی — فضلہ — دکل یالکز بش قوندو-  
کتورک دہا علاوہ سنی ہیئت علیہ کزدن رجا ایدیورم .  
کرک بویوش قوندو کتور ایچون کرکسہ اون درت زراعت  
مأموری ایچون بودجہ یہ علاوہ اولنہ جق سنہ لک معاشلری  
[ ۵,۱۰۰ ] لیرادر .

رئیس — بوفصلہ می علاوہ اولنہ جق افندم .

احمد رمزی بک (غازی عینتاب) — اوت افندم .  
موسی کاظم افندی (قونیہ) — افندم ! قوندو کتورہ  
نہ درجہ احتیاج اولدیغنی بیلیمورم . بلسکہ احتیاج واردر .  
فقط زراعت مأمورلرندن ذاتاً بیوک براستفادہ یوقدرکہ  
برده اعمار ، اسکان مدیریت عمومیہ سی بودجہ سنہ زراعت  
مأموری قویالم . اکر ولایتدہ لازمہ ، ذاتاً اورادہ زراعت  
مأموری واردر ، اوباقار . چوق قضا لردہ یوقدر . ذاتاً اولانی دہ  
کویلودن فضلہ بر شی بیلمز . فائدہ سنی یوقدر . بنی  
سویلمتہ بیکز . فائدہ عمومیہ سی یوقدر . ہر بودجہ یہ بویلہ  
بشر ، آلتیشریک لیرا ایلہ بر تشکیلات ، بر قاذرو قویمقدمہ  
بر فائدہ یوقدر . ذاتاً زائددر . علاوہ یی قبول ایتہ مک  
چوق ای بر شی اولور .

احمد رمزی بک (غازی عینتاب) — افندم ! بو  
دیگر زراعت مأمورلری کبی زراعتک فنی اموری ایلہ  
اوغراشہ جق دکدر . بونلر تخماق ، آلات زراعیہ  
توزیع ایتیلہ اوغراشہ جقلردر . بالخاصہ زراعت ساحہ لریدہ  
اسکان ایدیلن مهاجرلرک زراعت ایشلریلہ اوغراشہ جقلردر .

رئیس — افندم ! انجمنک و حکومتک بوفصلہ  
ضمنی تکلیف ایتدیکی ( ۵,۱۰۰ ) لیرایی قبول ایدنلر  
لطفاً اللہینی قالدیرسون ! قبول ایتمینلر اللہینی  
قالدیرسون ! قبول ایدلمشدر . او حالده موجود یگون  
رأیہ قونہ جقدر .

رمزی بک (غازی عینتاب) — قوندو کتورلر نظر  
دقتہ آلتمشدر .

مختار بک (طربزون) — خایر خایر ؛ ہپسنی رد  
ایتدک .

رئیس — افندم ، فصلک یگونئی رأیکزه عرض ایدیورم :

واصف بك — نظامنامه ده اولیه بر قید یوقدر .  
رئیس — داخلیه وکیلی اصرار ایشدکرینی افاده  
ایتمه یور . داخلیه وکیلندن بوکادائر برشی صوروله ماز .  
مالیه وکیلی اصرار ایتمش ایسه کلیر ، بوراده سویلر .  
واصف بك — مالیه وکیلی چاغیریکز ، کلسون  
جواب ویرسون !

رشاد بك ( صاروخان ) — فصلک مذاکره سنی  
تأخیر بو یوریکز .

رئیس — اوله ماز افندم ! انجمنک موافقتی اولمادجه ،  
تک بر امضالی تقرر رأیه وضع اولنه ماز .

افندم ! ۳۲۵ نجی فصلک یکونی [ ۵,۵۰۱,۷۵۰ ]  
لیرادر . قبول ایدنر لطفاً آل قالدیرسون ! قبول ایتمه یئر  
لطفاً آل قالدیرسون ! قبول ایدلمشدر .

لیرا

فصل

۳۲۶ تخصیصات فور العاده ۱۹۰,۵۰۹

رئیس — بو فصلک یکوتی قبول ایدنر لطفاً آل  
قالدیرسون ! قبول ایتمه یئر لطفاً آل قالدیرسون ! قبول

لیرا

فصل

۳۲۶ تلفراف اهورانی ۵۰,۰۰۰

رئیس — افندم ! ۳۲۶ فصلنی قبول ایدنر لطفاً آل  
قالدیرسون ! قبول ایتمه یئر لطفاً آل قالدیرسون ! قبول

ایدلمشدر .

لیرا

فصل

۳۲۶ مأموریه معزوله ۳۵,۰۰۰

مختار بك ( طرزون ) — داها دون تشکیل اولنان  
بر ادارنک ۳۵ بیک لیرالق مأمورین معزوله سی ناصل  
اولور ؟ ایضاحات ویرسونلر ..

داخلیه وکیلی جمیل بك — افندم ! مختار بك افندی ،  
بك اعلا بیلورلر که سنه لردنبری مهاجرین وعشائر

مدیریت عمومیه سی واردی ، او مدیریتمده شمده یه قدر  
معزول اولوبده معاش آلان مأمورلرک تخصیصاتی قدر .

رئیس — افندم ! فصلک یکوتی رأیه عرض ایدیورم .

پاشا حضرتلری ! مالیه وکیلی بکه أمر بو یورولسون ،  
مالیه وکیلی بك کلسون ، موافقت بو یوروب بو یورمه جغنی  
سویله سون . مع مافیه هیئت جلیله کزه برشی عرض  
ایده حکم . اکر حکومت موافقت ایتمسه بیله حکومتک

بودجه ده — منظور عالیبری اولدینی وجهله — ( ۳۰۰,۰۰۰ )  
لیرالق بر تکلیفی واردر . نظامنامه داخلی موجبجه

تقرر ویریورم ، رئیس پاشا حضرتلری ، حکومتک  
تکلیفی رأیه وضع ایتسونلر . تخصیصات علاوه سی دکلددر .

بودجه ده حکومتک تکلیفی واردر . اوده ؛ ( ۳۰۰,۰۰۰ )  
لیرادر . حکومت قبول ایتمشدر ، فقط موازنه مالیه انجمنی

بونو چیقارمشدر . حکومتک تکلیف ایتدیگی او چیوز  
بیک لیرانک رأیه وضعی تکلیف ایدیورم .

رئیس — افندم ، حکومت ، مؤخرآ انجمنک تکلیفه  
موافقت ایتمشدر . حکومت کندی نقطه نظرنده اصرار

ایتمش اولسه ایدی ، بوراده ، بو خصوصه سویلردی .  
واصف بك ( صاروخان ) — صوریکز افندم ،  
داخلیه وکیلی بکدن صوریکز !

رئیس — حکومت انجمنه اشتراک ایتمش اولدیغنه  
واصرار ایتمه دیکنه وکلوبده انجمنک تکلیفی ایله آرامزده

بر مبانیت واردر دیمه دیکنه کوره وانجمنک ده موافقتی  
اولمادجه رأیه عرضه امکان کوره میورم .

واصف بك ( صاروخان ) — مساعده بو یورک .  
داخلیه وکیلی بوراده در ، تکلیف ده داخلیه وکیلنک

تکلیفی در . تکلیفلرنده اصرار ایدیورلرمی ، ایتمه یورلرمی ؟  
صوریکز .

رئیس — داخلیه وکیلی بك اصرار ایتسه بیله مالیه  
وکیلنک وموازنه مالیه انجمنک موافقتی اولسی لازمدر .

واصف بك ( صاروخان ) — داخلیه وکیلی مالیه وکیلی  
ایله هیئت وکیلنک متفقاً موافقتیه بو او چیوز بیک لیرانی

تکلیف ایتمشدر . داخلیه وکیلی بك بوراده در . کندی  
تکلیفلرنده اصرار ایدیورلرمی ایتمه یورلرمی ؟ لطفاً

صوریکز .  
رئیس — افندم ! انجمن موافقت ایتمه یور .

قبول ايدن لطفاً ال فالديرسون ! قبول ايمهينلر لطفاً  
ال فالديرسون ! قبول ايدلشدر .  
افندم ! مکتب حريه و بحريه ايله تطبيقات بيطنيه  
مکتبندن نشأت ايدن افنديلر حقنده کي قانونه هنوز  
هرايلريني ويرهينلر لطفاً رايالريني ورسونلر ... استحصال

آرا ختام بولدي افندم .  
اون ذقيقه تنفس ايدمک اوزره جلسه يي تعطيل  
ايديورم .

ختم جلسہ  
دقيقه ۴  
ساعت ۴

## ايگنجي جلسہ

برأ مذاکرات

دقيقه ۱۰۰

۵

[ رئیس — برنجي رئيس و کيلي عصمت بك ]

کاتبر : راغب بك (زونغولداق) ، طلعت بك (کنغري)

ایتمکده در . بنده کز همان کرسیدن ایندیکمده شورا -  
جقده برکتبخانه بوله رق در حال اوقانونی تدقیق ایدره ک،  
تکرار مذاکره یه کله بیلمیم . نته کیم استانبول مجلسنده کي  
مجلس کتبخانه سی اجتماع عمومی سالونک یانی باشنده  
ایدی . هیئت اداره یه بو وضعیتن شکایتده بولندیني  
زمان دیورکه مجلس بناسنک مساعده سی یوقدر  
بنده کز شعبه اوطه لرینک هیچ اولمازسه بریسنده  
۸ : ۱۰ دولاب قونیلوب اونک ایچریسنه (۳۲۴) سنه -  
سندن بری ۱۶ : ۱۷ سنه ک ضبط جریده لری وانجمن  
مضبطلری ، قوانین مجموعهلری ، اسکی دستورلرله اوامر  
وتعلیمات مجموعهلری یعنی مجلسک حیات تشریعه سنک اساسنی  
تشکیل ایدره ک ممسکری بوارده بولندیرسون ، هیئت  
اداره دن بونی تمی ایدرز .  
هیئت اداره مزدن کله جک سنه یه قدر یار اوفه جق اوطه  
اولسون ویا موجود شعبهلردن ، قلملردن بریسه بونی  
تأمین ایلسون . بوده اولمازسه مجلسده کتبخانه یوق  
دیمکدر . نصل اولورکه هر هانکی برقانونک بر ماده سنی  
آرامق ایچون بورادن تا یوقاری یه قدر کیتیمک ویا او  
مذاکره دن وازچمک ایجاب ایدر . نته کیم بویله اولمقدمه در .  
۳ : ۴ : ۵ سندن بری دوام ایدن تقیصه لزدن

رئیس — جلسه کشاد ایدلدی .  
ب — بویوک ملت مجلسی یودهرسی :  
بویوک ملت مجلسی بودجه سنک مذاکره سنه باشلا یوروز .  
وهی بک بویوریکز .  
وهی بک (قره سی) — افندم ! مجلس بودجه سنک  
هیئت عمومی سی حقنده بعض معروضاتده بولنه جقم .  
مجلس بنده کز چه هرشیدن اول بناسی وتنظیبات داخلیه سی ،  
مأمورینی وسائره سی اعتباریله مملکتک نمونه امثالی اوله جق  
برتمالی اولمیدر . حالبوکه نرم مجلس بناسنده بونونه  
اوله جق وضعیت یوقدر . هیئت اداره دن تمی ایدیوروز ،  
هیچ اولمازسه شو سالونک شکلکی برانتظامه کیرسون ،  
صکره ایچمنلرده ناتمامدر . مجلسک کزک صاغ ، کزک  
صول جناح لرینه کافی مقدرده بنالر علاوه سیله مساعیسنی  
اتمام ایلسون . مجلسک چالشمسی آنجق و آنجق اوطه لرینک  
منتظم اولسنه متوققدر . مجلسک اکویوک برقیصه سی ده  
کتبخانه سزلیکی در . احتمال آرقداش لر یوقاریده برکتبخانه نک  
اولدیغنی سویله یه جکلر در . فقط یوقاریده کي کتبخانه ،  
مجلس کتبخانه سی دکلدن . مثلاً ، بنده کز شیمدی بوراده  
فلان قانونک ، فلانجی ماده سندن بحث ایدر کن دیگر بر آرقداش  
بویله اولدیغنی ادعا ایدیور ، بوراده ده مذاکره جریان



آنلردن استفاده ايديلور .

برده مجلس دولايديسيه تهجيد پيلاوى كچي ايصيتمغه مجبور اولديغ رسمي جريده مسئله سيدر . رسمي جريده بنده كز عقل ايرديره ميورم . بو مسئله هر هانكي زمان وكيل عايدنه صورولورسه ، چوق موافق ، چوق لازم ، چونكه اوامر و تعليمات و اعلانات درج ايديلور دينور . فقط بودجه كلنجه : شويله ياياجغز ، بويله ياياجغز ديه تكارارلا نير . بودجه كلدي ، كچدي رسمي جريده نك رسمي جريده وضعيته كيرديكني كورمه دم . اونك ايچون بنده كز رجا ايديوورم . رسمي بر دولتك ، رسمي جريده سي بر آز جريده حالنه كيرسون .

صوكره اداره هيئتمزدن و موازنه ماليه انجمنندن آريجه برجام واردر . بوده هر شيدن اول مجلس داخلنده كي معاشاتده تعادل اساسي محافظه ايتكدر . مثلاً بر قلمك كاتينه ( ۲۰۰۰ ) غروش و يريلورسه شفته ( ۲۵۰۰ ) غروش و يريلور . بو غايت طبيعي بر اساسدر . حالبوكه كچن دفعه عادتاً مجلس داخلنده كي مأمورلر يمزك عزت نفسي رنجيده ايدجهك درجه يه كلن اكراميه مسئله سي كلدي . نيچون ؟ چونكه مجلس ده كي مأمورلر ، دولت مأمورلري آره سنده اك آز معاش آلان مأمورلردر . بوني تلافى ايچون اكراميه تكليفنه مجبور قالدى . اووقت ده نيلديكه بودجه يي تدقيق ايله بوتعدالى محافظه ايدرك مأمورلرك معاشلر يني حد كفايه يه ابلاغ اينده جكز . بو دفعه كلن بودجه يه ينه بوتأمين ايدلمه مشدر . يالكلز باش كاتب بك ، فلان بك ديه ضم ايديلور . آنلردن آلت طرفي اونوديلور . بنده كز رجا ايديوورم . ضميات ياييلوركن تعادلى كوزه تمليدر هپ يوكسكلره دكل ، بر آزده آشاغى دوشونيله رك تعادل سزلكي قالدير . مليدر . معاشلر نسبت داخلنده قدمه ، قدمه باشلامليدر . ايلك مأمورك معاشي نه اوله جقدر . ( ۱۵۰۰ ) غروش ذاتاً مجلسه كيره بيله جك بر مأمورك معاشي ( ۱۵۰۰ ) دن آشاغى اولماز . ( ۱۵۰۰ ) دن باشلار ۱۷۰۰ : ۱۸۰۰ اولور ، شو اولور بو اولور اعظمي شودر و بر اساس

بري ده مجلس پوسته خانه سنده برحواله مأموري بولمه مسيدر . اورايه كچمه دن شوني ده عرض ايديم . كتيبخانه مسئله - سنده ديكر بر تنميدها واردر . يوقا ريده كتيبخانه ياييلدي . كوزل كتيبخانه در ، مبعوثانه تخصيص ايدلدي . ذاتاً آقره ده بشقه كتيبخانه يوقدر . بر معارف و كالنتك عمومي كتيبخانه سي برده بو كتيبخانه واردر . آقره نك بشقه بر رده وقف كتيبخانه سي دنخي يوقدر . وقتيله بر صاري قيزمي ، صاري قاضي مي كتيبخانه سي وارمش ، اونى ده بولديره مدق . كتيبخانه ميدانده يوق وقفنى الوب بيورلر آورده بنا سي ده يوقدر . شو حالده آقره ده كتيبخانه ناميله علم ، فن و يانديقيق و تتبع عاشقى اولان ذوات ايچون بر ملجاء ، بر ملاذ يوقدر . بوراده بزم كتيبخانه ايله معارف كتيبخانه سي واردر . بزم كتيبخانه يه مبعوثلردن بشقه سنك كيرمسي يسا قدر . مجلس بناسنده ويا مجلس الصالنده اولسه ايدى عقم ايرردى . كيمسه كيرسون ديردم . فقط ، مجلس خارچنده ، مجلس بناسيله علاقه دار اوليان بر رده افراد ملندن هر هانكي بر ينك مطالعه ده بولنمه سي ، مطالعه نك ممنوع اولمسي عقل ايرر بر ايش دكلدر . اونك ايچون ، بونك عمومه كشاده اولمسي تمنى ايدرم .

ايكنجى بر نقطه ده كتيبخانه مزق تصاندر . كتيبخانه مزده بر چوق مخدرات هنوز يوقدر . بونك تلافيسي ايسه ممكندر . بنده كز رجا ايدجهك ، استانبول كتيبخانه لرنده مختلف اثرلرك ، مختلف جلدلري واردر . اونلري توحيد ايديوورلردى . مثلاً هر هانكي بر اثره دائر يكي واسكي و كرك ملي آنا ريمزدن لسائمه ، ديمزه ، مليتمزه عائد اولسون و كرك تاريخه و سائره و كرك يكي آنا ره هر شيه هر فنه عائد بوانسون . استانبول كتيبخانه لرنده مختلف جلدلر واردر . عمومي كتيبخانه ياقمق ايچون ويا آنادولوده تأسيس ايديله جك كتيبخانه يه بر نسخه سنك كيردلمسي تمنى ايديوورم . بو ممكندكسه - كه ممكندر - روم ايلي ده مبادله يه تابع اولان يرلردن كتيبلمش زنگين كتيبخانه لر واردر . بونلر زويه كيتمشدر ؟ بونلري كيترده رك بويوك بر كتيبخانه تشكيل ايديلور . هم مجلسك و هم ده ملتك اولور

آکلاتدی . انجمنلر ایچون عادتاً اداره مأمورلرینک کیفه تابع اولارق وهر کون برانجمن بورادن شورایه کینسیور سبب ؟ خلق فرقه سنک کاتبلری کیره جک ، مدیرلری کیره جک وسائرسی کیره جک ایتمش ! چوق رجا ایدرم اکثریت فرقه سی لایحطی در . آکلادق . طیبی اکثریت تابع ، ندرلر سه بکی . لکن بوندن استفادہ ایدرهک مجلسک تشکیلات رسمیه سی یرینه باشقه لرینک اقامه سی . دوعری اولماز . کچن کون کیتدم کاتبلرک هپسی بردن یوزمه قارشی کولدیلر . حتی رفقاندن بری ده کولدی . بونک بورادہ نه ایشی واردیبه ! - بونی سزا اکثریت فرقه سی . اعضای محترمه سی اولان آرقداشلر مه خطاب ایدیورم - اگر مجلسک انجمنلرینک بوشکلده اولسنه سزده راضی اولور . سه کز آمانا . فقط بودوعری دکلدر . درت دفعه بر انجمنک یزی ده کیشیور . چوق رجا ایدرم . مجلسک تشکیلات رسمیه سنه ده از یاده حرمتکار بولنلسون . بو خصوصده هیئت اداره نک دها زیاده دقت ایتمسی و مجلسک تشکیلات عمومیه سنک هیئت اداره نک النده بازجه اولمدینی تعین ایتمسون . بو مسئله یی بودجه مناسبتله سویله یورم .

رئیس — بویورک فریدون فکری بک !

فریدون فکری بک ( درس ) — افندم ! بودجه یه کچن سنه کتاب مصرفی اولمق اوزره اوچ بیک نیراقونمشدر . کرچه بعض کتابلر ایصمارلانمش ، فقط کتبخانه یه کچن سنه بودجه مذا کره بسندن بو کونه قدر او اوچ بیک لیرادن بر کتاب دخی کله مشدر . معلوم عالیکز بو اوچ بیک لیرا کتاب کلسون دیبه قوندی . و برطاقم کتابلر واردر که علوم حقوقیه و سیاسیہ و اقتصادیه یه تعلق اعتباریله مجلس عالی نک هر کونکی موضوعنه تعلق ایدر . کچن سنه بودجه یه قونان اوچ بیک لیرادن مجلس عالی یه بر کتاب کله مش . اولورسه بوسنه کی قونان پاره دن ده کلیه جکی آکلاسیلیور . اونک ایچون کتبخانه انجمنی تشکیل ایدن ذوات کرام و هیئت اداره دن ده خاصه رجا ایدرز که کله جک سنه بو حادنه تکرر ایتمه سون . هیچ دکلسه اولجه ایصمارلانمش اولان . کتابلر بر آن اول کتیر تیلسون و تعقیب ایدلسون . مجلس عالی

داخلنده بونی تثبیت ایتملی در . بو ، بو قدر . رجا ایدرم الکزده کی مفردات بودجه سی تدقیق ایدیکز . موازنه مالیه انجمنندن ده ، هیئت ادله دن ده - که بونلر بودجه دن مسئولدر - رجا ایدره رز مجلسده بودجه قبول ایدله دن تعادلی تأمین ایتمونلر و او اساس داخلنده قادرویی تثبیت ایتمونلر . مجلس کندی مأمورلری حقنده عدالتی یاپه مازسه کیمسه حقنده ده عدالت یاپه ماز .

مختار بک ( طربزون ) — آرقداشلر ! بنده بو مجلسه عائد بنالرک ایجاب ایدن خدماته تخصیصنده کی عدم انتظامنه اعتراض ایدره جکم . بوندن اوچ ، درت . آی اول یوقاریکی اسکی مجلس بناسنک او وقت ریاست او طه سی اولان یر نافعہ انجمننه تخصیص اولنمشدی . نافعہ انجمننده ایکی دفعه ، اوچ دفعه اجتماع ایتدک . بر کون کیتدم باقدم ، لوحه سی داکشمش . باشقه شکله کیرمش ، خلق فرقه سی کاتب عمومی سی ، مدیر عمومی سی نه اولدی ؟ نافعہ انجمنی ده باشقه او طه یه باشقه انجمنک یزیننه نقل اولندی . بر قاچ اجتماع دن صکره بر دها تعدیل اولندی . بوسفرده ایکنجی بردائریه ، برهفته اول صوک دفعه ینه کیتدک . برده باقدق که بو علاوه اولنان کوچوک بناده بش انجمنک طویلانندی بر او طه یه نقل اولونمش . چوق رجا ایدرم ، مجلسک خدماتی کورن انجمنلرک ، هیچ صنع تقصیری اولمادن اورادن اورایه نقلی دوعری دکلدر . انجمن زده طویلانہ جق ، ولطفاً و تنزلاً زره سی ویرلمش دینه هر صباح صورمغه مجبور اولیور . مہادیآ دیکشدر یلیور .

صوکره و هپی بک کتبخانه دن بحث ایتدیلر . حقیقه مجلسک بر کتبخانه سی واردر و یوقاریده کی بناده در . بزم الکمز یاده کتبخانه یه کیتمه وقت بوله بیلدی کمز زمان ، اکثریت فرقه سنک اجتماع ایتدیکی زماندر . او زمانده اورایه کیرمک یساقدر . بناء علیه ، بز کتبخانه دن بسبتون محروم اولویور . بشقه زمان ایشمز واردر . ایشمز اولمادیکی زمانده او بناده اکثریت فرقه سنک اجتماعی واردر . شو حالده بزم بو کتبخانه دن استفاده ایتمک امکانز یوقدر . کتبخانه مسئله سی آرقداشلر چوق کوزل

کیمسہ ننگ کیردیک کورولہ مشدر . بوجہتی تدقیق بویورسونلر ! اوتدقیقات دائرہ سنده جرکت ایتسونلر ! یعنی بومطالعہ لرینہ برقید احترازی قویمہ دن کچہ میہ حکم . صکرہ افندم ! برده استقلال محکمہ لرینک مذا کر اتندن بحث ایتک ایسترم . معلوم عالیکنز ، استقلال محکمہ لری مملکت مزہ مخصوص برتشکل عدلی در . مملکت مزدن غیر ی بر یرده موجود اولیمان بر مؤسسہ در . بناء علیہ بونک تطبیقاتندہ تعاملات مملکتک ضرری وضعیت لرینی نظر دقتہ آلمق لازم کلیر . بوبادہ کی قاعدہ لری یکی باشند تأسیس ایتسی ایجاب ایدیوردی . بونک ایچون استقلال محکمہ لری محاکماتک جریدہ رسمیه ایله هر حالده انتشار ایتسی ایجاب ایدر . چونکہ غیر رسمی غرتہ لردہ بوضبط لری او قویوروز . بوضبط لری تا مامدر . حالبوکہ معلوم عالیکنز استقلال محکمہ سی مجلس عالی دن دوغمه بر مؤسسہ در . اونک هر درلو فعالیت اوزرنده بر نظری اولسی طبعیدر ، اونک ایچون بومؤسسہ ننگ ماهیت عمومیہ سی اعتبار بلہ مذا کر اتنک جریدہ رسمیه ایله انتشار ایتسی ، سائر محاکمک مذا کر اتنک جریدہ رسمیه ایله ایتہ مسیلہ قیاس ایدیلہ مز . چونکہ بوراسی مجلس عالی به مر بوطدر . بناء علیہ بو خصوصده استرحام ایدیورم . هیئت جلیلہ بونی بر قاعدہ ، بر اساس اولہ رق قبول بویورسون ! استقلال محکمہ لری مذا کر اتی جریدہ رسمیه ده منتظما بررو وثیقہ تاریخیہ اولہ رق دائما نظر مطالعہ مزہ معروض بولسون .

صکرہ ، وهی بک افندی بر نقطه به اشارت بویوردیلر ، حقیقہ بزم مجلس عالی مأمور لری ، بوتون تورکیہ مأمور لرندن دها آز معاش آلان ونوعما مشکل وضعیتده اولان افندی لردر ( چوق چالیشان لردر سسلری ) .

فریدون فکری بک ( دوامله ) — چوق چالیشدقلری طبعیدر . بوتون تورکیہ مأمور لری ده چالیشمقدہ درلر . بومأمور لرمز متناسب بر ثمرہ آلاما مقده درلر و حقیقہ مضطرب وضعیتده درلر . بناء علیہ بونلرک اضطر اباتی تأمین همده فعالیت لرینی تزیدہ مدار اولمق وعینی زمانده قاعدہ معدلتہ توفیق و اساس عدل اوزرندن یورومک ایچون بودجہنی اوکا کوره تنظیم ایدہ رک بزہ اعاده ایتسونلر ،

اعضاسی یکی اثر لری تعقیب ایتسون مذا کر اتده وقوانینک تنظیمندہ ایجاب ایدن مراجعت کاہلر ایدہ بولسون . وهی بکک مطالعاتندہ شعبہ اوطلر لرندن بریسنہ کتب خانہ ننگ نقلی کبی بر جہت واردر کہ بندہ کزده بو فکرہ اشتراک ایدیورم . فی الحقیقہ کتب خانہ ننگ اوزاقدہ اولسی کتب خانہ دن استفادہ ایتک کلکمزہ تماما مانع اولمقدہ در . چونکہ اکثر اوقات ده بورادہ مساعدیدہ بولندیغمز دن کتب خانہ به اوغرایہ مایوروز . وتدقیق وتبع ایدیلہ بک بعض جہتلر تدقیق ایدیلہ مہ مکده در . بناء علیہ کتب خانہ ننگ اوزاق بر محلدہ اولسی هیچ بر مملکتندہ کورولہ مش برشیدر . هر مملکتندہ کتب خانہ مجلسک تماما یائی باشندہ و آلی آلتندہ و وساطتی دائما مہیا بر وضعیتده بولنور . وهی بک بر صورت تألیف اولمق اوزرہ شعبہ اوطلر لرندن برینک اوفاق بر کتب خانہ به قلبنی تکلیف بویوردیلر . بندہ کز کتب خانہ ننگ بورایہ نقلی دها موافق بویورم . هیچ دکلہ اداره هیئت بونی یاپسون . بر طاقم قوانین واسکی دستورلر ، بویوردقلری کبی مجلسک ضبط جریدہ لری بورادہ بولنمیلدر . بونلر بزم آموز قولمزددر . وساطت مزدر ، وساطت تشریحیہ در . بونلری تا اورادن کتیر تمک خیلی بر کلفتدر . بناء علیہ بندہ کز جہ هر حالده عاجلا بوسنہ اولماز سہ بیله کله بک سنہ اجتماعیه مبدأندہ بو خصوص تأمین ایدلش بولنمیلدر .

وهی بک افندی ننگ مطالعاتندن بر نقطه به بندہ کز اشتراک ایدہ میہ حکم . فی الحقیقہ ہمیز خلقجی بز ، ده موقراطنجی بز . خلق ایله وکیللری آرہ سنده برفرق اولہ باز ، خلق ایله وکیللری حال تماسده بولنمیلدر . آنجقظن ایدیورم کہ هیچ بر مملکتک مجلس کتب خانہ سنہ مبعوثلردن بشقہ سنک کیرمی معتاد اولہ مشدر . بو خصوصی تدقیق ایتلیدرلر . چونکہ بونک کندیسنہ کوره بعض مخذور لری واردر . مبعوثلر آراسندہ بعض مکالمات اولور . بونلرک هر آن خارجه انعکاس ایتسی درلو درلو تأثیرات یاپه بیلیر . سوء تفہماتی موجب اولہ بیلیر . سائر مملکتلر دده مجلس داخلنہ بلارخصت ، بلا مساعدہ

سى ايدىلىكده در. و كلكه چك سنه بوراده غايت ابي بر كىتبخانه كوره چكسكز. و حال حاضر ده كى كىتبخانه دد ظن ايدر م كه هيئت جليله كزى ممنون ايدى چك شكده در .

رسمى جريده مسئله سنه كلنجه :

رسمى جريده لر چيقمقده و نشر ايديلن قوانين ده بوجريده لرله انتشار ايتمكده در. يالكز دون قبول ايديلن ايكي قانون هنوز رئيس جمهور حضر تلرى طرفدن تصديق ايدلمديكي ايچون رسمى جريده ده انتشار ايدمه مشدر. يالكز اويله آ كلايورم كه وهى بك افندى ؛ رسمى جريده لره ضبط لركده درجى صورتيله مملكتده تعميمي مسئله سنى تأمل ايدرك بونقطه نظر دن انتشارى لزومى سرد ايتمكده در لر .

اوت، بوجهت حقيقه شايان دقتدر. مطبعه نك نقصان لرى كوندن كونه تأمين ايدى لى كده در و اكالم ايدلك اوزره در و كلكه چك سنه بونى ده تأمينه چاليشه جغز. (كچن سنه اوليوردي سسلرى) .

كچن سنه اولسى مسئله سى؛ مطبوعات مديريت عموميه سنك بر مطبعه سى وار ايدى . مطبوعات مديريتى دوغريدن دوغرى به جريده نشر ايدى وردى و بومطبعه ايله طبع ايدى وردى . حالبوكه بوكون مطبوعات مديريتى مطبعه سنك العاسى اوزرينه بو وظيفه بويوك ملت مجلسى مطبعه سنه توديع ايدلمديكي ايچون ايشلرك كثر تندن ياييله مامشدر . ياييله مامسى ده وسائل طمرك آزلنى و قابليتك اولمه مسنددر . بوجهت ده هر حالده نظر دقته آله جتمدر .

مختار بك آرقداشمز ، انجمن او طه لر ينك تبديلندن شكاييت ايتديلر . اوت ! بونده حقارى اوله بيلور . فقط مجلسك وضعيتى هيكز جه معلومدر . اولابر كىتبخانه ياييق مجبوريتنى حس ايتدك واسكى دائره ده كى اجتماع عمومى صالونك قارشوسنده كى صالونى كىتبخانه اولارق تخصيصر ايتدك . بد ايتده كىتبخانه اتخا ايديلن بوصالونك ياننده كى او طه لر انجمن او طه نى حالنده ابقا ايديش ايدى . فقط صو كره دن ضرورى اولارن او ايكي او طه نى ده كىتبخانه به الحاق ايتدك و ظن ايدر م كه بوئى الحاق ايتمكله آي برشى ياييش اولدق و بيه

معروضاتم بوندىن عبارتدر . بو خصوصده وهى بكك مطالعاتنه اشتراك ايدىيورم .

هيئت اداره دن على رضا بك ( استانبول ) — محترم وهى بك آرقداشمز بعض نقطه لرده اشارت ايتدكلى ايچون هيئت اداره نك بو بابه كى مطالعه لر نى سويله مك مجبورى ايله كرسى به چيقمش بولنيورم . مجلس بناسنك تنظيمندن بحث ايتديلر . معلوم عاليكز ، مجلس بناسى كچن سنه غايت قيصه بر زمانده يتشدى و آنحق بوقدر تنظيم ايديله بيلدى . مجلسك تعطيلندن صو كره بوجهت لر نظر دقته آله جق و ايچوب ايدن نظيات آرزولرى و جهله حل ايديله چكدر . مجلسك توسيعى تمينا سنده بولنديلر . فقط بو ، دوغريدن دوغرى به بر تخصيصات مسئله سيدر . مجلس على بو تخصيصاتى قبول بويور سه طبيعى بوجهتده تأمين ايديلور . كىتبخانه نك يكي بناده بولمى لزومندن بحث بويورديلر . اوت بولزومى زده حس ايدىيورز و بوراده بر كوچوك كىتبخانه وجوده كىتيرمك لزومى حس ايدىيورز . هر حالده بو كىتبخانه نى بو تعطيل دوره سنده ميدانه كىتيره چكز . حواله مأمورى مسئله سنه كلنجه : بو بوسنه بودجه به قومشدر و قطعياً بر حواله مأمورى تعيين ايديله چكدر . و بو حقيقه بويوك بر احتياجدر و بو مأمورك تعيين ايله همز ايچون بر قولايلىق اوله جقدر . كىتبخانه نك عمومه كشاده بولندير لى مسئله سنه كلنجه : بونى ده قبول ايتمكده يز . فقط كىتبخانه نك عمومه كشاده بولندير لى طبيعى مجلس عالينك قرارينه وابسته در ( اولماز سسلرى ) . مجلس على قرار وير سه بوجهت ده تأمين ايدر ز . فقط دوغريدن دوغرى به هيئت اداره بونى كندى دائره صلاحيتى داخنده كوره مه مكدده در .

كىتبخانه نك اصلاحى كتابلرك نقصان لر ينك اكالى ودها بر چوق كتابلرك جلبى هيئت اداره جه بر عمددر و بونقطه به دوغرى يورومكده در . مجلس كىتبخانه سى كچن سنه ۴۰۰ - ۵۰۰ كتابدن عبارت ايكن بوكون بيكلر جه جلد لره ابلاغ ايدلمش و كوندن كونه توسيعنه چاليشيلمقده در و قيمتدار آثارك بورايه جلبنه هيئت اداره جه

ظن ایدیورم کہ کتبخانہ نک بوکونکی وضعیتن آرقدا۔  
 شایمک نمون اولدیغی تخمین ایتمکده موبالاً آخره استانبولده  
 اعیانک ۳: ۴ بیکه یقین کتابی واردر. بونلری ده نقل ایتک  
 نقل ایتک مجبوریتندیز و دوشونڈک دیگر بر او طه دها  
 آله م، کتبخانہ به بر قابو آچلم، بونی ده علاوه ایدلم.  
 چونکہ الہ کی کتبخانہ به دها زیادہ کتاب قویمانک امکانی  
 یوقدر و کتبخانہ به توسیع ایتک ایچون ده دیگر بر  
 دائرہ نک یکیدن کتبخانہ به الحاقی لازمدر. بونلرک هپسی  
 بوکبی ضرورتلرله یابلمشدر. بوندہ هیچ بر مقصد  
 مخصوص یوقدر. هیئت اداره بویله فرقه جیلق حسی ایلہ،  
 شوویا بو حس ایلہ هیچ بر زمان دوغروندن دوغری به هر  
 هانکی برانجمن دیگر بر یرہ نقل ایتسین بونک امکانی یوقدر.  
 نافعہ انجمنده یالکز مختار بک افندی بولنسه ایدی بو وارد  
 اوله بیلردی فقط جاوید پاشا حضرتلری ده واردر  
 و جاوید پاشا حضرتلری ده بزم فرقه دندر. بوندن  
 دولایی هیئت اداره بی بویله دوشونجہ لردن قطعاً تنزیه  
 ایدهرم. بویله بر شئی قطعاً دوشونڈک، دوشونڈک  
 مسئله سی ده قطعاً خاطر دین کچه مز ( براوو سسلری ) .  
 فریدون فکری بک آرقداشمز کتاب مبايعه سیندن شکایت  
 ایتدیلر. بنده کز کندی حسابمه بوشکایتلرینی غایت محق  
 کورمکده م. اوت هیئت اداره بر جوق مشاغل آره سنده  
 و هیئت اداره دن بنده کز کتبخانہ انجمنی میانہ داخل  
 اولدیغ حالده کتاب مبايعه سی مسئله سی دوشونمه مشز .  
 اوچ بیک لیرالق تخصیصات طور بیور. بوندن ایکی آی  
 اول انجمنده مذا کرا میدر کن بوجهت نظر دقتمزی جلب  
 ایتدی و اون پاره قالماق شرطیله اک نفیس واک اساسلی  
 کتابلر انجمن طرفندن انتخاب ایدیلرک سپارش ایدلدی.  
 بوندن بر قسمی کلشدر. یعنی درتده بر نسبتندہ کلشدر.  
 متباقی بر قسم یولده در و پاره لری ده کوندرلشدر. دکل  
 تشرین ثانی ظن ایدهرم بو برایکی آی طرفنده تخصیص  
 ایدیلرک پاره بی تماماً صرف ایدہ بیلیرز. معروضاتم  
 بوندن عبارتدر .

مأمورین معاشری مسئله سی ! اوت ایتدیلر! بز بودجه بی  
 یایدیغمز وقت ده دیوان محاسبات انجمنی کیجه یومیه سنه  
 عائد اولان قراری مجلس عالی به کتیرمه مش و هیئت اداره .  
 بویله بر قرار مواججه سنده قاله جغنی تخمین ایدہ مه مشدر.  
 بوضرور تله بزیک آزمعاشلی اولان نرہ اوفاق برضائم اساستی قبول  
 ایدرک بودجه مزنی تنظیم ایتدک و موازنه انجمنه کورتور دک.  
 بالآخره بوقرار ویرلدی و بوقرار اوزرینه بودجه بی مجلس  
 عالی دن آلمغه مجبور اولدق. چونکہ کوردیککز شو ایتدیلر،  
 کوردیککز بوضبط کاتبلری کیجه یاریسنه قدر چالیشمق  
 مجبوریتندہ در. کوردیککز مطبعه مستخدمینی بوتون کیجه  
 چالیشمق مجبوریتندہ در. چونکہ اجتماعلر اقشامه حتی کیجه  
 یاربلیرنه قدر دوام ایتمکده وضبط کاتبلری او کیجه  
 بونلری توحید ایدوب مطبعه به ویرمک مجبوریتندہ درلر .  
 بو توحید معامله سی ایچون کچن زمان کیجه به داخل اولدیغی  
 ایچون بونلرک کیجه چالیشماسی ایجاب ایدیور و ایرتسی  
 کونده ضبطلرک بهمه حال اعضای کرامه توزیعی مجلس  
 عالی نک قراری اقتضاسی اولماسندن مطبعه ناک ده کیجه  
 چالیشماسی مجبوری واردر. بواساس داخلندہ بعض ملاحظات  
 قرار لاشدیردق و بونی ده انجمنه عرض ایتدک . فقط  
 انجمنه مطابق قالدیغمز و قاله مادیغمز بعض نقاط واردر .  
 شمندی هیئت محترمه بی بی لزوم اوله رق ازعاج  
 اتمه مک و تصدیع اتمه مک ایچون تفصیلات ویرمکدن صرف  
 نظر ایدیورم. فصللر کلا کده بو بایده کی معلوما تیی عرض  
 ایدہ حکم .

رئیس — فریدون فکری بک بر سؤالی واردر .  
 فریدون فکری بک ( درس ) — افندم ! معلوم  
 عالی کز مجلسده مذا کراتی بوتون اعضانک تعقیب ایدہ بیلمه سی  
 ممکن اوله مایور. بو محکک جبهه سنده، جبهه وضعیتندہ مذا کراتی  
 استماعه مانع وار. کویلر ده موجود بر جوق آرقداشلیرمز  
 مذا کراتی تعقیب ایدہ میور و هیچ بر پارلمنتوده بونک قدر  
 بویله مشکلات عرض اتمه یور. بنده کز شو یله بر فکره م.  
 مجلسک جبهه سنی شو طرفدن بو طرفه الهرق ریاست  
 کرسی سنی شو ویا بو طرفده یایمق و آنفی ته آتر شکلندہ ،

علی رضا بک (استانبول) — افندم! بونک حقندہ کی قراریمزدن بحث ایتمک ایسترم. ضبط جرائدی مملکت داخلندہ انتشار ایتمور وضبط جریدہ لری خلق او قویہ۔ میور. بونلر جریدہ رسمیلرلہ تأمین ایدلسون فکری وار و برده ضبط جرائدینک مملکتندہ او قوتدیرلسنک تأمین مسئلہ سی وار. بونک اسبابی عرض ایدیم. مجلس عالی برچوق قانونر چیقاریور و برچوق سوزلر سویلہ۔ نیور. و ضبط جریدہ لری نشر ایدیلیور. بونلر ملنک نظر استفادہ سنہ و نظر اطلاعہ عرض ایدیلیدر. فقط شیمدی بہ قدر تعقیب ایدیلن اصولہ مجلس عالی ضبط جرائدینک هیچ اولماز سہ نواحی بہ قدر اولسون کوندرلمسی، کویلردن صرف نظر ایدیم، اوت احتمال و سائلمز مساعد اولمہ جق و حتی مطبعہ منک قابلیت مساعد اولمہ جق فقط نواحی بہ قدر کوندرلمسی لازمدر. بونک ایچون بر تشکیلات اولمامنی و سنک درمیان ایتدیکنز اساسلرک تأمین ایدیلہ مہ مسنہ سائق و عامل اولمشدر. بوسنہ توزیع مأمورلغنی احداث ایتدک. بونک آلت قائدہ براوطہ سی اولہ جق نہ چیقارسہ و نہ قدر قانونر چیقارسہ بوندن صکرہ ہر کون نشر ایتدیرہ جکنز.

فریدون فکری بک (درسم) — کین سنہ اولہ اولدی.

علی رضا بک — یایمق فکرنده یز. بونلری دوغریدن دوغری بہ مجلس واسطہ سیلہ رسماً کوندرہ جکنز. مقصد مز بودر. و بودہ یاییلہ جقدر (بک اعلا سساری). شکر بک (بولی) — موفق اولورسہ کز چوق اعلا.

علی رضا بک (استانبول) — مأمور اولدقدن صکرہ تشکیلات اولدقدن صکرہ ہر شینہ موفق اولنور. موفق اولماق امکانی یوقدر. یالکنز تثیت ایدلسین و عزیم ایلہ چالیسلسین بومفصل مسائلدن دکدر.

فریدون فکری بک (درسم) — معلوم عالیکنز، مجلس کتبخانہ سنندہ ہر ہانکی برکتانی بولمق ایچون بک چوق مشکلاتہ معروض قانیور. تدقیقاتہ نظراً

نصف دائرہ شکلنہ کتیرمک صورنیلہ مذاکراتی دہا یقیندن منتظم صورتدہ تعقیبہ امکان اولدینغی ظنندہ یم. بناء علیہ ہیئت ادارہ بوجہتی تدقیق بو بوسونلر. بلکہ بو بوز مصرفی موجبدر. فقط مجلس مذاکراتنک اعضای کرام طرفیندہ دہا زیادہ استماعی موجبدر. حتی او درجہدہ مذاکرہی ایشتیمک مشکلددر کہ بندہ کز و دیگر آرقداشلر مز مذاکراتی تعقیب ایدہ مہ مکدہ یز. نصف دائرہ اولورسہ ریاست مقامی بو طرفہ و یادیکر طرفہ کتیریلیر وجہدہدہ کشدیریلہ جک اولورسہ ظن ایدرم، مذاکرات دہا زیادہ تسہیل ایدلش اولور. بونی ہیئت ادارہ تدقیق بو بوسون.

هیئت ادارہ دن علی رضا بک (استانبول) — مساعدہ بو بوزیکز افندم. بومثلہ اوزون اوزادی بہ ہیئت ادارہ طرفندن تدقیق ایلمش و حتی غایت مہم اولان عکس حقندہ معلومات و اختصاصی بولنان بر مهندس ایلہ کوروشلمش و بونک پروژہ لری احضار ایدلشدر. بومستطیلک ضلع صغیری اوزرنده بولنسی، هیچ بر زمان موضوع بحث ایتدیکنز اسبابدن دکدر. دوغریدن دوغری بہ مجلسک بوجہ سنندہ فضلہ جام بولنسی عکس صدایہ مانع اولیور. اوت بوجلسک ایچندہ یوزدہ اوتوز نسبتندہ صدا نقل ایدیلہ بیلیور. فقط بو، صنعت و بر اختصاص مسئلہ سیدر. بو قرار لاشدیرلمشدر. بز بعض تعدیلات ایلہ بو صالونک عکس صدا مسئلہ سنی تأمینہ چالیسہ جقز.

فریدون فکری بک (درسم) — بر سؤالم دہا وارددر. جریدہ رسمینک مجلس مذاکراتی تعقیب ایتمی چوق اوزون و کلفتلی برشی اولور. یعنی بندہ کز بونی بز بر نتیجہ بہ ایصال ایدہ جکی ظنندہ اولانلردن دکلم. بناء علیہ مجلس عالی نامنہ ہر کون اعضای کرامہ توزیع ایدلمکدہ اولان ضبط جریدہ لری نک خارجدہ غایت اوجوز بر فیئالہ طبع و فروخت ایتدیرلسنہ امکان وارمیدز، یوقیدر؟ بندہ کز امکان اولسی ایچون چوق طبع ایتدیرلمسی فکرنده یم.

اوطہ کتبخانہ یہ قلب ایدیلنجہ انجمنی طیشاری آتوب  
 او مأموری اورایہ کتیردیلمر . اوچنجی دفعہ دہ دائمابویله  
 اولمشدر . یوقسہ کتبخانہ ، انجمنک اوطہ سنہ و انجمن  
 کتبخانہ یہ نقل اونوندی دیمدم . اعتراض ایتدیکم بودکلدر .  
 بونی . مطلقا خلق فرقه سندن اولمدیغم ایچون یاپدیکنز  
 دیمدم . ذاتاً غروب اجتماعندن بشقہ ہیئج برشی ایچون  
 رسمی موقعی اولیانلر ، مجلسک رسمی تشکیلاتہ  
 ترجیحاً ریالیور رسمی تشکیلات خارجه آتیلینور . تشکیلاتی  
 یرلشایر میوبده بشقہ بر مؤسسہ یی یرلشدر میکی ترجیح  
 ایتشدر . یعنی ؛ رسمی تشکیلاتی بشقہ یہ آتدقلریخی سویله دم .  
 علی رضا بک ( استانبول ) — مختار بک افندی  
 آرقداشم ینہ ہیئت ادارہ یی طرفکیر لکله اتہام ایدیورلر .  
 ہیئت ادارہ بیطرفدر . اوت بو انجمنلر یعنی بیوردقلری  
 صول طرفده بولنان اوطہ لر تبدیل ایدلمشدر وتبدیلنہ  
 دوعربدن دوعری یہ ؛ کتبخانہ نک تشکیل وتأسیسی عامل  
 اولمشدر . شیمدی صوک براوطہ آلدق . بو اوطہ دہ دہ  
 فرقه نک کاتبلری اوطوریور . بک اعلا ؛ ہر یردہ بوتون  
 دنیانک پارلمنتولرنده اکثریت فرقلرینک اجتماع عمومی  
 سالونلری ، اوطہ لری و کاتبلری واردر . وبونلر فضولی  
 برشکیلات دکلدر .  
 مختار بک ( طربزون ) — دنیانک ہیچ بریرندہ بویله  
 برشی یوقدر .

علی رضا بک استانبول ( دواملہ ) — بز کاتبلری  
 چیقارنجہ طبیعی کاتبلرہ براوطہ ویرمک لازمدر . اونلرہ  
 قارشیدہ کی کوچوک اوطہ یی ویردک و بویوک اوطہ یی  
 کتبخانہ یابدق . نافعہ انجمنی دہ قارشیدہ کی اوطہ یہ کچیردک .  
 مسئلہ بوندن عبارتدر ( مذا کرہ کافی سسلری ) . و ترجیح  
 مسئلہ سی دہ یوقدر .

رئیس — افندم ! کفایت مذا کرہ تقریری واردر ،  
 او قویہ جغز :

ریاست جلیلہ یہ

مذا کرہ کافیدر . فصللرہ کچیلمسنی تکلیف ایدہ رم .

سینوب

رجب زہدی

اسکیدن صاسون افندینک یاپدینی بر قاتالوغ واردر .  
 حالبوکہ او زمان یاپلمش بر قاتالوغہ بوکون چالیشمق  
 امکانی یوقدر . بناءً علیہ قاتالوغ ایچون چوق رجا  
 ایدرم و مطبوع اولسنی دہ آیریجہ رجا ایدرم .

علی رضا بک ( استانبول ) — افندم ، بر کتبخانہ  
 اولسون اونک قاتالوغی اولمازسہ او کتبخانہ نک قیمتی  
 یوقدر . ہیئت ادارہ کز کتبخانہ نک اہمیتی و قاتالوغ  
 مسئلہ سنی دوشونمش و کتبخانہ مأمورینہ بوامری  
 ویرمشدر و ہمہ حال قاتالوغلر باصیلہ جقدر . کلہ جک  
 سنہ مجلس اعضاسنہ توزیع ایدیلہ جک و کتبخانہ دہ متعدد  
 نسخہ لری بولنہ جق و ہر سنہ نہ علاوہ اولنورسہ بونلر  
 تجدیداً باصیلہ جق و توزیع ایدیلہ جقدر ( کافی سسلری ) .  
 قدری بک ( سیورک ) — افندم ، بندہ کز  
 مخبرہ ماکنہ سنی صوراجق ایدم . شمدی یہ قدر بورایہ  
 ویردیکنز تلغرافلر بورادن تلغرافخانہ یہ کوندر یلیوردی .  
 تلغرافلر بورادن طوپارلانوب مرکزہ کیدیور .  
 علی رضا بک ( استانبول ) — افندم ! بومسئلہ یی  
 دوشونمک . چونکہ معلوم عالیکنز مجلس بناسی ایلہ مرکز  
 تلغرافخانہ سی آرہ سندنہ مسافہ بک آزدہ . سہولتی موجبدر .  
 مع مافیہ بونک حقنہ تدقیقات یاپالم و تلغراف مدیر عمومیسیلہ  
 کوروشلم و چوق فائدہ کوریرساک بونی دہ یاپارز .

مختار بک ( طربزون ) — آرقداشار ! بنم معروضاتم  
 یاکلش آکلاشیلدی . بن افادمدہ دیمدم کہ فرقہ دن خارج  
 اولدیغمدن دولایی او اوطہ دن باشقہ یرہ نقل ایتدیلمر . بویله  
 برشی دیمدم . خلق فرقہ سی تشکیلاتنک احتیاج کوستردیکی  
 اوطہ لر اصل و مجلس تشکیلاتنک کوستردیکی احتیاج فرعی  
 اولیور . اولاً فرقہ یہ عائد ایشرا کمال ایدلکدن صوکرہ  
 بریکی یاپیلیوردیدم . حتی بونک اثباتی شہودر . بزم  
 انجمنک اوطہ لری ہیچ برزمان کتبخانہ یہ قلب ایدلمش  
 دکلدر . قپودن کیرنجہ نافعہ انجمنک اوطہ لری  
 تصادفی اولہرق قوریدورک صول طرفندہ ایدی و ضول  
 طرف کتبخانہ دکل ایدی . یعنی بزم اوطہ لر خلق فرقہ سنک  
 باش کاتبنک و یامدیرینک ، یاخود بشقہ بر مأمورنک بولندینی

رئيس — افندم، مجلس بودجه سنك هيئت عموميه سنى  
حقننده كى مذاكره نك كفايتنى قبول ايدنلر لطفاً ال  
قالديرسون !

كاظم وهبى بك ( ارغنى ) — سوز ايسته يورم .  
كفايت علمينده سويليه جكم .

رئيس — قبول ايتمينلر لطفاً ال قالديرسون !  
كفايت قبول ايدلشدز . كاظم وهبى بك ! بن كفايتى  
رأيه قويدقن صوكره سوز ايسته ديكرز . بناء عليه سوز  
ويره نم .

كاظم وهبى بك ( ارغنى ) — خير افندم ، ده اول  
ايسته دم .

رئيس — افندم ! فصللرك مذاكره سنه كچلمشدر .

فصل ليرا

۱ بوبوك مجلسى خصصائى ۱,۰۳۳,۲۰۰  
رئيس — مطالعه يوقدر . فصلك يكونى اولان  
۱,۰۳۳,۲۰۰ ليرانى قبول ايدنلر لطفاً ال قالديرسون !  
قبول ايتمينلر ال قالديرسون ! قبول ايدلشدز .

فصل ليرا

۲ خراجره ۱۲۳,۵۰۰  
رئيس — فصل حقننده مطالعه يوقدر . فصلى عيناً  
قبول ايدنلر لطفاً ال قالديرسون ! قبول ايتمينلر لطفاً ال  
قالديرسون ! قبول ايدلشدز .

فصل ليرا

۳ استقمول محكمه لرى مصرفى ۵۴,۵۶۰  
( يوقدر سسلرى )  
رشدى پاشا ( ارضروم ) — المزده كى بودجه ده  
اويله برشى يوقدر .

رئيس — افندم ! بوبوك ملت مجلسنك بودجه سنى  
موازنه ماليه انجمننده تدقيق ايدلكدن و بودجه طبع  
وتوزيع ايدلكدن صكره بو محكمه لر تأسس ايتمشدر .  
اساساً بوبوك ملت مجلسنك بودجه سنده بوسرلوجه واردر  
وايجابنده تخصيصاتى قونور . بوندن دولاي هيئت ادازه  
استقلال محكمه سى مصرفى تعيين و طقوز ماده اوله رق

تثبیت ايتمشدر . [ ماده لر او قونسون سسلرى ] . او قونسون افندم .

فصل ليرا

ماده	استقمول محكمه لرى مصرفى
۱	رئيس ، مدعى عمومى و اعضا متفرقه سى ۲۴۰۰۰
۲	خرج راه ۹۰۰۰
۳	كتبه معاشائى ۲۴۰۰
۴	ايچار ۲۵۰۰
۵	قرطاسيه ۷۲۰
۶	خدمه اجورائى ۱۶۸۰
۷	مصارف متفرقه و تأسيسيه ۲۵۰۰
۸	تخصيصات فوق العاده ۴۵۶۰
۹	تلغراف اجورائى ۷۰۰۰

يكون ۵۴۵۶۰

رئيس — شا كر بك ! انجمن نامنه برشى سويليه  
چكميسگنر ؟

موازنه ماليه انجمنى مضبطه محررى شا كر بك ( ختالجه )  
— اوت ! استقلال محكمه سنه عائد اولان مصارف انجمننر  
كورمش و قبول ايتمشدر .

فريدون فكري بك ( درسم ) افندم ! استقلال  
محكمه لر ينك ماهيه مصرفى حقننده بر قانون واردر . او  
نظر ذقته آلهرقنى قبول ايدلشدز ؟

على رضا بك ( استانبول ) — او كاتبلره عائددر .  
يوز ليرا معاش اصلى داخنده كاتب استخدام ايدر .

فريدون فكري بك ( درسم ) — استقلال محكمه سى  
مذاكراتنك رسمى جريده عيناً و منتظماً طبعى حقننده كى  
مطالعاتمه نه بيورسيورلر ؟ اونى آكلامق ايتسيورم .

رئيس — استقلال محكمه سى مذاكراتنك جريده  
رسميه ايله نشر و اعلاى استقلال محكمه سى قانونه بر ذيل  
علاوه سنى مؤدى اولان برتكليف قانونيدر ( كورولتيلر ) .  
بناء عليه بو اصولى دائره سنده تكليف ايديليرسه ، انجمنلرجه  
تدقيق ايديلير . هيئت عموميه به كليز . هيئت عموميه  
قبول ايدرسه تكليفكز اجرا اولنور . بو هيئت اداره يه  
ترتب ايدر برسؤال دكلدر .



اولان بو آرقداشلرک دیار بکرده و اوته ده بریده ذلیل وسفیل  
قالملرینی بوجلسک شان و شرفیله قابل تألیف کورمه دک .  
بناء علیه هر اعضایه ۲۰۰ لیرا اوله رق متفرقه ویرلمسی  
اسیاسنی تکلیف ایدیوروز .

نجیب بک (ماردین) — یالکز دیار بکرده می ؟  
علی رضا بک — خایرافندم ! دیگر استقلال محکمه سی  
اعضایرینه ده عینی صورته ویرله جکدر . بز ، تعطیل  
قراری ویر ویرمز ، هپمز مملکتلریمزه کیده جکز ،  
ایشمز و کوجزله وحقی تجارتزله مشغول اوله جغز .  
اونلر ، بوجلس عالی نامنه ایفای وظیفه ایده جکلردر .  
رئیس — افندم ! ۳ نجی فصلک یکونی اولان  
۵۴،۵۶۰ لیرای قبول ایدنلر لطفاً آل قالدیرسون ! قبول  
ایتمه ینلر لطفاً آل قالدیرسون ! قبول ایدلشدر .

**فصل لیرا**  
**۴ مأموریه معاشات راهبرانی ۵۵،۰۱۸**

رئیس — افندم ! مساعده بویوریکز . بو فصلده  
ریاستک برتقریری وار ، هیئت اداره نکه ده انجمن ایله  
آرالرنده کی اختلافه دائر نقاط نظری واردر . بونلرک  
مذاکره سی لازمدر ، حالبوکه وقت جیکممشدر .  
بناء علیه بوفصلک مذاکره سنی یارینه تأخیر ایدیوروز .  
اولکی جلسه ده رأی عالیرینه وضع ایدیلمن مکتب بحریه  
و حربیه ایله تطبیقات بطریقه مکتبدن نشأت ایدن افندیله  
تجهیزات بدلی اعطاسی حقدنه کی قانونک ایکنجی دفعه  
رأیه وضعنده رأی ویرن اعضانک عددی ( ۱۴۶ ) در  
ومعامله تاممدر . ( ۱ ) مستنکف واردر . قانون ( ۱۴۵ )  
رأی ایله قبول ایدلشدر .

یارین اوکله دن سوکره ساعت بریچقده اجتماع ایلمک  
اوزره جلسه یی تعطیل ایدیوروم .

ختم مذاکرات  
دقیقه ساعت

علی رضا بک (استانبول) — بنده کزده بویله سویله جکدم .  
فریدون فکری بک (درسم) — بو، قانونق برایش  
دکلدر .

رئیس — افندم ! رجا ایدرم . هیئت اداره بوکا  
قرار ویره بیلر می ؟ بو هیئت عمومیه قراریه اوله بیلیر . بو  
تکلیف ، استقلال محاکمی وظائفه عائد اولان احکامه علاوه  
ماهیتنده در . بناء علیه نه وقت تکلیف قانونی ویرسه کز  
علی الاصول انجمنلره کیدر و اوندن سوکره مذاکره  
ایدیلیر .

علی سروری بک (قره حصار شرقی) — « رئیس ،  
اعضا ومدعی عمومیلرک متفرقه سی » دینیلور . بونی نهیه  
نسبت ایده رک ونهیه مستنداً تثبیت ایتمشدر در ؟ لطفاً ایضاح  
ایتسونلر .

علی رضا بک (استانبول) — افندم ! برنجی ماده ده کی  
« رئیس ، اعضا ومدعی عمومیلرک متفرقه سی ۲۴ بیک لیرا  
اوله رق قبول ایدلشدر و بهرینه متفرقه اوله رق ماهیه  
ایکیوز لیرا اوله رق قبول ایدلشدر . معاش اوله باز . متفرقه در .  
علی سروری بک (قره حصار شرقی) — شمده یه قدر  
تشکل ایدن استقلال محکمه سی هیئتلرینه بویله برپاره ویرلمش  
دکلدر . بوکانه دن لزوم کوردیکز ؟ وماده قانونیه یه احتیاج  
اولمقسزین بویله برپاره نکه وضعی جائز اولدیغنه هیئت اداره  
قانع میدر ؟

علی رضا بک (استانبول) — افندم ! مساعده بویوریکز  
عرض ایده می . بویوک ملت مجلسنک بدایتنده تشکل ایدن  
استقلال محکمه لری اعضالری ماهیه یوز لیرا متفرقه آدقلری  
کبی اوندن سوکره تشکل ایدن استقلال محکمه لری  
اعضالری ده مفتش خرجراء قانونه توفیقاً معاش آلشدر در .  
بز بونی حساب ایندک . آرقداشلریمزه ماهیه ۱۲۰ لیرا  
قدر برپاره اصابت ایتمکده در . بونلرک مصرفلرینی نظر  
دقته آدق . بویوک ملت مجلسی نامنه حاکمک ایده جک

مکتب حریبہ و بحر یہ ایله تطبیقات بیطریہ مکتبندن نشأت یادن افندیلره تجهیزات بدلی اعطاسی حقدمه کی قانونک نتیجہ آراسی

رایہ اشتراک ایدنلر : ۱۴۶

قبول ایدنلر : ۱۴۵

رد ایدنلر :

مستکفلر : ۱

قبول ایدنلر

زلفی بك ، شرف بك ، فیضی بك ، جاوید بك	دیار بكر	حلمی بك	آرتون
: اسمد بك	ریزه	: طلعت بك	آردهان
: راغب بك ، طونالی حلمی بك ، یوسف ضیاء بك	زونغولداق	: بسیم آنالای بك	آقسرائی
: خلیل خلیق بك	سمرد	: اسمد بك ، علی رضا بك ، نافذ بك	آماسیه
: رجب زهدی افندی	سینوب	: احمد ساقی بك ، حسن صدیق بك ، راسخ افندی	آنطایه
: رحیمی بك ، ضیاء الدین بك ، معمر بك	سیواس	: احسان بك ، شاكر بك ، علی فؤاد پاشا	آقره
: قدری احمد بك ، محمود بك	سیوه رك	: مدحت بك	آیدین
: حاجی ادهم بك ، رشاد بك ، عابدین بك ، واصف بك	صاروخان	: جعفر طیار پاشا	ادرنه
: احمد مختار بك ، حسن بك ، رحیمی بك ، سلیمان سری افندی ، شفیق بك ،	طربرزون	: حمدی بك ، فائق بك	اردو
: احمد رمزی بك ، حافظ شاهین افندی	غازی عینتاب	: ثابت بك	ارزنجان
: آغا اوغلی احمد بك ، عمر بك	قارص	: حازم افندی ، رشیدی پاشا ، منیر خسرو بك	ارضروم
: دوققور فؤاد بك ، شوكت بك	قرقلرابلی	: احمد عفت بك	ارطغرل
: علی سروری بك	قره حصار شرقی	: احسان حامد بك ، كاظم وهی بك	ارغنی
: صادق بك ، عزت علوی بك ، موسی كاظم بك	قره حصار صاحب	: محمود اسمد بك ، مصطفی نجائی بك ، منیر بك ، كامل بك	ازمیر
: حیدر عادل بك ، عثمان نیازی بك ، علی شعموزی بك ، محمد جاوید بك ، محمد وهی بك	قره سی	: مكرم بك	اسپارطه
: احمد ماهر افندی ، خالد بك ، محمد فؤاد بك	قسطمونی	: آچورا اوغلی یوسف بك ، حمدی بك ، سلیمان سری بك ، علی رضا بك ، حق شناسی پاشا	استانبول
: ابراهیم بك ، ابراهیم ثریاك ، احمد شكری بك	قوجه ایلی	: عارف بك ، عبدالله عزیمی افندی	اسكیشهر
: توفیق فكرت بك ، فؤاد بك ، موسی كاظم افندی ، نعیم حازم افندی	قونیه	: حسین بك ، محی الدین بك ، مصطفی بك ، ناجی بك	الغزیز
: احمد حلمی بك ، ثابت بك ، ذکی بك	قیصری	: شیخ صفیوت افندی ، رأفت بك	اورفه
: جلال نوری بك	كلیبولی	: دوققور توفیق بك	ایچ ایلی
: محی الدین بك	كنج	: شفیق بك	بایزید
: رفعت بك ، ضیا بك ، طلعت بك ، مصطفی عبدالخالق بك	كشقری	: عثمان نوری بك ، مصطفی فہمی افندی ، نجائی بك ، نورالدین پاشا	بروسه
: جودت بك ، راغب بك ، نوری بك	كوٹاہیہ	: حسین باقی بك	بوردور
: طاہر بك	كیرہسون	: احمد حمدی بك ، سلیمان سری بك ، صالح بك ، عونى بك	بوزاق
: عبدالرزاق بك ، نجیب بك	ماردین	: دوققور امین جمال بك ، فالخ رفیق بك	پولی
: بسیم بك	مرسین	: شكری بك ، محمد بك	بیغا
: نجسین بك ، حاجی محمد افندی ، مدحت بك	مرعیش	: جیل بك	تسكفورطانی
: حاجی بدر آغا ، رشید آغا ، محمود ندیم بك	ملاطیہ	: جاوید پاشا ، سلیمان نجیمی بك	جانیک
: الیاس سامی بك ، رضا بك ، عثمان قدری بك	موش	: احسان بك ، عونى بك	جبل برکت
: خالد بك ، عطا بك	نیکده	: شاكر بك	چتالجه
: ابراهیم بك ، حق بك	وان	: اسماعیل كمال بك ، دوققور مصطفی بك ، عصمت بك ، منیر بك	چوروم
		: فریدون فكری بك	درس

مستكفلر

حکاری : نظمی بك

نہایتندہ کی نوط بروجه آتی تصحیح ایلملی در :  
 جلد صحیفہ ۱۱ و ۱۲ جلد صحیفہ ۳۰۴ دہ مندرجدر .  
 جلد صحیفہ ۱۱ و ۱۲ جلد صحیفہ ۳۰۴ دہ مندرجدر .

صفحہ ۲۲۱  
 ستون ۲